



Segundo Kalonje

# Loreak udan intza bezela



11777  
GAS-129/4



# **Loreak udan intza bezela**

---

Auspoa Liburutegia  
255

---

**SENDOA ARGITALDARIA**

**Ugaldetxo auzoa**

**Tel. (943) 49 35 51 - 49 35 52 - 49 35 53**

**Fax (943) 49 35 48**

**20180 OLARTZUN (Gipuzkoa)**

Segundo Kalonje

# **Loreak udan intza bezela**

Auspoa Liburutegia  
(1998)

© SENDOA ARGITALDARIA

Fotokonposaketa eta inprimaketa: ITXAROPENA, S.A., Zarautz

ISBN: 84-89080-64-X

Legezko Gordailua: S.S. 467/98

**Ataria**



*Segundo Kalonge, bere emazte eta bi billoba: Nagore eta Ander.*



# Segundo Kalonje Ezeiza bertsolaria (1910-1986)

---

## Bizitzaren mugak

**S**EGUNDO Kalonje Ezeiza bertsolaria Donostiako Oriamendi baserrian jaio zan, 1910-ko azaroaren 25-ean. Pedro María Otaño il zan urtean munduratu alegia, berak bertso batean esaten duanez: "aren azkena izan omen zan ni jaio nintzan urtean".

Gurasoak Jose Martin Kalonje eta Frantziska Ezeiza izan zituan

Sei senide ziran: Segundo; Pedro, iru urterekin illa; Andres; Juana, Donostiako San Bartolome komentuan moja; Jose Leon, Julia eta Anizeto. Gaur egun danak illak dira, Julia izan ezik, bere jaiotetxean bizi dana.

Etixerako gelditu zana Anizeto izan zan, Konsuelo Otxotekorekin ezkontuta. Ondorengoak badituzte eta oietxek dira Oriamendiko seigarren belaunaldia Kalonje abizenarekin.

Segundo 1944-ko azaroaren 4-an ezkondu zan. Andregaita, Eulalia Urkola Agirrezabala, Donostiako Irola baserrikoa. Baserri ori gaurko ospitalen ondolan dago. Senar-emazte berriak bertan jarri ziran bizi izaten.

Lau seme izan zituzten: Andres, Bizente, Lurdes eta Josune. Zaarrena, Andres, ogei ta emeretzi urterekin il zan. Naigabe aundia izan zan ori Segundo-rentzat, berak bertso-sail batean agertzen duanez.

Segundo 1986-ko otsaillaren 4-an il zan, irurogei ta amabost urterekin. Odolak bear bezela korritzen ez eta etzebillen ondo. Baiña bat-bateko eriotza izan zuan, biotzak utseginda.

## Bertsolari

Segundo ez da izan Oriamendi baserrian jaiotako bertsolari bakarra.

Aita, Joxe Martin, bertsolaria zan. Arek aotik aora kantatutako bertsoaren batzuk ondoren eskeiñiko dizkiogu irakurleari.

Bertsolaria zan Joxe Martiñen anai bat ere, Lino, Oriamendin jaio eta Antiguan bizi zana.

Segundoren bi anai ere, Andres eta Leon, bertsolariak ziran.

Segundok aotik aora kantatutakoetatik bertso bakarra gelditu zaigu. Sebastian Salaberriak bere *Sagardotegiak* liburuan (*Auspoa*, 247) kontatzen digunez, batean bera eta bere lagun Segundo Oiarzungo mendi-baserri batera joan ziran sagardo edatera; eta ara zer gertatu zitzairen jeixterakoan:

“Eta gu bide trakets artan beera, al genduan bezela. Antxe konturatu giñan linternak etxean utzi genituala aztuta, eta illargia ere bere garaian ezkutatua izango zan noski.

Izarrak maiz ikusten genituan, eta ez zeru aldean, gertuago baizik, zugaitz-adarrak begiondoan jotzen giñunean. Logaleak zegoana esnatu erazten zuten aiek disimulo ederrean.

Alako batean or dijoa nere laguna amilka goitik beera, sasi mordo aundi batean ezkutatzeraifño. Ala zion:

– Amildu egin nauk. Etzekiat nola aterako naizen.

Nik goitik esaten nion:

– Miñik artu al dek?

Berak:

- Orain ez diat sentitzen. Biar izango dituk kontuak. Aurpegi-  
giko eta eskuetako arantzak ateratzen bazeukat egun erdi bateko  
lana.

Eta, ez bat eta ez bi, or asten da sasi tartean bertsoan. One-  
latsu kantatu zidan:

Goitikan bera amildu niok  
sagardoaren indarrak,  
ongi etorri egin zidatek  
emen otiak ta larrak,  
aurpegi dana zauriturikan,  
baita ere atzaparrak;  
arantza zorrotz asko zeuzkat nik  
biar atera bearrak.

Garai artan neroni ere, trebeago nintzalako-edo, bat-batean  
bertsoak kantatzen zerbait jarduten nintzan, eta nik ere nolabait  
eman nion nere erantzuna:

Zurruta maite duanarekin  
edariak agintzen du,  
batere uste gabeen jo ta  
ankaz gora botatzen du.  
Auxe da emen gertatu dana:  
guk nai baiño len illundu;  
etziñan beko zulora joango  
linterna izan bazendu.

Ederki kostata baiña noizbait atera zan, ba, sasi tartetik go-  
ra nere lagun Xegundo, eta nolabait jetxi giñan bide trakets artan  
beera”.

Segundok papereratutako leenengo bertsoak  
1936-ko gerra-denborakoak ditugu. Kintak deitu eta  
berak ere joan bear izan zuan. Bi urte t'erdian-edo  
or ibili zan Espaiñian barrena. Baiña zebillen tokitik  
etxerako eskutitzetan bertsoak sartzen zituan. Kar-  
ta oiek nundik nora ibili zan erakusten digute: Mon-  
tellano, Ampuero, Casasuertes, Asturias, Teruel,  
Iruñe, Kataluña...

Gerra ondoan lagunartean-edo kantatuko zuan,  
baiña aren orduko bertsorik ez degu ezagutzen.

Baiña 1968-XI-17-an, *Zeruko Argia* astekarian, aren bertso-sail bikain bat agertu zan, Bilintx gai artuta eta Basarriri bialduta. Onek ongi etorri maitekorra egin zion bertso-jartzailleen taldera:

“Aiete gañean edo inguruan bizi dan baserritar jator bat dorkigu gaur. Segundo Kalonje jauna dezute. Bertsolaria kastatik ere”.

Orduan leenengo emaitza argitara atera, eta azkena 1985-XI-21-ean. Bitarte ortan, dozenaka bertso-sail, gai askori jarriak, plazaratu zituan. Urte aietan bertso-loratze ugaria izan zan gure egunkari eta aldizkarietan. Edertasun ori Basarriri zor zaio geienbat. Aren itzalera bildutako jartzailleak ziran danak edo geienak beintzat.

Oietako bat izan zan Segundo Kalonje; eta opa-roenetakoa gaiñera. Basarriren lagun aundia zanez, berari bialduko zizkion bertsoak; bestela, eskutik eskura eman, Donostian alkarrekin biltzen ziranean.

Sariak ere bein baiño geiagotan irabazi zituan, garai artan egiten ziran bertsopaper-leiaketa gogoangarri aietan.

Berak an eta emen argitaratutako bertso-saillak osatzen dute liburu au. Baiña aurretik arek gerratean etxera bialdutakoak dira; eta atzetik, aren esku-idazkietan orain azalduak.

## **Esku-idazkiak**

Segundo Kalonjeren alabak, izan ere, beren aita zanaren paperak eta esku-idazkiak erliki bat bezela gordetzen dituzte. Paperik geienak, aren bertso-saillak argitaratu ziran egunkari edo aldizkari-muturrak dira. Esku-idazkiak, berriz, lau bat kuaderno, danak bertsoz beteta. Itxura danez, bururatu ala antxe papereratzen zituan.

Bertso oietan badira bein ere argitaratu gabeko saillak. Oiekin atal berezi bat osatu degu liburu ontan, *Esku-idazkiak* izenarekin.

Baiña argitaratutako saillak ere badira esku-idazki oietan. Eta batzuetan naiko ezberdin, egunkarietan eta aldizkarietan azaldu ziranetik. Itzak ez-ezik, lerro osoak ere berrituta. Aldaketa oiek emen jartzerik etzegoan, leku-faltaz.

Ala ere, ez degu dudarik izan testu oietan zein zan liburu ontarako artu bear genduana: egunkari edo aldizkarietan azaldua noski. Uraxe baita Segundok azkenerako ontzat eman, garbiro idatzi eta bialdua. Beste danak borradore baizik ez dira.

Baiña Segundoren alderdi jakingarri bat erakusten digute: bertsoa arretaz lantzen zuala arek, bein eta berriro idatziz, bere gustora utzi artean. Ori bera egiten zuan bere maisutzat zeukan Bilintx zanak ere.

Zenbait alditan, Kalonjeren sail batek bertso geiago ditu esku-idazkietan, egunkarian baiño. Lan oiek, izan ere, Basarrik egunkarian zuan saillean ikusten zuten argia. Baiña arako sei bertso nai izaten ziran. Oietxekin betetzen zan leku ori; eta, geiago bialdu ezkeru, Basarrik bat edo beste kendu egiten zituan; edo, bestela, orren berri izanik, egilleak berak egiten zuan iñausketa ori.

## **“Loreak udan intza bezela”**

Segundo Kalonjek leengo bertsolarietan geien maite zuana Bilintx zan, batere dudarik gabe. Berak bein baiño geiagotan aitortzen du ori bere bertsoetan. Beraren leenengo bertso-sailla ere ari buruz moldatua da. Bein batez onelatsu entzun nion:

– Ni, gazte-denboran, zoratu egiten nintzan Bilintxen bertsoekin. Buruz ikasi ere egin nituan,

danak ez bada, geienak beintzat. Ala, Oriamendiko soroetan lanean ari nintzala, bakarrik banengoan, Bilintxen bertsoak kantari jarduten nintzan, eta begiak malkoz beteta nituala antxe ibiltzen nintzan idien aurretik edo atzetik..

Ori ala izanik, liburu onentzat izenburu billa asi giñanean, *Loreak udan intza bezela* bururatu zitzaigun bat-batean. Alde batetik, ikusi degunez, Segundok egarri orrekintxe edaten zituan Bilintxen bertsoak; bestetik, berriz, ori egiñez, Donostiako bi bertsolari jator auek betiko alkarrekin uztartuta geldituko ziran.

Orra or bi arrazoi guretzat indar aundia izan dutenak. Irakurleak badaki, beraz, liburu onen izenburuaren nundik norakoa.

## **Kontalari**

Bertsolariaz aparte, Segundok bazuan beste doai arrigarri bat: kontalari. Leengo gertaerak kontatzen oso gutxi diran bezelakoa zan ura.

Beraren alabak orain esan didatenez, azken urteetan ortan aritzen zan bere billobatxoekin: garai bateko ipui zaarrak kontatzen. Aurrak gustora noski, eta aitona areago, ziur aski.

Bein batez, Donostiako *Bodegón Alejandro* nean giñala uste det, gerrateko ibillerak kontatzeari ekin zion. Inguruan giñanak arretaz eta atsegiñez entzun ere bai. Gertaera bat buruan gelditu zait. Onelatsu esan zigun:

– Nik Jaungoikoari eskerrak ematen dizkiot, gerra guzian tiro bat ere tira ez nualako. Mandazai ibili bainintzan. Baiña ez; gaizki esan det. Bein, kapitanak ametralladorearekin tiro batzuk tiratzeko agindu zigun an giñan batzuei. Nere txanda iritxi zanean, izarretara begira jarri nuan traste ura, araiño iritxiko ez nintzala banekian eta.

Andik irtendakoan, nik aparte artu eta onela esan nion:

– Zure gerrako ibillerekin badago liburu polit bat egiterik. Nik lagunduko nizuke, Segundo.

Baiña berak erantzuna:

– Ez, ez, ez.

Eta orrela utzi ninduan. Erri-prosa biziak jantzitako liburuak mordoak badu *Auspoa*-k argitara emana, baiña ez nik nai ainbat, kalabazak bein baiño geiagotan jaso izan ditut eta, aldi artan bezela.

## Aitorpenak

Segundoren bertsogintza zer zan epaitzen zuten idazlan batzuk jasota dauzkagu. Basarrik, adibidez, onela zion *El Diario Vasco* egunkarian, bere *Nere Bordatxotik* saillean, 1979-I-13-an:

“Kalonje adiskidea erderarekin kutsutu gabeko euskaldun uts-utsa da. Aurreko bertsolari zarren arrastotik dabil; aien eskolako da.

Euskaldunberri batek edo euskera oso mendean ez duan euskaldun batek, edo-ta erderarekin geiegi kutsutua dagon batek, ez du borobilduko bertsolari zarren moduko esaldi jatorrik.

Adibide batzuk: “Au da txoriak gari tartean goseak egon bearra”. (Txirrita). “Aundi gaiztoak diran tokian pagatzen du txiki onak”. (Txirrita).

Atzoko Kalonjeren bertsoetatik ere ar ditezke polit batzuk. Joan zan urteari ta asi berri degunari buruz au dio: “Soiñu berdiña joko dutela lengo zarrak eta biak”. Beste bertso batean: “Nere belarriz ez det entzuten eunetatik bi itz onik” Beste bat geiago oso ondo tajutua: “Maitasunaren leku apala estaltzen degu gorrotoz”.

Esaldi jator auetan dago izkuntza baten aberastasuna. Gure bertsolariak maixuak izan dira olakoak sortzen eta plazaratzen”.

Segundok bertso batzuk agertu zituan, 1980-I-Ernaniko Jose Maria Arrietari jarriak. Onek sei bertsoekin erantzun zion, 1980-I-13-an. Ona oietako iru:

Bertsoa lurra bada, zeu zera goldea,  
zeruko aingeruen mintzoen moldea;  
biotza xamurtzen dun abesti-taldea,  
nolabait agertu nai, itzik ez ordea,  
Kalonje, nun daukazu eztia gordea?

Gaiñezka egin dezu Zeru Goiko argiz,  
ezin mintza bestela olako itz garbiz.  
Irakurriak ditut orrenbeste aldiz,  
auxe aitortzen dizut biotzetik egiz:  
begiak itxi arte egin naute diz-diz.

Oiek irakurtzen nik zenbatsu segundo,  
minutu edo ordu, ez dakit, ez, ondo;  
zure bertsoak lore ta zer arros-ondo!  
Orrelako usairik gaur arte egundo  
biotzera etzaida iritxi, Segundo.

Sebastian Salaberriak onela zion, onek ere *El Diario Vasco* ortan, 1986-II-23-an, *Lagun zaar biotzekoari* izeneko bertso-sail batean:

Udaberrian txorien gisa  
gogoz abesten zenduan,  
alaitasuna nabaitzen gendun,  
Xegundo, zure ondun.  
Guk ez daukagu geiago alkar  
ikusterikan munduan,  
baiña arnasik dedan artean  
izango zaitut goguan.

Amaika bertso eder botea  
zera zu lagunartean,  
bai makiña bat idatzi ere  
zure gelara joatean.  
Argitaratu bearko dira  
danak liburu batean,  
Aita Zabalak bera bizi dan  
etxera eramatean.

Joxe Aierbek, berriz, onela idatzi zuan egunkari be-  
rean, 1986-II-28-an, Segundo itzali berria zala alegia:

"Aizu, Xegundo: ain gogozko zenuen bertso-mundua dala me-  
dio, badira urte batzuk ezagutu zintudala; eta, ain iztun atsegiña



eta apala izanik, bat-batean egin giñan lagun. Izketan asita, denbora asko baiño leen jotzen zenuen bertso-galetara. Antxe aurkitzen zenuen gozamina izugarria izan, nonbait.

Baserritarra ziñan izatez eta bizi-bidez, eta artan pasa zenituen, poz eta naigabe artean, Jaunak dei egin zizun arteraiñoکو egunak. Badakit, baitere, ordea, besteak beste, lagunartean bertsoan aritzea zeñnen gogozkoa zitzaizun. Baiña, neri dagokidanez, bertso-jartzaille bezela ezagutzen zindudan, batikpat.

Nik eztakit zuk noiz eta nola osatzen zenituen ainbat bertso bikain; baiña, bear bada, zelaitik edo ikullutik, lanak egin ondoren, sukalde txokoan izarditan sartu eta legortzeko astirik gabe asiko ziñan, egunean zear buruan jirabiraka zenerabilkien gaiari buruz itzak neurtzen. Agian, bazkalondoko lo-kuluskari uko egiñez edo gauari elduaz, bein baiño geiagotan. Asmatu al dut, Xegundo?

Nolanai ere, or dago zuk apalki eta ixiltasunean egindako lana. Eta iñoiz zalantzik izan bazenuen, jakin ezazu guk arreta biziz eta atsegiñez irakurtzen genituela, zuk ain euskera goxo eta errexean burututako bertso guztiak”.

Manuel Lasarte bertsolariak, berriz, onela zion egunkari berean, 1996-VII-7-an, *Xegundo Kalonje* zana izeneko idazlan batean:

“Bertsoak paperean idazten oso dotorea zan, lengo lege zarra eta ugaria gaiñera. Izlari garbia ere bai. Aren euskerak etzuen akatsik eta ulertu eziñezko nasketa bigurririk”.

Erri-gizon oiek orrela juzkatu zuten Kalonjeren bertsoگintza. Baiña erri guztiak berdin irizten ziola dudarik ez egin. Kalonjeren bertsoak, izan ere, atsegiñez irakurtzen ziran. Gizon eskolatuak liburu mardulak idatzi oi dituzte beren literatur-kritikak azalduz. Erriak ez du gai ortako libururik iñoiz aterra. Baiña badaki aoz bere epaiak zuzen ematen.

Kalonjeren aitamenak sarritan ziran garai batean. Gorantzak emanez aitatu ere. Orain, berriz, aren bertsoak iñun arkitu ezin baitira, bera ere aaztuxea dago. Orrelakorik merezi ez dualakoan, ona liburu au zure eskuetan, irakurle, aren bertsoak eta izenak gure artean luzaroan iraun dezaten.

A. Z.

# Oriamendiko Joxe Martiñen bertso batzuk

---

**J**OXE Martin ere bertsolaria zan. Ez plazaz plaza ibiltzen diran oietakoa; baiña bai lagunartean. Olako batzuk, jendeak buruz ikasiak, eskeiñiko dizkiogu orain irakurleari. Leendabiziko au Segundori jaso nion. Onela esan zidan:

“Gure aita zana, atxurrarekin ari zala ere, bolaretan bertso zaar kantari aritzen zan bere gisa. Garbi ere bai batzuetan, besteak aditzeko moduan. Arto zuritzera joan ezkerro, berriz, zer esanik ez. Orduan oraingo giro au izan balitz, ikasiko zuan, bai, zerbait arek. Etorria, izan ere, aundia zuan. Baiña sekula ibili ez plazetara joanda.

Sega pikatzen ari zan batean, au kantatu zuan:

Ni jaio nintzan erri zar artan,  
bautismoko elizian,  
kanpan-torretik bera zintzilik  
iru kanpana bazian;  
ta soka berriz egun da zazpi  
metro pasia luzian,  
lendabiziko otsa jakiña  
lau t'erdiyetan goizian,  
orduko ezkill-jotzaille ura  
ez dakit orain bizi'an.

\* \* \*

Joxe Martiñek etxe aurreko intxaurrari kantatu-  
tako beste bertso au, beraren seme Anizetori jaso ge-  
nion, Oriamendi baserrian.

Afizioa izandu degu  
sagar edo arbolian,  
zenbat landare dago jarria  
Oriamendiko lurrian.  
Intxaur bat ere kuriosoa  
etxeak dauka aurrian,  
aitona zarrak paratakoa  
ilbeltzaren amarrian,

\* \* \*

Sebastian Salaberriak, leen aitaturako bere *Sa-  
gardotegiak* liburuan, Oriamendira sagardo edatera  
arrantzale asko joaten zala adierazi ondoren, onela  
jarraitzen du:

“Eta edandakoan:

– Au dek edaria, au! Lenago ere sagardo ederra atera izan dik  
kupel onek, eta orain ere etzeukak aitzaki aundirik.

Jarriko zituzten egur ikatzarekin egindako su-brasa ederrean  
txardiñak eta bixiguak erretzen, eta beroiek janez kupelari bixita  
maiz egingo zioten.

Arrantzale auek danak, euskaldunak ziranez, bertsozaleak zi-  
ran geienak, eta bazekiten bertako nagusi Joxe Martin bertso-  
laria zala, eta an asten zitzaizkion zirrikaka:

– Joxe Martin, kanta akiguzu bertso bat.

Eta pentsatzen luzaro egon gabe kantatzen zion. Ara egun ba-  
tean jaulki zitzaiona:

Etxearen azpiko  
gure sagastia  
txertokitikan gora  
bete da guztia;  
beti onen inbiriz  
dago Donostia,  
aurten bada txardiñak  
zerekin bustia”.

\* \* \*

Urrengo bertso auek ez dakit noren aotik jaso nituan. Joxe Martiñek kantatuak dira, semeak 1936-ko gerran zebiltzala:

Erregututzen diot  
Ama Birjiñari,  
egunian bi aldiz  
iru abemari:  
iru seme daduzkat  
Kastillan gudari,  
arren guardatuzeko  
bizitza aieri.

Eta beste otoitz bat  
Jesusi urrena,  
egunian bi aldiz  
egiten detena:  
arkitutzen bazaie  
eriotzen pena,  
zeruan sartutzeko  
al duan lenena.

\* \* \*

Segundok, gerran Espaiñian barrena zebilela, bertso egoki askoak bialtzen zituan bere eskutizetan etxera. Aurreraxeago eskeiñiko dizkiogu irakurleari. Baiña batean aitak frentetan ziran bere semeentzat bertso bat kantatu, alabak eskribitu eta korreoz bere anaiei bialdu zieten. Bertso orren erdia galdua da; beste erdia onela jaso nuan:

aitak ekarriko'itu  
menditik bi ardi,  
Eguarri-jaietako  
jatera etorri.

\* \* \*

Beste batean, sagar biltzen ari zirala, bukaera onela zuan bertsoa kantatu zuan:

Sare ta kixkiakin  
kargatu neurriya,  
betetzen ari gera  
upela gorriya.

\* \* \*

Militarren zalditegi eta mandotegia Oriamendi baserritik urbil samar dago; eta inguruko larretara etortzen ziran ango abereak gerra ondoan. Joxe Martiñen bertso au ordukoa da:

Gosiak amorratzen  
orrenbeste mando,  
gobernu batentzako  
ez deizkiot ondo;  
berak ez baluteke  
obetogo jango,  
neskak kortejatzera  
ez lirake joango

\* \* \*

Onako bertso au Joxe Martiñen bertsorik famatuena izango da.

*Galarretako Beltziña* esaten zioten morroi bat bazan, bitxo gogorra bera, eta ona Joxe Martiñek bein batez kantatu ziona:

Zu ikusita errukitzen naiz  
Galarretako Beltziña,  
noiznai tabernan mozkortu eta  
kanpuan zabiltz etziña.  
Zure zartziak seguru dakar  
iñork ikusi eziña,  
obe zenduke konfesatu ta  
lenbailen ilko baziña.

Sebastian Salaberriak, bere *Sagardotegiak* liburuan, txeetasun ugariak ematen ditu Galarretako Beltziña onetaz.

\* \* \*

Ondoko au ere Sebastian Salaberriaren *Sagardotegiak* liburutik artua degu:

“Nik neronek ere gogoan artu nion bat, eriotz une larri artan kantatu zuana. Onelatsu da oker aundirik gabe:

Agur egin bearra  
nago munduari,  
otoitzean eskatu  
diot Jainkoari,  
komeni baldin bada  
emateko neri  
asko kostata eindako  
zeru eder ori.

Andik laster il zan gizarajoa. Zeruan beza atsedean”.

# Oriamendiko Lino Kalonjeren bertso batzuk

---

**L**EEN esan degunez, Joxe Martin etzan familiartan bertsolari bakarra. Doai ori berekin zuan aren anai Linok ere, Antiguan bizi zanak. Ona aren bertso bat, Segundok eman ziguna:

“Gure osaba ori gaztea izango zan orduan; eta sagardotegian, badakizu, txistea bezela somatzen dana bota egiten da, eta jai-illunabarra eta auskalo. Baiña Añorga aldeko bat ere antxe. Buru aundi samarra bera, eta *Eskiñosua* esaten zioten, eiz orrek buru aundia eta isatsa luzea izaten du eta. Neska laguntzen izandua edo andik etorria edo olako zerbait gure osabari iduritu, eta bertso au kantatu zion:

Lenago're askotan  
ori ikusia,  
oillandak arrapatzen  
sasitik sasia;  
piztietan gaiztona  
ori da klasia:  
burua aundia ta  
buztana luzia.

Beste au, berriz, Oriamendiko Anizeto Kalonjeren aotik jaso da. Onela esan zidan:

“Bein batez, gure osaba Linok iru bertsorekin gonbidatu niñun bere etxera. Baiña orain beste biak aaztu zaizkit, eta bat bakarrik daukat gogoan:

Agur, illoba, ixtimatzen det  
bialdu nazun txistia,  
ta pentsatzen det zuk agindua  
gogo onez iten astia;  
emen nago ni noiz izango dan  
gure alkar ikustia,  
Ama Birjiña Agoztukotan  
jetxi zaitetz Donostia.

\* \* \*

Uztapidek, bere *Lengo egunak gogoan* liburuan, bera Donostiako Konportan bizi izan zaneko oroipe-nak ematerakoan, onela esaten du:

“Bertsolariak ere baziran orduan Antiguan: Oriamendiko Lino Kalonje ta Juan Jose Sarasola, Lexo esaten ziotena; bertsolari onak gañera.

Guk, ara joan giñanean, ez genduan uste gu baño bertsolari oberik iñon zegoanik; eta, ni aruntz joan da andik urrengo jaian, an bat egin genduan Linorekin da Juan Joserekin, da toki ederean! Lezio ederra eman ziguten!

Gu, gure konkurso artantxe-ta piska bat aurreratu giñalakoan; baña ezer ez giñala, orduantxe konturatu nintzan ni. Aiek eskarmentu aundia zeukaten, gizon aiek, gure aldean.

Lenbiziko aldian bertsolariak onak iduritu ere egiten dira; baña aiek bigarreanean ere onak ziran, edo gu txarrak.

Guk egunero egiten genduan bertsotan Linorekin; sagardotegia zeukan da propio joaten giñan araxe. Berealaxe ikasi giñuzen aren manejoak ere. Ara joan da andik bi illabeterako bera bezela jarri giñan.

Jai-goiz baten Juan Jose Sarasola ta Lino juntatu ziran. Beti alkar toriatu bear izaten zuten aiek, eta Linok zerbait gauza zaila jarri zion Juan Jose Lexori. Lexok kiskiarekin arbi-azia jaso-



tzen baño errezago zala esan zion, Linok esan zion gauza zail ori;  
eta Linok atzera;

Berealaxe esango dizut  
azi txiki oien lana:  
galtzairu-autsa bota zaiozu  
ta gero eman imana;  
gauza erreztu litekiala  
ez al zaude antz emana?  
Gauz orren berri ez badakizu  
sinistu nere esana.

Orrelaxe jarduten ziran: beti alukerian alkarri; alkar toriatzen  
alegia”.

# Karlisten gerrateko oroipenak

---

**S**EGUNDO Kalonjeren jaiotetxeak, Oriamendi baserria alegiak, ondo ezagutu zituan karlisten bi gerrateetako zalapartak. Alako lekuan dago izan ere: liberalak Donostian eta karlistak erriaren jira guzia artuta. Baserri orren inguruan gertatu zan Oriamendiko burruka esaten dana, karlistak leenengo gerratean lortu zuten garaipenik aundienetako bat. Ordutik dator karlisten *himno* edo kanta nagusia, *Oriamendiko martxa* izenarekin ezagutzen dana. Zer arriturik ez dauka, beraz, baserri ortako familian guda oietako oroipen asko gorde izana. Kon-tatu ere oietxek egingo ziran neguko arratsetan sukalde artan. Ala, ona emen Segundok bein batez esan zizkigunak.

Gure aiton ori artean sasoi onekoa. Baiña gazte-rik ezkondua eta iru aur zituena. Orrelakoa gerratik libre izaten zan. Baiña soldadu zebiltzanak baiño askoz ere bizimodu txarragoa pasa zuela esaten zuen arek, eta ala pasako zuen gaiñera.

Karlistak noiznai *kax-kax* atean, gauez etorrita edo eguna argitu baiño leen beintzat. Ori baiño tris-teagorik ez da. Deitu eta kargu artu:

– Gure berri zuek esaten diezute beltzei!

Eta egunez beltzak:

– Gure ibillerak zuek salatzen dizkiezute karlis-tei.

Bi aldeetako jendea dabillen lekua baiño txarra-gorik ba al da, bada?

Ikaragarrizko sagar-urtea izan omen zan orduan, eta egin beiñepein sagardoa nolabait, garai artan to-larea nun-nai edo ia baserriero zanez.

Eta karlista oiek gauean, beren pusillekin, base-rriz baserri, erdi berdoztu eta batere inportik etziela. *Kax-kax* ateetan, eta iriki bearko. Ura bizimodua! Gure aiton ori esaten zuenez, batean alaxe etorri omen dira bi soldadu, leen berotuak, eta:

- Sagardorik bai al dek?

Gureak:

- Bai.

Nola edo ala beiñepein txarroa bete eta eman; eta aiek bat edan eta bestea zurrut.

Gero, or asi omen dira gure Oriamendi jaiotetxe ortatik Oriamendiko fuertera tiroka, an beltzak ziran eta. Baiña aiek gauean tiroen sua goitik beera eder-ki ikusten eta kaiñonazoka ekin. Egiñalak egin zituzten. Baiña ez bajatzen kañoia bear bezela, eta gu-re etxearen gaiñetik pasa eta Miramungo sagastitik onuntz jotzen omen zuten. Gure aitonak ikusi omen zuen, bai, nun sartu ziran aiek.

Bitartean, gure aiton orrek:

- Mutillak, zaute geldirik! Duroa badiat eta emango dizuet geratzeagatik!

- Benga, bada, benga duroa!

Eta duroa, zillarrezkoa noski, leiotik bota die; baiña lurrean erori eta denbora-mordoa pasa omen zuten aiek poxpoloak piztuta lurrera begira eta buel-taka, eta ez billatu. Urrengo egunean bista-bistan an omen zegoan.

Egunez tropa etortzen omen zan Donostitik, bel-tzetakoa; ta Benta eta Oriamendi artean kamio-buel-ta aundi ura nola da? Ba, an eta Laxtueneko ortan gelditzen omen ziran eguna pasatzen; eta illunabar aldera erretira.

Baiña gora zetozenean, or erreleboan, egun batean etxe batekoak eta bestean bestekoak, baxtar-bideetatik joan bear karlistarik ba ote zan begira. Auek, ordea, bestela frenterik zeratzeko indarrik ez; eta ez egunero, baiña tarteka beren gordelekuetatik *tarra* eta *tarra* tiroka ekin, eta bota egiten soldaduak. Ura ere bizimodu ederra!

Gure aitak esaten zuanez, Maximo izena zuan mutilzaar bat ba omen zan Laxtuenen, oso bitxo gogorra, eta egun artan ari tokatu: tropa zetorrela eta aurretik ikusteko ea karlistarik bazan. Eta joan egin bear. Maximo ori bialdu dute eta etzala iñor. Baiña aurreragi etzan joango, bestela bera ilko zuten eta.

Eta zer dek eta egun artan tokatu. *Danba!*, eta soldaduren bat-edo or bota dute karlistak. Gure jaiotetxetik beera, Pakea ba al daki etxe aundi ura: Txendarmene? Aren aurrean omen zan.

Orduan afusillatu egin bear zala Maximo ori. Errezatzeko "nere Jesukristo Jauna". Jarri omen dute eta Maximo orrek deitu omen zuan:

- Ez al da emen euskaldunik?

Izan orregatik bat, eta:

- Zer nai dezu?

- Ni joan eta ortxe ibili naiz, baiña ez det iñor ikusi. Eta nik al det kulpa? Ea zer esaten duan nagusiak!

Au eta ura, ola eta ola, eta azkenean errukitu pixkaren bat; eta bizirik utzi omen zuten beintzat, desafioak eginda:

- Urrengoan obeto erreparatu!

Zakur galduak nola ibiltzen dira? Ba alaxe orduan karlistak esaten zuten. Gu ere keja izaten gera, baiña gure aitak esaten zuan:

- Guk ere pasa diagu miseria pranko. Baiña gure aurrekoak geiago pasa ziten.

Etzan ederra izango gerra-ondo ura ere. Etxean orduan iru arreba zaaragoak eta gure aita laugarrena, gerra asi zanean-edo jaioa; eta esan dedana: urte aietan ikaragarriak ikusiak. Beintzat, bat mutil koxkorretan il omen zan, baiña amar izanduak izan bear zuten. Ala ere azi; bizi nolabait ere aiek ere.

Gero, beste gauza bat, gure aita zanak makiña bat bider esan zuana. Etxekoandreak bi neskazar omen zituzten, eta aiek Prantzira joan omen ziran, ta andikan abisatzen omen zuten:

– Kontu egin gure etxeari! Bestela, ez esperantzik eduki gerorako!

Alegia, orduan etxe asko erre omen ziran, eta gureak ere eskapada ederrak egin omen zituen, baiña ezer ere gabe ondo atera. Eta orregatik esaten omen zioten kontu egiteko etxeari.

Orduan ala bizituta, zer dek eta, gerra bukatu zanean, gure etxea ez bezelako baserriak, baserri bikaiñak, maizterrik ezin billaturik egon omen ziran. Ara gauzak nola aldatzen diran.

Gure aiton ori eztaietan tobera jotzen batera eta bestera asko ibiltzen zan. Kanta zaar asko zekizkian. Karlistetako bertso batzuk ere bai:

Kolumna igo dute  
Arkosko torrera...

Banekizkian nik oiek. Leengoan pastel batzuk ekarri zituzten etxera, eta garai bateko kanta batez gogoratu nintzan:

Pasteleroren andriari  
deitzen ziyoten Ana Mari;  
atoz oiera, poliki-poliki...

Ni ori kantatzen asten banaiz, andrea berealaxet det errita ematen:

– Zaude ixilik, olako nazkagarrikeririk esan gabe!

Gure aitona reumarekin gizarajo ura; eta gu, mutil koxkorrak. Ari bolara etortzean, erruz kantatzen zuan. “Aita gureak erakutsi zidan neri ori” esaten zigen. Orrelakoak zenbat ikasi nizkion nik? Baiña danak aaztu zaizkit, edo ia ez dakit nola asi ere.

# Aitajauna eta abar

---

**B**ESTE arratsalde batean onela kontatu zigun Segundok:

Nere aitajauna, Segundo ura ere, gure aitaren anaia zan. Ementxeneko Errotatxokoa.

Gizarajo ari ere parranda gustatzen, etxera berandu etorri eta beste guziak baiño leenago lanean asi bear; eta olaxe izurratu zuan bere burua, berrogei ta bat urterekin. Neri gogoratzen zait: ni, ura il zanean, mutik koxkorra nintzan: zortzi urte bete eta bederatzigarrenean.

Illunabarretan ni ere bein baiño geiagotan joan naiz jaiotetxera, eta joan ezkeru gustora egon. Eta nere aitajauna, ura ere bai. Ordurako gure amona ere ondoezik edo eroria, eta nere aitajaun orrek:

– Berori baiño leendik ilko naiz, bai, ni.

Amonak:

– Egon adi ixilik, olakorik esan gabel!

Eta arek:

– Bai, bai, bai.

Ala il ere. Ez alde askoz, baiña aguztuan il gure osaba ori; eta otsaillean, Santa Ageda egunean, orain izango dira berrogei ta amasei urte amona il zala.

Gure izeba or beeko zokoan bizi zan, eta arengana bialdu ginduzten lau urtez zaarragoko beste mu-

til bat eta ni. Gure aitak, etxetik abiatzerakoan, onela esan zigun:

– Artu zazute makil bana, Irola baserriak zakur gaiztoen fama dik eta.

Nola izaten diran gauzak! Ni orain emen, Irolan, bizi naiz, eta lenbiziko ementxe orduan pasako nintzan. Nik ia bederatzi urte eta besteak amairu. Guk ez genduan bidean besterik: zakur-kontua. Ni baiño zaarragoa eta aundiagoa, ta mutilla ere fuertea amairu urterako, eta ura nere anparoa.

Izebak esan zidan:

– Illa izango dek?

– Ez dakit. Oso gaizki zegoala eta abixuarekin bialdu naute.

Gero, aitona, berriz, uztailean il zan.



# Gerra-denborako bertsoak

---

**A**tal ontan, gerra-denboran Segundok zebillen lekutik etxera bialtzen zituan eskutitzak eskeintzen ditugu, arek prosaz eta bertsoz idatziak. Geiago ere egingo zituan; baiña aukerak dira gure eskuetaraiño iritxi diranak.

Sobre bat ere gorde da. Zuzenbidea onela du: *Sra. Francisca Eceiza, Barrio Ayete, Caserío Oriamendi, San Sebastián*. Eta atzean, bialtzaillea: *Segundo Calonge, Rgto. Américas Nº 23 Ametralladoras de 5º Batallón, 61 División, Estafeta 18*.

Eskutitz aukerak, beren prosa eta bertsoekin, irakurlearen gustokoak izango dirala uste degu.

## **Montellano, 10 de Agosto de 1937**

Atzo artu nuben karta, 5'an egiña. Jose Joakin il dala gizarajua. Izeba Marzianak egindako kartan letu nuben lenbizi. Zeruban gerta dedilla. Orain bertso bat jartzen diyot. Doñuba: Limosnatxo bat.

Operatuta ori egon da  
beatzi illabetian,  
biar etzuben lana eginda  
gauza nola litekian.  
Munduba orrek txit bukatu du  
ogei ta amaika urtian,  
eta guk ere badadukagu  
arriskuba bitartian,  
alkar ikusiko degu berriz  
Josafatera joatian.

Beste iru bertso jarri ditut:

Erru gaiztoko gerra zibill au  
egun batian asiya,  
eta geroztik ikusten degu  
izaera itxusiya.  
Ondo dakigu batzubegatik  
sutan dagola sasiya,  
lagun urkuai gaitz egitia  
Jesusek galeraziya,  
bañan alare bagiña bati  
kendutzen zaio biziya.

Mundu ontatik gertatzen bazait  
laister bestera joatia,  
ez arritzeko firmatutzen det  
oraiñ, fameli maitia.  
Beste bi ere aspalditxuan  
ortikan falta baitia,  
ez degu berriz berela joko  
jaiotetxeko atia,  
toki danetan bete dedilla  
Jaunaren borondatia.

Ama Birjiña, Jesus ta Jose,  
Santa Ana eta San Joakiñ,  
nere barrena lasaitutzen da  
oroitutzian oiekiñ.  
Asko dabilta medallak eta  
gurutze santubarekiñ,  
maldeziyoka isildu gabe,  
nork aguantatu oiekiñ?  
Pekatubaren erru gaiztuak  
nola ez lezake irakiñ?

Izeba Marzianak bialdutako paketia ta karta ar-  
tu ditut. Berriz kontestatu niyon. Lengua zuek baño  
nekezago artu zuben, bai.

Orañ esaten dizutet kartan ari puska bat barrenen zabalduan jarri ta bialtzeko.

Balantxa aldian arriya egiñ zubela abisatu ziran izebak. Emen ere trumoi denbora ibilli bai. Larunbat gabian turmoia ta tximista ta ebiya ta aizia, zaparra gogorra genduben.

Ta beste kontu bat: onuzkero bei aundiya(k) umia egin du.

Ta orañ, berriz, Nortu au berela artu biar degula, ta atzo ezker txoriyak paperak bota omen dituzte errenditzeko. Ez det entenditzen au: berak errenditzeko asmu duten edo ez dakit zer dan.

Jose Mariren seña ez dizkiñat konprenditzen. Batalloia ren numeru biar diñat, ta zer konpañi konpatzia zer den. (*sic*)

Agur danoiri.

## ***Ampuero, 30 de Agosto de 1937***

Lenago egondako tokiyan jarritako bertsuak:

Egunikan onenak pasa genituben,  
eskerrik eman gabe or giñan arte len;  
orañ oroitzen gera zer modutan gauden,  
probatu degunian etorrta emen.

Au da bizitza eta au da izaera,  
ontarako jaiuak asko izan gera:  
iñoiz bakardadian deranian era,  
begira egoten naiz Donosti aldera.

Maiz sentitutzen degu granada ta bala,  
indar izugarriya azkar daramala;  
ora ndikan bizi naiz, pentsatzen derala  
gaizkiyago daudenak izango dirala.

Lenguen eragiña au da gerratia,  
anaiak alkar iltzen gauz bat arlotia;  
tristia da besteren mende egotia,  
inuzentia prankok au errematia!

Ez balego bezela iñon zer egiñik,  
emen gaude denbora igaro eziñik;  
gorputzian ez daukat oraindikan miñik,  
ez gaude frentetikan berriz aldegiñik.

Il onen 19'an artu nuben paketia; ariya ta sagarrak, lapitza, artu nituben; ta karta 21'an, berriz. Izebarenik ez det artu oraindik.

Lengo lekutik mugitu giñan 23'ean, 25 kilo(me)-truan gutxiyenez etorri gera mendiz. Orain emen gaude iru egunian Ampuero deitzen zaion erri polit batian. Santander artuba omen dago eta orain ez dakigu nora eramango gaituzten.

Abantzian gatozela, napar euskaldun bat bade-gu leiza-zuluan bera erorita ta illa. Ez dakit aditu dezuten. Eta tirorik egiñ gabe abantzi au izandu degu.

Emen legortia dago. Artuak eta babarrunak zimelduta daude, ta belarrak ere igartuta toki askotan.

Arbola eukalitrúa da asko emen nunai; arkaitz tartian ere ederrak, bai luziak eta zuzenak.

Zizarrak unuzkero egiñ dituzute. Guri ere gogoratzen zaigu, baño alperrik.

Bertso bat:

Lenago ez geundenak ezer ikusiyak,  
orain pranko bagaude zerbait ikusiyak;  
baldiñ irauten badu luzaro biziya,  
igaroko ditugu probintzi guziya;  
osasun ona daukat Jaunari graziya.

## Casasuertes 12 de Setiembre de 1937

Bertso bat:

Eskribitzen det emen gaudela  
oraindik retaguardiyan,  
Casasuertes deitzen zaion  
gustagarritzko erriyan.  
Gauden lekutik urruti gabe,  
goiko aldeko mendiyen,  
elur lapatxa ikusten degu  
agorraren amabiyen.

Beste karta egiñ nuben ill onen 9'an. Ez dakit allegatuko zan, Bestia Ampuerotik, lengo illaren 30'an. Ez det kontestaziyorik oraindik. Montellano-tik irten ezkeru, ez det kartik artu, toki asko muatu ditugulako noski. Urrena bialtzen dezutena zertifikatuta bialdu, ia allegatzen dan.

Gañerakuan ondo gaude. Lenago egoaldi ederrak zeuden. Orain sarrera otza egiñ digu. Bai; au paraje otza izango da neguban.

Laister frentera jua biarko degu noski. Ez daki-gu noiz. Abantzian asi biar dala esaten dute.

Presionero asko gelditu zala esaten dute Santanderren. Bai al da iñoren aztarrenik? Zurruperen semia ta Joanindeikua ikusi zitubela esan ziran Pa-oleiko mutillak.

Emen ezta ezer jakiten. Periodikoik ez dute ekar-tzen. Kartak e(r)diri(k) ez zaizkigu allegatzen. Orrela gaude.

Osasun ona daukat biñipiñ; da, au baldiñ badet, ez dit inportik.

Ill edo bizi egingo degu,  
ortan ez dago dudarik,

bañan itxurik ez det billatzen  
gelditutzeko gudarik.  
Esaten degu: "Ai, noiz edo noiz  
onek bukaera badik".  
Naiago nuke egingo balitz  
arreglotxo bat bererik,  
edo bestela biarko degu  
iñoiz ibilli baraurik.

Señak gañian dauden bezela.

### ***Frente de Asturias 12 de Octubre de 1937***

Nere izeba: Eskribitzen diyot ondo nabillela. Osa-  
suna daukat, Jaunari eskerrak.

Lengo karta egiñ niyon lengo illaren 15'an, eta  
beorrek 12'an neri; 20'an artu nuben. Ez dakit neria  
artu zuben beorrek. Oraindaño egondu naiz lengua-  
ren kontestaziyauren zai; baño ez det artu. Akaso  
beorrek ez zuben eskribituko.

San Migel egunian abantzian asi giñan gu.  
Abantzatzen degu bastante. Asturiasko partian sar-  
tu gera. Laister au artuko dala esaten dute. Mendi  
galanta(k) pasatzen ditugu, ederki kostata. Lengan  
baja piska bat egiñ ziguten, abiaziorik gabe asita.  
Baño urrengo egunian utzi biarra izan zuten, abiazi-  
yua etorri zanian.

Orañ bertsuak:

Esaten ziran paper batian  
bialitzeko bertsuak,  
Ama Birjiñak laguntzen badit  
jarriko ditut batzuak.  
Gaiztuagatik sufritutzen du  
askotan kristau mantsuak,

ta oraiñ ere gertatzen dira  
modu ortako kasuak.

Bertso batzuben ipiñitzeko  
badaukat borondatia,  
piska-piska bat aparatubaz  
nere aitona maitia.  
Bere denboran izan da ori  
sanua eta fuertia,  
ta oraiñ ere gutxi bezela  
dabill sufizientia.

Gu oraiñ emen arkitzen gera  
oriyen lengo moduban,  
eriyotzaren bildurrez beti,  
ez lantegi seguruban.  
Larogei eta iru-lau urte  
igaro ditu munduban,  
pozikan asko entzungo nuke  
oraiñ zer esaten duban.

Zer estadutan gertatzen geran,  
aitonai adierazi:  
or giñan arte bezela emen  
oraiñ ez gerala bizi.  
Oso gustora ez egon arren  
eziñ aldegiñ igesi,  
komeni dana kunpri dedilla  
eskatzen diyot Jesusi.

Diferentzirik ez dabilkigu,  
berdintsu lanak jai ta aste,  
alaitasunik inondik gabe,  
beti biyotzetik triste.  
Garai batian orrelakorik  
ez genduben asko uste,  
mutill zartu ta gero soldadu  
pranko ekartzen gaituzte.

Eta guria asko ez dala  
famelikuak ere bai,  
emaztiak or, gizonak emen  
arkitzen dirade nunai,  
kartak egiñaz elkarri ziñez,  
ta beste zenbat andregai,  
illuntasunak danak kenduta  
noiz jarriko dira alai?

Zazpi bertso nik bialtzen dizkat  
oraiño berri-berriyak,  
Santander azkar artuba zuten  
ta inguruko erriyak.  
Bañan oraindik seguru daude  
atake izugarriyak,  
egua aldetik esaten dute  
gogor daudela jarriyak.

Señak gañian dauden bezela.

*Segundo Calonge*

## **1 de Febrero de 1938**

Eskribitzen dizutet oraindik sano naizela, Jaunari eskerrak; eta artu ditut 18'an eta 24'an egiñdako kartak, eta Andresena ere bai, eta Jose Leonek ere eskribitu zubela esan ziran.

Gaur ikusi det Biramungo Manuel ere. Asko galdu omen zaie aieri ere.

Jose Leonek atera zuben zertifikauba; neronena falta det oraindik. Ontara ezkerro bialduko ditut, egi ten badirate. Ez badute baliyo ere, ez dira asko kosta.

Teruelko onduan gaude illabete ontan.

Inuzente egunian jarritako bertsoa. Beta gaur artu det neronen gustora eskribitzeko.



Ordu gutxiko argiya dago,  
askoz geiago illuna,  
urte-sasoia da alakua  
oraiñ argitzen zaiguna.  
Gorputzarentzat ez dabilkigu  
txit ibillera leguna,  
kotsideratzen jartzen geranok  
gerontzat artzen deguna,  
Abendubaren ogei ta zortziyan  
Inuzentien eguna.

Oraiñ jarriya(k) obek, berriz:

Esan biar det nola daukagun  
batalloiaren segira:  
bi aldetatik jarriya dago  
aspalditxuan erdira.  
Il da arrapatu egiñdakuak  
seitatik iru badira,  
gure anaiak zanpatu arte  
etziran izan kupira,  
oraiñ txit triste egoten gera  
Teruel'era begira.

Ernaniarrak emen bost lagun  
len banituben urrian,  
ta oraiñ iru or gelditubak  
dira gorriyen aurrian.  
Egun batian gertatu ziran  
oso estadu txarrian,  
batzubek bertan, bestiak iges,  
zerbait egiñ biarran,  
eriyotzaren bildurrarekiñ  
danak erdi negarrian,  
estuason oi ikusi zuten  
Ilbeltzaren amarrian.

Gu, mandazaiak, atzerago gertatu giñan ordu-  
ban.

Gerra laister bukatuko dala esaten den. Guk ba-  
ño esperantza obia daukan. Ala obe. Jesusi nai da-  
kiyola.

Adios, urrena arte.

## ***Pamplona 20 de Mayo de 1938***

Eskribitzen dizutet sano nabillela, ta karta era-  
negun artu niñen. Zertifikatuta zertako bialtzen  
den, inportantzizkua bezela? Neretzat ere endrerua  
diñ emen, ta urrengua bestela bial zan. Akaso artu-  
ko diñat.

Emen noiz eramango gaituzten ez zekiñagu, ta  
akaso berela ta egun batzuk pasa igual oraindik.

Eta sagarduak ez dituzutela salduko. Gauza pis-  
ka batzuk izan da aiek enpleatu ez, ori miseriya!

Andresen kontuba(k) ere esaten itunen. Ua ere  
triste ibilliko den, eta ni ere sekulan baño tristiago  
nebillen. Amari esaion berriz ez dakiala ikusiko  
naun. Jesusek nai badu, bai oraindik.

Ebiya ari du egunero emen. Or egiten al du?

Kapotia garbituta ala jarri zirazuten, da onera  
etorri ta kendu. Manta txar bat daukat oraiñ. Jakiñ  
izan banu, or utziko nuben, bai.

Istruziyua ta guardiya daukagu ugari.

Anizetori ere esan, iltzen bagera errezzatzeko gu-  
retzat.

Adios, urrena arte.

Beatzi puntu:

Gurekiñ agintze(n) du  
dagon suerti(a)k,

poza ematen digu  
bizi izatiak.  
Emen ere badaude  
txit ordu torpiak,  
penarekiñ biyotzak  
nolako golpiak!  
Gu inozentiak  
aurrera botiak,  
ez inportantiak;  
Jaungoiko maitiak  
guztiyontzat ark dauzka  
pasaportiak.

## ***Frente de Cataluña 14 de Julio de 1938***

Rezibitu det karta atzo, 8'an egiña; baño besterik ez. Lengo illaren 18'an egiñ nuben bestia. Ez dakit artu zenduten.

Gañerakuan ondo gaude oso. Ez gera lengo tokitik mugitu oraindik, eta esaten ianen Pako erituba ote dan. Ezten arritzekua. Jose Leonen berririk bai al dezute?

Eta esaten den San Fermin egunian aize aundiya ibilli zala; sagarrak bota ditubela danak. Lan gutxiyago izango dezute, ta lengo sagarduakiñ oraiñdik upelak betiak. Sagarra izatia alperrikan kasik. Jaungoikuak jakingo du zer egiten duben.

Belar ontzen ariko zerate unuzkero. Pitikar aldian ere egongo da lana.

Eta Intxordeiko suiak Galarretan lanian segitzen ome(n) du. Ez ditu Intxordeiko lanak ederki egingo orregatik.

Eta oraiñ esaten det kukuba isildu berriya dala. Illaren 9'an azkeneko sentitu nuben. Berandubago ez det sekulan aditu.

Orañ xoxuari iru bertso, kabiya billatu niyon-da ill onen aurrenien. Orañ umiakin dago. Iru atera zituben.

Xoxo-kabi bat lau arraultzekiñ  
arkaitz baten anparuan,  
bera altxata akordatu naiz  
len ez neukana goguan.  
Ikusi gabe nola pentsatu  
txit zeñen apañ dagan?  
Zimindu ona dagon lekuban  
badaki non para duan, (1)  
sasi gañian baño askozaz  
patxara ederraguan.

Xoxo-kabirik arkaitzian nik  
askotan ez det ikusi,  
ni inguratu nitzaionian  
aldegin zuben igasi.  
Bere lau arraultz berdi oiekiñ  
eztu ipiñi itxusi;  
danak beretzat utzi nizkiyon,  
ez du kentzerik merezi;  
eta gañera ez da bakarrik,  
laguntzalle eta guzi.

Xoxo gaxua arraultz gañian  
ill ontan sartuta ere,  
bere senarrak kantatzen diyo  
garboso eta dotore.  
Aserrerikan ez diyet suma,  
ondo konpontzen dirade;  
beste gauzarik ez det pentsatu,  
au dute dudarik gabe:  
lana egiñaz nai lutekela  
famelitxo baten jabe.

Orañ bukatzen det onekiñ. Bapo gaude, orañ gauden bezela. Ez dakigu noiz arte. Agur, urrena arte, agur:

*Segundo Calonge*

## **Frente Cataluña 10 de Septiembre**

Paketia artu det, ez berela baño,  
etzala etorriko negon egundaño.  
Urruti egongo zan ortik oneraño,  
Donostitik asi ta Cataluñaraño,  
bitartian daudenak zenbat desengaño;  
bizirik eta sano nabill oraindaño.

Paketia artu det. Eskatzen nitubenak emen dia; eta gañerakuan ondo gaude oraindik, Jesusi eskerak.

Gaur iru illabete betetzen zaizkit onera etorri nitzala. Leku batian gaude oraindik. Elurra galanki egiten du mendi altubetan. Posoziyuan ere atzo ederki txuritu zuben. Azemilleruak kapitana dagon tokiyan gaude erriyan. Gu bajubago gaude, bai, baño emen ere laister egingo du. Neguban a ze elurak emen!

Eta aitona ill zala Andresen kartatik enteratu nitzan. Gizarajua zeruban gerta dediyela.

Eta ark bialdutako paperak ere alperrik izango dirala noski eskribitzen ziran gañera. Zer egiñ zenduten aiekiñ?

Eta unuzkero zizarra egin dezute. Sagar asko dala diyote premisuakiñ izaten diranak.

Eta oraingo txandan kartik ez det artu, eta nai dezutenian eskribitu.

Orañ azkenian bertso bat.

Eta Anizetok zer esaten du? Oraindik ori ere gerra ontan ekarriko dute noski. Esan ia kartik ez al diran egin biar.

Orain adios, urrena arte.

*Segundo Calonge*

Nik irakurri izan derana  
lengo ixtori zarretan,  
gizon iltzia izandu dala  
oraindañoko gerretan.  
Orantxen ere ortarakoxe  
ez guaz egun txarretan,  
kulpik gabiak sufritutzen du  
gaiztuen atzaparretan.

### **Bertsua**

Or bezelaxe ikusten ditut  
eguzkiya ta izarrak,  
illargiya ere or dabilkite,  
diradelako txit zarrak;  
beren lanetan segitzalliak  
zuzenak eta azkarrak,  
guri laguntza egiten beti,  
Jaungoikuaren maiztarrak.

Gurutze Santubari iru anaiontzat bana, eriyotzako orduban erruki dedilla.

Beste billete obek Anizetorentza(t). Itxura polita dute, baño ez dute asko baliyo.

(1) Segundok *nor* idazten du; baiña *non* bear duala uste degu.

**Egunkari eta  
aldizkarietako  
bertsoak**

# Bilintx zanari

---

- 1 Bertsoak ipiñi nai dizkiot Bilintxi,  
ark merezi bezela ni ezin iritxi.  
Ura bezelakoak izan dira gutxi,  
au aitortu nai ezik ez ezpañak itxi.
  
- 2 Eun urte gutxienez noski badirala,  
Bilintxen bertso asko azaldu zirala.  
Nik ere egingo det nere egiñala,  
esanaz Bilintx ona bertsoetan zala.
  
- 3 Indalezio izena, gero Bizkarrondo,  
bertso politak jartzen bazekien ondo.  
Zeruan ez dagonik ez nuke esango,  
an ezpadago ere ez al da joango?
  
- 4 Zeruan dagoela baldin banekike,  
arek egin zuena alegindu nik e.  
Inpernuan ez dala ziur esan leike,  
bakoitzak erregutu *salve* bat bedeik e.
  
- 5 Zar-zarra etzan gorde mundu onetatik,  
berrogeitabost urte, sei beñepein betik.  
Gurutze Santuaren señalegatik,  
zeruan baldin bada ez dio inportik.



Erreztasun bikaña bazuen beregan,  
bai egin ere zerbait(1) zoragarriko lan.  
Susmurrak baditugu zeruan ote dan,  
aren antz-antzeko bat bai omen dabill an.

Nola egon ninteke ni orain ixilik?  
Izparringiak dauzkat nunaitik zintzilik.  
Norbaitek iritzia galdetuko balit,  
nik aren bertsoak jo eder eta polit.

Irakurri ta gero ausnartu banaka,  
itz eztitsu, politik, jarrita badauka.  
Pillatik baztarrera nolanai tiraka,  
alakoak ez dira izan amarnaka.

Zerizkion guzian beti bertso jartzen,  
barrengo maitasuna norbaiti agertzen.  
Neskatx ederreneri loreak botatzen,  
Euskalerria gutxi etzuen ondrazten.

Xamur artzen zizkion gauz askori gañak,  
iñoiz adoratuaz neskatxen ezpañak.  
Bertsoetan jartzeko ain lore apañak,  
urrezkoak zituen ark buruko zañak.

Arek apaindutako makiñatxo bat itz,  
gure oroitza ontan agoz ago dabiltz.  
Amets bat egin det nik -ai, egia balitz!-  
oraindik bizi dala Donostian Bilintx.

Ai, bizirik balego Bilintx oraindikan,  
ez igasi joan ere neskatxengandikan.  
Naiz urte asko izan onera andikan,  
maitatuko lituzke biotz barrendikan.

- 13 Atsegin auxe zuen lenengo itzetik,  
etzan galdukerian ibiltzen atzetik.  
Neskatxak maitatzeko biotz-biotzetik,  
Jesusek agindua zuen gurutzetik.
- 14 Neskatxak bezelaxe maitatu eliza,  
ondo sinisten zuen Jaungoikoan itza.  
Zerutikan datozen milagroen gisa,  
arek azaldu zuen bere jatorritza.
- 15 Donostiko seme bat ain neskatx-maitea,  
Jaungoikoak nai nunbait ala izatea.  
Samintasunez daukat biotza betea,  
omenaldi bat ari gaur ez egitea.
- 16 Esker Jaungoikoari, Bilintxi graziak,  
dakizkidan apurrak ari ikasiak.  
Gaude entzunak eta ondo ikusiak  
etzituela jarri bertso itxusiak.
- 17 Ontantxe ziur nago: dagola urruti,  
ta ni ara joateko bainabil beldurri.  
Zerbait eskeñi nai-ta or nenbillen beti,  
bertso-jartzalle polit Bilintx zana bati.
- 18 Bilintxen lan politik dira ezaugarri,  
nik iñoiz gogoz asko ditut irakurri.  
Zor nizkionak ziran aspaldian ari,  
ta orra emezortzi bertso artzaz jarri.

*Zeruko Argia, 1968-XI-17*

\* \* \*

Ez dakit bertso auengatik izango zan, baiña bein batez lerro  
auek idatzi zizkion Bilbotik Euskaltzaindiko J. L. Lizundiak  
Segundo Kalonjeri:

“1973ko Uztaillaren 8an.

Segundo Kalonje jaunari

Agur t'erdi.

Aurtengo *Euskera* aldizkaria argitaratzeko xehetasun bat  
jakin nahi nuke, alegia, zuk 1969 urtean irabazitako *Xenpelar*  
sariaren titulua,

Zure erantzunarten zain, milla esker aurretiaz.

Ongi izan.

*J. L. Lizundia*, idazkari-ordea”.

Segundo Kalonjek, bere esku-idazkietan agertu diran bi  
bertso auen bidez erantzun zion:

Lizundia jaunari berdin agur t'erdi,  
erantzun bear diot zerbait geldi-geldi;  
Bilintxi jarritako bertsoak aspaldi,  
titulo ori dute ziur erdiz erdi.

Euskaldunak bai, baiña ez gera lengusu,  
berdin eskolatuak apenas ni ta zu;  
eskuz bialtzen dizut urrutitik musu,  
Bilintxi jarritako bertsoak dituzu.

(1) Bearbada *zenbait* bearko luke.

# Illargirako asmoan

---

- 1 Illargira begira dago gaur mundua, ainbat milla urtian len lo egondua. Orain esnaratuta ez da berandua, ara joateko dute txit asmo sendua.
- 2 Errusitarrak eta amerikanoak, aruntza dijoazenak gogor da sanuak. Probatu nai dituzte ango platanuak, ezpazaizkate oker irteten planuak.
- 3 Mundutik nai luteke illargira jeiki, bientzat bai ote da biar ainbat toki? Ezpadira konpontzen nai bezin egoki, zer gertatu diteken Jaungoikoak daki.
- 4 Amerikanua ta Errusia berdin, lan beldurgarrizkuak nai dituzte egin. Alkar maitatzen dute biak txuri-urdin, zein nagusituko dan nork daki illargin?
- 5 An ez ote du iñork sentitutzen miñik? Edo... ez ote dago odolez egiñik? Emenguak dabilta iritxi eziñik, oraindik ez diote arrapatu zaiñik.

- 1 Orain jakintsu asko nola ari dian,  
ez ditugu ikusten begien aurrian.  
Emendik aldeginda ainbeste bidian,  
amaika egun pasa dituzte aidian.
  
- 2 Lurretik berezita milloika leguan,  
amaika egun nunbait igaro eguan.  
Gizonaren buruan orain zer daguan:  
biurrikeri asko dabilzki goguan.
  
- 3 Urrutira joateko bildurrik ere ez;  
aparatuan sartu, ura dute babes.  
Ez dakit denborarik pasa duten gabez,  
baiña illargiratzen ez daukate errez.
  
- 4 Gizona dabill orain aurrerapen aundiz,  
nik esaten dedana makiña bat aldiz.  
Len ibiltzen zirala oñez eta zaldiz,  
al zuten bezelaxe, erreka ta mendiz.
  
- 5 Orain errekek utzi, mendiak ere bai,  
illargira joateko gizonak daude gai.  
Ta beste asko berriz erreparuan zai,  
bizitza eztitsuan or dabilzta lasai.
  
- 6 Illargian nai dute arki Amerika,  
orregatik dabilzta berari zirika.  
Ezer ez dan tokian bueltaka korrika,  
naiko bildurrarekin alkarri segika.
  
- 7 Maitasun aundirik ez alkarrenganako,  
uste det ortatixe dabilzala plako.  
Ez ezjakin da buruz illun daudelako,  
jatorrizko gaitz ori degu sekulako.

8 Illargiak etsaiak orain badaukazki,  
denak joan nai luteke ondo edo gaizki.  
Berak erakusten du ispillurik aski,  
Jainkoaren eskutik dabillega noski.

9 Arriturik daukate Jaungoikoa bera,  
ta ikusi nai ditu gora eta beera.  
Gizona nola ez dan oso biotz-bera,  
ia ekartzen duten danen bukaera.

10 Uste det gabiltzala arrixku txarretan,  
ezin kabitu dira munduko lurretan.  
Gizonak sartu nai du illargi orretan,  
ez dira ibiliko noski gezurretan.

Mundu ontan badago naiko katramilla,  
galanki gastatuaz urrutira billa.  
Ori ontzat artuta beste zenbat milla?  
Jainkuak nai duena, ala izan dedilla!

*Zeruko Argia, 1968-XII-8*

# Xenpelar zanari

---

Sarri bertso-jartzalle Xenpelar zanari,  
nik ere ezarri nai zerbait berari.  
Aitamena jendeak badauka ugari,  
eztiot txarra zanik entzuten iñori;  
poz ematen neri  
aditzean ori,  
jarri nai det guri,  
sendo eta lodi;  
zeruko sukaldean gertatu bedi!

2 Eun urte il zala ta atzo iruditzen,  
Xenpelar aitatzea ez naiz arritzen.  
Ezta nere burura bakan etorritzen,  
orregatik asi naiz bertsoak jarritzen,  
gauz oiek berritzen,  
artzaz errukitzen,  
biotza irrikitzen;  
zein ezta egarritzen?  
Lantegi xamurrean ez naiz arkitzen.

3 Bat nola joan diteke lan zallaren billa?  
Zenbaitek esango dit: "Ez aiz abilla".  
Baiña nik ikusten det leku biribilla,  
eman ezkerro beintzat bear dan kurpilla.  
Xenpelar mutilla,  
aren bertso-pilla  
lau edo bost milla,  
au jakin dedilla!  
Txit zar baten sonadan gazterik illa.

- 4 Ogeitamalau urte munduko bizia,  
batere beste gabe dana guzia.  
Ni ala nago beintzat adierazia,  
Xenpelar etzala txit gizon itxusia;  
aren malizia  
gogor justizia,  
ortara ezia,  
xamur ikasia,  
ai, zenbat txalo-soñu irabazia!
- 5 Errenderiko seme, kantari argia,  
zenbat aldiz poztua Euskalerria.  
Ai, ezagutu banu aren arpegia!  
Zer-nolakotsua zan pentsatzen det ia.  
Zuen etorria  
lasai iturria,  
berez jatorria  
aitormengarria;  
errespeto aundiko bertsolaria.
- 6 Bertso jartzen gogotik altxea zan gora,  
nork ala probetxatu gazte-denbora?  
Artan jarraitutzerik etzuen gerora,  
il zanean kantari ezin joan iñora;  
len iñoiz gustora  
bere arrastora,  
ta gu oraingora  
obe izango da,  
gero noizpait joateko bere ondora.
- 7 Nunaitik datozkigu Xenpelarren otsak,  
eun urteren burura eztira motzak.  
Asko goibeldu zuen aren eriotzak,  
neri ere paketan ez uzten biotzak.  
Bota ditut lotsak,  
zertan egon otzak?  
Albiste zorrotzak,  
zail da on danontzat...  
Xenpelar jotzen dute geienak ontzat.



8 Doñu-mota askotan egin zuen lana,  
errez moldatzen baita iaioa dana.  
Gizon gaztea zala zuten eramana,  
an ere izango da bertsolari-fama.  
Artzen badu kalma,  
berekin du arma;  
aita eta ama  
noiznai beregana;  
zorionean bego Xenpelar zana!

9 Zenbat santu ta santa kantuz edertuta,  
arek jarri zituan gogoratuta.  
Bai gai polit askoak bereganatuta,  
eun klase gutxienez danak banatuta.  
Itz danak neurtuta  
nago ulertuta,  
iñoiz beartuta,  
gogoan artuta;  
il zan makiñatxo bat bertso sortuta.

10 Xenpelarren kondaira sartzen zait barrena:  
abenduko illaren zortzigarrena,  
munduko izaera bukatu zuena,  
ori oroitutzean etortzen zait pena.  
Ain gizon zuzena,  
Frantzisku izena,  
abesteko sena  
al zuen maizena;  
beñere paltik gabe ark almazena.

11 Frantziskuren gorantzak atsegiñak oso,  
nik ere apurtxo bat nai nuke jaso.  
Berarentzat mesedez diranak akaso,  
leku txarren batean ezpadago preso.  
Ara nik eraso  
emendik eroso,  
al dan aña bertso  
denborean mantso...  
Xenpelarren kontuak etziran atzo.

12 Orra amabi bertso Xenpelarrentzat nik,  
eztakit ondo edo gaizki daudenik.  
Iñork ezpadu artzen gogo txarrez penik,  
ustez eztet eragin kalterako lanik.  
Alako gizonik,  
gazterik il zanik,  
azkarra izanik,  
au egin zuenik,  
eztiot ukatutzen bertsoen famik.

Xenpelar saria *epaitu duten jaunentzat:*

13 Xenpelar-sariketa banatu da aurten,  
lendabiziko malla eman zidaten.  
Arritzen naiz ni nola berezia nauten,  
egokierak ola tarteka izaten.  
Ari naiz esaten  
aditu dezaten,  
eskerrak ematen,  
arpegia irten:  
epaille maite jaunak zein on zeraten!

*Zeruko Argia, 1969-XI-26*

# Urtaintentzat iritzi batzuk

---

1 Nik baneuka zenbaitek ainbeste poesi,  
eztakiten askori ulertu erazi.  
Urtainen goraberak bear ditut nasi,  
gizon baten beldurrez ori ezta bizi.

2 Zuzen sartuak ditu ogeitalau tiro,  
ezagun da almentsu dagola guztiro.  
Bozeuan eztaki jokutzen eztiro,  
apenas Urtainekin dagon oso giro.

3 Urtainek jipoituak zenbat gizon-mota,  
denbora gutxi barru oñazpira bota,  
askok ez ustearren indarrean jota,  
pruebak ederki asko emana dago-ta.

4 Xelebre itzegiten askotan errez da,  
inbiria bueltaka baitabil itzez ta.  
Orain ikusiko da Españiko pesta,  
Urtaintentzako Canal txota aña ezta.

5 Urtain aritz onena ta Canal gaztaiña,  
doi-doi jarritakoa *campeón de España*.  
Ibar-ek badarama aurrera ezpaiña,  
zenbait asko-jakiñen gustora ez baiña.

- 6 Urtainek euskaldunok nai ginduzke goitu,  
bestek eztuen zerbait doai berak baitu.  
Erromara joanda're garaille gelditu,  
ikusi dute baiña itxu utzi ditu.
- 7 Otsak eztakiela ezer bozeuan,  
Urtainekin luzitzen zaila luzaruan.  
Erroman izana da aurten azaruan,  
ai, zeñen une xamur ona pasa duan!
- 8 Zenbaiten iritzian tranpa eta tongo:  
"Bestela orren errez ez itukek joango".  
Urtainek jotakoak badakite ondo,  
iñork esan bearrik eztute izango.
- 9 Ustez jakintsu askok egindako zopa,  
olako gizon bati nik eztiot opa.  
Danez ere bandera ta urrezko kopa,  
aurki jartzen danean *campeón de Europa*.
- 10 Probatu omen ditu mendi ta basoak,  
beti ezta komeni paraje gozoak.  
Urtainek tiratako ukabillazoak  
ikaratuko ditu batalloi osoak.
- 11 Amarengandik etzan seme aula jaiio,  
diran gauzak esaten jardungo natzaio.  
Beti zail da ibiltzen ziur eta iaio,  
noizpait makurtutzea tokatuko zaio.
- 12 Oraindik baneukake zer esana pranko,  
baiña utziko ditut beste baterako.  
Euskaldun bat sortu da kondairetarako,  
edozein txaldanekin ez al dute joko.

Zeruko Argia, 1970-I-18

# Baserriko kontuak

---

1 Gauzik onena degu Jaungoikoa jabe,  
negua igaro du lan-giro gabe.  
Bere gogoa noski izango da obe,  
lur-sagar asko-asko egiñak ez gaude.  
Lan geiago ere  
atzean or daude,  
alperrak dotore,  
kontzientziz more,  
gorputzak itxogiña baitu mesede.

2 Negua joan eta orain udaberri,  
egunak luzatuaz zuzen etorri.  
Patatik ezin egin ta gabiltza larri,  
nekazariarentzat baita lotsagarri;  
disgustua sarri  
nunaitik ezarri,  
begira gauz orri,  
kale ta baserri,  
guretzat dago zenbait ixtillu gorri.

3 Baserritar gazteak esanaz dabilta,  
“Kalera joan beagu” lenengo itza.  
Gezurretan ez tet nai iñorekin mintza,  
ezpaitet alakoa kopeteko mintza.  
Au al da bizitza?  
Beartsu gabiltza,  
etorri murrizta,  
sendotutzen gaitza...  
Asko uzten ari da nekazaritza.

4 Aundia txikiari gogor arrapazka,  
orrekin artzen det nik askotan nazka.  
Lendik egiña dago guretzako aska,  
beti lotuta gaude, ezin gera aska.  
Buruari azka,  
makiña bat kezka,  
zuzen ezin eska,  
iñoiz aldrebeska;  
norabait joan bearra dago igeska.

5 Mendi aldetik dator asko goitik beera,  
bizitza xamurrari artu nai era.  
Mundu ontan ortara alegintzen gera,  
irixten bada beintzat onena da bera;  
daukagun aukera  
ez utzi lurpera  
alperrik galtzera,  
jarraitu aurrera  
biotzez maitatuaz beti euskera.

6 Danak berdin jotzerik eztaukagulako,  
indarrekoak ere badaude pranko.  
Itxaropena badet . . . . .(1)  
gezurrezko soiñurik eztet aterako:  
arloteak kako,  
bizimoduz plako,  
egia dalako,  
ezpalute joko,  
errukia nun dago orretarako?

7 Indartzen ari dira txillar eta sasi,  
baserriko legeak erabat nasi.  
Emen zer eldu zaigun ez al da ikusi?  
Langilleak aituta alperrak nagusi.  
Makinak erosi  
eztago itxusi,  
oiek ondo ezi,  
lan egin erazi;  
asko nekatu gabe dotore bizi.

*La Voz de España, 1970-IV-7*  
*Zeruko Argia, 1970-V-10*

(1) Lerro au falta *Zeruko Argia* aldizkarian.

# Deabruaren beldurrez

---

Geroko zerbait gogoratuta  
ni aurkitzen naiz kezkatu,  
ondo ezin det ikusi baiña  
begira nago gauz bati;  
mundu ontako arrokeria  
atsegingarri ez beti,  
aurrerapenak iritxi arren  
radio edo irrati,  
bear genduken apaltasuna  
askok daukagu urruti.

2 Deabruaren pentsamentuak  
indartu dira benetan,  
orregatikan dabil jendea  
jazkera nabarmenetan.  
Gaiñerakoan ez naiz arritzen  
baiña bai euskaldunetan,  
moda politak jarri dituzte  
emakumeak gonetan,  
ontaz aurrera ezta izango  
tontorik mundu onetan.



3 Urrutitikan ekarri dute  
Euskalerrira jazkera,  
urte-mordo bat daukagunok gu  
oso konporme ez gera.  
Azken arnasak gertu dauzkagu  
egun batetik bestera,  
deabru xarra omen dijoa  
lan xelebrea astera:  
beste izkuntzak len mentzututa  
orain azkenik euskera.

4 Jantzi politak ikusi dira  
emen aurtengo udaran,  
gorputz geiena bixtan jarrita  
zeiñen gustoko moda dan!  
Deabruaren dollorkeriak  
egon bear du bolaran,  
gaztedi dana libertituaz  
bere asmozko patxaran,  
anima zuzen salbatutzeko  
a zer nolako martxa dan!

5 Lendabiziko guraso zarrak  
Adan da Ebarengandik,  
guk dabilkigun argaltasuna  
jatorriz deguna andik;  
debekatuta dagon gauz goxo  
sagradu ortatik jan dit,(1)  
argitasunik ez ote dator  
gure burura iñundik?  
Deabru zarra indarberritzen  
ari ote da oraindik?

6 Mundu ontako gozotasuna  
aberatsaren aldetik,  
mingarritasun gelago dago  
beartsuaren taldetik.  
Deabru zarra danontzat dago  
zirikatzeke albotik,  
ezin ukatzen asiko gera  
ikusten dana aldetik,  
bestela ezinda baderizkio(2)  
suge maltzuraren aotik.

7 Deabru zarra sugearekin  
sartu zan Paradisuan,  
Adan da Eba galtzeagatik  
gorroto biziko suan.  
Jaungoikoaren aurkako lana  
an eragiñazi zuan,  
beste modu bat bear zutena  
beren bizitza osuan,  
pekaturikan ezpazan sortu,  
txit izaera gozuan.

8 Azken ordua datorrenean  
nork eztu izango kezka?  
Ta eztaukagu aldegitetik  
babes batera igeska.  
Entzunak gaude zeñi ta nola  
nai baldin bazaio eska,  
baiña askotxok kontzientzia  
iraulirikan trabeska,  
mingaiñarekin ezer eztala  
esaten oso errez da.

9 Goiko urdiña eta izarrak,  
eguzkia ta illargi,  
urruti samar dabilta baiña  
ikusten ditugu garbi.  
Jaungoikoaren esku zuriak  
egiten digute argi,  
bazterretikan agertu arren  
jartzen dira erdiz erdi,  
gauz oiek danak bakarren batek  
egin zituan aspaldi.

10 Golgota mendi zoragarrian  
Jesus ona il zanean,  
erreztasuna ipiñi zuan  
guretzat mundu danean.  
Zerura sartzen oso xamurra  
ezpada're zuzenean,  
eriotzaren beldur-dardara  
asarre datorrenean,  
animatxoa gerta dedilla  
Jainkoaren izenean.

11 Mesias juez jartzen danean  
edo epaille maikoa,  
bear bezela bereziko du  
bakoitza bere gaikoa.  
Nola daukagun irakurrita  
beekoa edo goikoa,  
bi aldetatik agintzaille bi:  
deabrua ta Jainkoa;  
pekatariak an izango du  
larritasuna naikoa.

12 Eztakit zenbat eunki diran nik  
deabrua sortu zala,  
Jainkoak zuzen egiñagatik  
okertu zan berez ala.  
Zerbaitegatik dabilkigu guk  
pekatarien azala,  
Garbitokian utzi nai nuke  
erru guzien gezala,  
komeni bada Jesus umillak  
beregana artu nazala.

*Zeruko Argia*, 1970-XI-8

(1) Bearbada *janik* bearke luke.

(2) *Zeruko Argia*-k onela du lerro au: *bestela ezin daerizkio*.

# Alkarrizketa

---

*Kaxiano:*

Pello Joxe, ik entzun gaur neri arretaz,  
itzegin bear dizut lasai-lasai, betaz.  
Lorearen ondoren osatzea lekaz  
gauza ona litzake naiz iritxi nekaz,  
beti ibili gabe teman edo setaz.

*Pello Joxe:*

2 Ontzat artzen dizut nik esan didazuna,  
ortarako bear da biotz-maitasuna.  
Askok ez al daukagu urrutira juna?  
Eman bear didazu orren erantzuna,  
ia xuxpertutzen dan nere osasuna.

*Kaxiano:*

3 Diozu etzaudela oso osasuntsu,  
askotxok dabilkigu gaur gaitzaren kutsu;  
ur garbiari utzita putzu-zuloz putzu,  
argalak geralako askotan beartsu...  
Xuxpertuko zera ta eskua ekatzu.

*Pello Joxe:*

- 4 Poz ematen didazu gauz oiek esanda,  
ortan oitua nago elizara joanda.  
Jarri lege berriak ta modaren txanda,  
mundu ontan badago gaur naiko demanda,  
xuxpertuko ote naiz eskua emanda?

*Kaxiano:*

- 5 Zu oitua zaudela eskua ematen,  
itxurak egitera ezpazera joaten?  
Maitasun apal ori ez dedilla eten,  
joan dan urtean baiño sendoago aurten,  
animatik aditu zer esaten duten.

*Pello Joxe:*

- 6 Ondo esaten dana ziñetan aditu,  
lagun urkoangana biotza kupitu.  
Lendik ere dotriñak beartutzen gaitu,  
gogor egin naiean ez burua goitu,  
Jesusek bezelaxe umil obeditu.

*Kaxiano:*

- 7 Aita Santua ere dabil munduz mundu,  
ejenpluak ematen nai duenak ondu.  
Agintzen duana da: ez besteri kendu,  
premian dagonari albada lagundu;  
gauza ona litzake egingo bagendu.

*Pello Joxe:*

8 Besterena nai orrek sortzen baitu gerra,  
pakea izateko ez da lan ederra.  
Langilleak eginda gozatu alperra,  
bide ortatik dator munduko okerra,  
Jesusek ortarako egin al zun lerra?

*Kaxiano:*

9 Ler egin da gaiñera odol danak utzi,  
maitasuna nola dan or bai erakutsi.  
Amarretatik zortzik sinistamen gutxi,  
goraldu bearrean ankapera jetxi,  
lagun daukagulako inpernuko Patxi.

*Pello Joxe:*

0 Orretxengatik gaude izaki nastua,  
maitasuna bear da nun degun aztua.  
Kontzientzia berriz kelarrez beztua,  
askotan iritzia arrunt berdoztua,  
Jaungoikoaren itzik ezin sinistua.

*Kaxiano:*

1 Mundu au omen dabill millaka urtean,  
jendea jarri zaio gain dana betean.  
Txarretik bai ugari, on gutxi tartean;  
bereziko gaituzte egunen batean,  
Josafateko zelai santura joatean.

*Pello Joxe:*

12 Eraman bearko du nork bere puntua,  
gauz ori ziur dago, eduki kontua.  
Beldurra izateko atarramentua,  
zerorrek egiña da gure talentua,  
gutaz erruki izan, Jaungoiko santua.

*Zeruko Argia, 1971-II-14*



# Udazkena

---

- 1 Urri-illaren erdi aldean  
argia eta leguna,  
pozik etxean artu diteke  
olako bizi-laguna.  
Estimatzea obeko degu  
leial ematen zaiguna,  
ai, aurten ere zein udarazken  
zoragarria deguna!
  
- 2 Ta batez ere baserritarrak  
biotzez daukagun poza,  
zerbait anparo badala beintzat  
naiz nai ainbat ezin osa.  
Mintasun asko urrutiratu  
ta al bagindezke goza,  
lore betean orain daukagu  
udaberriko arrosa.
  
- 3 Intxaur, piko ta arto, babarrun  
ta diran sagar aleak,  
premirik iñoiz ez da palta ta  
guztiok gera zaleak.  
Itxaropena edukiarren  
izaten dira kaleak,  
orduan ere ez gera oso  
esker on eman-zaleak.

- 4 Gure labore arlote oiek:  
sagar, arto ta babarrun,  
lurraren bidez eltzen diranak  
sei illabeteren barrun.  
Ta egualdiak gaiñetik berriz  
zer nola lagundutzen dun,  
jan-gaia urri degun urtean  
iñoiz esteak alargun.
- 5 Udaberrian esaten zana:  
“Aurten ez daukagu ezer!”  
Garagarrillak erdia jota  
parregarri eta oker.  
Baiña geroztik opatzen digu  
makiña bat egun eder,  
bizitarako moduan gera  
udarazkenari esker.
- 6 Gertatzen dana ikusita ni  
ixilik nola gelditu?  
Txit aulak ziran landare asko  
azkenerako aunditu.  
Pentsatzen etzan modura gauzak  
dotore erremeritu,  
nai duenean orrek okerrak  
errez zuzendutzen ditu.
- 7 Emaleari esker ematen  
gogoz asiko bagiña,  
orretarako bear genduke  
biotzez maitasun piña.  
Argaltasunak galerazten du,  
ez gera irixten diña;  
gu kapaz gera gaizki artzeko  
askotan ondo egiña.

- 8 Alguztidunak ematen digu  
guk merezi degun aiña,  
orain dijoan bolara onek  
badirudi esne-gaiña.  
Eguna joan da eguna etorri,  
auxe udazken apaiña!  
Ipintzen digu nun eguzkitu,  
ez gera aseko baiña.
- 9 Txantxangorriak txio-txioka  
egunsentian ertzean,  
geroxeago kantari berriz  
bat bai zugaitz bakoitzean.  
Udara-azkena ez dute uzten  
oiek aztuta atzean,  
kuxkurxeago ibiltzen dira  
negu gogorak jotzean.
- 10 Giro onaren indarrarekin  
nabaitzen danean sasoi,  
bakoitzak bere jatorriari  
ematen dio arrazoi.  
Euskalerriko txoritxoetan  
nabarmentzen dana bat oi,  
udara-azkenak txantxangorria  
noizpait jarri zuen patroi.

*Zeruko Argia, 1971-XI-14*

# Donostiari

---

1 Zerbait iritzi irten nai luke,  
Donosti zarra, zugandik,  
berriak ere ez du merezi  
esker gaiztorik inundik.  
Maitasunaren bultzadarekin  
datorkidana barrendik  
pixkabanaka azalduko det,  
denbora dago oraindik.

2 Donosti zarrak bere barruan  
toki politak baditu,  
jende-bolara datorrenean  
danak or ezin kabitu.  
Berria askoz aundiago da,  
ara pixka bat partitu,  
dotoreago moldatzen danik  
nik beintzat ezin arkitu.

3 Danen gustora ezin itzegin,  
au da demontrezko lana!  
Ni baiño gizon azkarragoak  
ederki daukate jana.  
Gipuzkoako uriburua,  
gauza bat gertatzen dana:  
politenetan polita dala  
aspalditik dauka fama.

4 Bazter dagoen gain batetikan  
ni egoten naiz begira,  
goitikan beera etxe bikaiñak  
ta asko ikusten dira.  
Urgull izena duen menditik  
dago itxas alderdira,  
Jesus daukate ara jasoa  
Donostiaren guardira.

5 Makiña batek joera badu  
gogoz Donosti zarrera,  
len izan ez dan atzerritarrak  
lendabiziko sarrera;  
patrikadatik ondo badago  
ez dator leku txarrera,  
naiz len sekula ezagutu ez  
egingo zaio arrera.

6 Beste guziak beste dirala,  
Alejandroren bodegan,  
eskalleretan beera sartuta  
zenbat lagunek jan da edan,  
zuaitzetatik lurreratzen dan  
txori-talde baten eran!  
Atzera berriz gora irten nai  
asteko zorian egan.

7 Iduritutzen baldin bazaizu  
moduz antzean jaterik,  
ez beintzat pentsa beste iñora  
gauz orrengatik joaterik.  
Jendea ondo serbitu arte  
ez du itxiko aterik,  
Jainkoak bestek ez daki ondo  
Martiñen borondaterik.

- 8 Nere bertsoak, nai dituenak,  
irakurri ta ikasi,  
bestela berriz gauza erreza:  
lantegi ontan ez asi.  
Nik dakidana Martin dagola  
bodegoi ortan nagusi,  
azpi-azpitik leku txarrean  
zaiñak ez ditu itsatsi.
- 9 Lana egiñaz irabazteko  
ez dago modu txarrean,  
beste geiago eduki arren  
beregandikan urrean.  
Sei edo zazpi metro geienez  
bat bestearen aurrean,  
barraren paltik ez dauka orain  
iñork Donosti zarrean.
- 10 Itxaropena oparo degu  
nunai aurtengo urtean,  
jendea lasai elduko dala  
kale guziak betean.  
Guretzat ere mesede da ta  
zuentzat ez da kaltean,  
nere esanak onartu, Martin,  
ta lagun izan gaitean.
- 11 Ezin liteke asko luzatu  
nere jakinduri motza,  
dan bezelaxe au aitortzeko  
nik zertan bear det lotsa?  
Donostiaren edertasunak  
nola pozten dit biotza,  
leku askotan entzuten dala  
diote beraren otsa.

12 Donosti zarra, aipatzen zaitut  
maitasun beroz azkenik,  
zuretzat ez det erabili nai  
min emateko eztenik.  
Premirik gabe zertan beartu  
zarrenik eta gaztenik?  
Asko moduzko dollorkeririk  
apalarentzat ez det nik.

*(Zeruko Argia, ez dakigu zein egunetakoa)*

# Idi-tratua

---

- 1 Aurten milla ta bederatzireun  
irurogei ta amabi,  
gaurko munduan ezin liteke  
piatu noski geiegi.  
Zenbait gizonen kopetarekin,  
mutillak, eduki begi,  
aurretik itzak apaiñak eta  
ondoren portatu nagi.
  
- 2 Esango ditut diran bezela  
ikusitako egiak,  
edo bestela zertako dira  
mingaiña eta begiak?  
Zenbat xelebre mantentzen gaitun  
mundu onetan ogiak,  
pena aundirik apenas daukan  
guk saldutako idiak.
  
- 3 Ni bizitzen naiz Residentziko  
alboan edo ertzean,  
bakarren bat, bai, oroituko da  
bertsoak irakurtzean.  
Nun nagon ere ez tet jakiten  
nik au pentsatzen jartzean,  
guk saldutako idia dago  
oraindik ere etxean.



- 4 Guk saldutako idia berez  
da beltza eta gorria,  
amar arra or bete-betean  
nik artzen diot neurria.  
Baba ederki jaten du eta  
mugi lezake arria,  
iseka egin zenduen baiña  
eztago parregarria.
- 5 Eztakit zeinen bidez etorri  
ziñan zu gure etxera,  
erostun ona ziñalakoan  
gu prest idia saltzera;  
ainbeste kontu amarratuta  
danak biurtu utsera,  
gizarajoak engañatzeko  
jaiotakoa al zera?
- 6 Korridetako zezenak ere  
tankera ortako adarrik,  
aragirikan urratu gabe  
sartzen du ziri ederrik.  
Ta zein ote dan galdetzen dute,  
eztaukat esan bearrik,  
berak badaki nik bezin ondo,  
ori basta da bakarrik.
- 7 Zuk egindako trukoarekin  
eztet malkorik ixuri,  
gizonak nola egin lezazke  
ainbeste biaje txuri?  
Minberatzeko ainbeste bada,  
ulertu zazu gauz ori,  
ni ezpanazu zuk gorrotatzen  
barkatzen dizut nik zuri.

# Aurtengo Xenpelar sariketari

---

- 1 Xalbadorren lan ori nai duenak ondu,  
bertsoak jartzen arrunt zaigu nabarmendu.  
Ziur samar zebillen, eztiote kendu,  
zan saririk onena berak eraman du.
- 2 Oben egiten badet gogoak emanda,  
gero barkatuko dit apaizak esanda.  
Xalbadorren izketa gustatuko zan da,  
saririk bikaiñena mugaz aruntz joan da.
- 3 Galdorrean gelditzen egiñikan modu,  
ortara irixteak ontasuna badu.  
Kapitantza artuta besteak soldadu,  
jarraituko dizute zuzen eta ondradu.
- 4 Xalbador ikusi det Donostian bitan,  
gizon piña ote dan dirudi begitan;  
pruebak emanak dauzka amaika tokitan,  
bertso jartzaille orain guztien kapitan.
- 5 Bertso-arazo ortan ezta gizon lela,  
pentsatu igerrita askotxo daudela;  
errespetatu zagun apaiz bat bezela,  
Euskalerririk maite eztegu bestela.

- 6 Ankean min duenak egiten du erren,  
berak erakusten du zer aje dakarren;  
Matxain eta Olea onak izan arren,  
izendatua dute Aierbe bigarren.
- 7 Irugarren Olea izango da noski,  
berarengatik esan bear ditut itz bi.  
Bertso bikaiñak erruz nunai badaukazki,  
pixka bat ulertuta ausnartzea aski.
- 8 Matxainek eztaikit nik zer izango duan,  
edo zer ipui-klase pentsatzen dagan;  
txit alai ikusten det nik nere albuari,  
ia bera jartzen dan lenen urrenguan.
- 9 Amasei gizonak or artu zuten parte,  
Xalbador da txapeldun berriz kendu arte.  
Bertso oiek eztira euskaldunen kalte,  
gure sorterri zar au bear degu maite.
- 10 Urepeleko seme apal, bioztuna,  
ontzat artutzen degu guk zuk diozuna.  
Gorputzera sartutzen dezun poztasuna,  
animarentzat ere baita osasuna.
- 11 Zorionak gaiñezka gure Xalbadorri,  
egal askotatikan joango zaizka sarri.  
Badakigu jakintzan etzaudela urri,  
bertsorik ederrenak berriz ere jarri.

# Moda ta lujoak

---

- 1 Kebelarra salneurritz joango da goraka,  
legezko gauza dala nago ortaraka;  
emakumeak ere sartu dute anka,  
beste aurrerapenik ez genduen palta!
- 2 Zigarroa erretzen emakumezkuak,  
neskatxa apain, polit ta lirain askuak,  
tabakoz usanduta ederki eskuak;  
badatozkigu moda zoragarrizkuak.
- 3 Ezpaiñak pintatuta zigarroak erre,  
mutillak berdintzeko gertu aurrez aurre.  
Egunean baleude bost ontzako urre,  
orduantxe ez giñake izango asarre.
- 4 Dezakenak bezela arloteak ere,  
emen bizi nai degu lanik egin gabe.  
Ala balitz gauz ori askorentzat obe,  
iduripen orrekin zatar ez al gaude?
- 5 Gaurko aurrerapen bat lanaren igesi,  
zigarroa erretzen lenengo ikasi.  
Lengo ogeitatik bat eztute nai ezi,  
nola demontre ola beartsua bizi?

- 6 Mutillak ezin badu fumatzeko sortu,  
bere moduko neska emaztetzat artu.  
Ataka ederrean etzerate sartu,  
aunditsu petral orrek bearko du lertu.
- 7 Askotxo ari dira bizioak artzen,  
deabru egazkiña or dabil ekartzen,  
modak eta lujoak sendietan sartzen;  
aita ta ama berriz malkoak ixurtzen.
- 8 Zarraren esanari egin kaso gutxi,  
lengo oitura asko bazterrera utzi;  
moda edo lujozko beste zerbait pitxi  
oraingo gaztediak nai du erakutsi.
- 9 Ortaratuko zanik gure probintzia,  
arrunt oker irten da nere iritzia.  
Lanik egin nai ez ta aberats jantzia,  
beartsuarentzako a zer erentzia!
- 10 Aberatsaren martxa guk nola eraman?  
Motxa ipiñi bear luzearen faman.  
Emin ezin iritxi ta laburrago an,  
etzazutela artu oinbesteraiño lan.
- 11 Tontorrean dauzkagu lujua ta moda,  
danok igo nai degu mailla obegora.  
Zeiñek daki noraiño? Nik eztakit nora;  
kea bezela asko badijoaz gora.
- 12 Bear dan gauza dala diote kultura,  
zuaitez gazteak artu nai dute altura.  
Edari piñak edan, dutxatzeko ura,  
ondo-nai ori beintzat oso indartu da.

- 13 Aberatsa berdindu nai luke pobreak,  
arrunt aldaturikan munduko legeak.  
Gustatuta ipiñi gauza dotoreak,  
gero igaro bear kalamidadeak.
- 14 Lujua ta moda bai, poltsa diruz urri,  
gaur askok ezpaitio begiratzen orri.  
Itotzeko zorian lokarria jarri,  
apain bizi nai baiña disgustua sarri.
- 15 Beti izango dira gazia ta geza,  
danak ondo bizitzen eztago erreza.  
Txarren-txarrena au da; ulertu nai eza;  
jakinduria aiña badago laiñeza.

*La Voz de España, 1973-III-18*

# Kukuaren otsa

---

- 1 Aprikatikan Euskalerrira  
kukuak badatozkigu,  
mendekoari jarri naiean  
zerbait poz eta kastigu.  
Esan bearrik ere eztago,  
berak or daude testigu.  
*ku-ku* entzuten degunean guk  
penik ematen eztingu.
- 2 Itxumustuan entzuna naiz ni  
aurten kukuaren otsa,  
arrigarrizko zerbait ote zan  
jarri zitzaidan biotza;  
oiean epel-epel nengon da  
neri eman zidan poza,  
dirurik gabe aurkitu nintzan,  
beste nunbait urre-poltsa.
- 3 Uste gabeko gauzak askotan  
gertatzen zaizkigunak, *rau!*  
Lengo urteak lengo dirala  
xelebrea aurtengo au.  
Ni mixerian bizituarren  
orri inporta dio lau,  
xentimo baten trabarik gabe  
oiean arrapatu nau.

- 4 Udaberriko egunsentian  
gogor asten da kantatzen,  
biotza zeñen gogorra duen  
askok eztute pentsatzen.  
Ez naiz ariko gezurretan da  
eztiran gauzak aipatzen,  
besterenak txit gorrotatuta  
bererik eztu maitatzen.
- 5 Emeak dira *señorita* ta  
arrak oso *señorito*,  
alkarregana urbiltzen dira  
Mari-zikin da Pakito.  
Txantxangorrien ume gaixoak  
kabitik kendu ta ito,  
gero arrautza berak an egin,  
azi dezala ta kito!
- 6 Piztiak ere jartzen digute  
esperientzi ederra:  
aundia lasai pasiatzen da  
txikiarentzako lerra.  
Txantxangorriak nozitu bear  
kulparik gabeko gerra,  
kukua da bat santu-itxuran  
kriminala ta alperra.
- 7 Ondo sinistu gauza orrek ni  
erruz naigabetzen naula,  
indartsu batek koitaduari  
oinbesterañoko burla.  
Txantxangorria berez dalako  
biotz-bera eta aula,  
kukuak eztu arrazoi txar bat  
entzun izandu sekula.



- 8 Eztu usteko ibili danik  
 iñoz iñoren kaltean,  
 lagun urkoa ortxe jartzen du  
 penaz beteta nekean.  
 Suerte ori lendandik dauka,  
 nik eztakit noiz artean,  
 berak nai duen guztia egin  
 ta bizi pake-pakean.
- 9 Ari gera ta ez ote degu  
 zerbait adieraziko?  
 Alperrak ere eztira beti  
 nai bezin ondo biziko.  
 Txantxangorria amaitzen bada  
 eztu kukurik aziko,  
 zer pentsatua utziko die  
 beren denbora guziko.
- 10 Orain artean kaso aundirik  
 eztio egin erriak,  
 bere denboran ikusi ditu  
 une latz eta larriak.  
 Iñori apal obeditutzen  
 badaki txantxangorriak,  
 beste nunebait izan ditzala  
 esker atsegingarriak.

1000  
 1000

Goitik dagonak azpikoari  
 ipintzen dion jokera:  
 maitasunezko erruki gutxi,  
 beretzako nai aukera.  
 Burutik asi, lepo ta ego,  
 ipurditikan ankera,  
 txantxangorria, ematen dizut  
 euskaldunaren tankera.

- 12 Kukuak nola agintzen duen  
txantxangorrien lurrean,  
ain urrutitik onuntz elduta  
lotsarik ez muturrean.  
Dollorkerizko ausardi ori  
besteren etxe aurrean,  
kontzientzia ondu nai badu  
eztabil sasoi txarrean.
- 13 Orri eztio gaizki egiñak  
kezka aundirik ematen,  
lengo urtetan bezela berdin  
jarraitu naiko du aurten.  
Kukukumea ia janean  
zuen malkoak edaten,  
txantxangorriok, eztakit nola  
orren leialak zeraten.
- 14 Nere buruan erabili det  
bi egaztiren bizitza,  
txantxangorriak kuku jaunari  
noizbait eman zion itza.  
Ta orain bere kontra eztu nai  
xotilla dalako mintza,  
gogorkerizko aundi-txikian  
oso ezberdin dabilta.
- 15 Kukua eta txantxangorria  
biak alkarren onduan,  
bat iltzaillea, bestea berriz  
dabil maitasun senduan,  
Jesukristo ta bere etsaiak  
ibili ziran moduan;  
aurrera ere billaukeririk  
ezta paltako munduan.

*La Voz de España*, 1973-IV-11 eta 14

# Patronato San Miguel

---

- 1 *Patronato San Migel* leku apaiñean,  
Donostiko baillera Aiete gaiñean.  
Lengoan izandu naiz bere jardiñean,  
zerbait itzegin naia daukat mingaiñean,  
baiña ezin goraldtu merezi aiñean.
  
- 2 Maiatzaren lenengo eguna zan bera,  
nik ara irixteko izan nuen era;  
lendik ere baneukan zerbait ezaguera,  
pozik urbildu nintzan bere magalera,  
txit paraje polita ikusiak gera.
  
- 3 Duten arrazoiz gauzak esango bagiñu,  
len gaztain-txarak ziran ta ondoren piñu;  
orain jardin batetik egiten du kiñu,  
bertara biltzen dute nai ainbeste soiñu,  
mundu onetan sortzen diran aiña doiñu.
  
- 4 Nunaitik bazetorren kukuaren otsa,  
xoxo ta birigarro, txori danen boza.  
Barrendik irten nairik biotzak zer poza!  
Donostiak or dauka urrezko arrosa,  
zentzuz urri diranak nai dituzte osa.

5 Ezpaita palta aize osasuntsu piñik,  
gutxi gelditzen dira antzeman eziñik;  
gorputzean ezpadu ajearen miñik,  
etzaiο pasiatzen nekatuko oiñik,  
San Migel bai apaiña, bat bada apaiñik!

6 Askok egiten dio San Migeli kaso,  
ikusteko apaiña dagolako oso.  
Aspertu eziñikan bertan goxo-goxo,  
baratz biurtu zera len ziñana baso,  
etzaitu esku txarrak apalera jaso.

7 Aurrezki Kutxa orrek egin duen lana,  
askoren mesedetan izango da dana.  
Ume bat nabaitzean burutik baldana,  
urrutitxotik ere datoz beregana,  
or atsedentzen dira aita eta ama.

8 Danentzat urte onik iñoiz ez talako,  
gaizki esaka ere jardun ziran pranko,  
arantzak zulatuta min artu zalako;  
baiña uts-utsik iñor eztute lagako,  
etorkizuna ortxe dago gerorako.

*La Voz de España, 1973-V-13*  
*Goiz-Argi, 1973-VIII-15*

# Ondartzara joan nintzan

---

- 1 Ondartzara joan nintzan lengo egun batez,  
buelta bat ematera aspaldiko partez.  
Jendea bazebillen xelebren, suertez,  
zerbait pentsatu bear onez edo gaitzez.
- 2 Bat jabetutzen baita gauzak ikusita,  
len ez nekizkienak nago ikasita;  
auxe esan didate galdezka asita:  
“Zuk ere egin zazu tarteka bixita”.
- 3 Denbora pasa asko, lasai ederrean,  
nik ikusi nituen Kontxan ondarrean.  
Zeri begiratu jartzen da aurrean,  
ni bakarrik nintzan an jazkera zarrean.
- 4 Ikusteko egiña dalako begia,  
alegintzen eztanik gutxi, alegia;  
bada or okela ta bada aragia,  
txorabioarekin jausi nintzan ia.
- 5 Txorabioa pasa eta gero ere,  
ezin gelditu nintzan begiratu gabe;  
beurak izango dira beurenaren jabe,  
ni oker ezpanago ederrak badaude.

- 6 Itxas-ertz polit oiek legorreko arraiz,  
bero nabaitzen bada joaten dira garaiz,  
Kantauriko lurretan ez nai dan bezin maiz;  
ni nere iritzi bat ematen ari naiz.
- 7 Berotzen diranean udako egunak,  
or inguratzen dira millaka lagunak;  
bai erakutsi ere paraje legunak,  
arritzen gera baiña len eztakigunak.
- 8 Eguzkia nai dute azala bezteko,  
lengo kolore zuri ederra uzteko.  
Ezer pekatu danik eztute usteko,  
pixkan paltan dabilta dana ikusteko.
- 9 Neroni ere ez naiz oso seda piña,  
ziprixtiñak badauzkat mantxatzeko diña.  
Sasoiean daukanak jatorrizko griña,  
maistrak badaudela ta ikasi dotriña.
- 10 Esango dute trapu gaiztoa naizela,  
beurak lenbizi jator porta ditezela;  
zer pentsatua jartzen digute bestela,  
ai, beztuko balira ikatza bezela!
- 11 Batzuek geldi eta besteak jostatzen,  
lan gogorrik askori etzaigu gustatzen.  
Ur goxo apaletan dabilta preskatzen,  
Ginea-ra joaterik eztute pentsatzen.
- 12 Auxe gogoratu zait orain bat-batean:  
konpondu litekela alkarren artean,  
Ginea-ra joateko urrengo urtean,  
angoak bezelaxe beztu bitartean.

- 13 Entzun berria naiz ni Ama Euskerari,  
maitea dedalako esan zidan neri:  
“Gustatutzen al zaizu edertasun ori?  
Deabrua bueltaka badabil ugari”.
- 14 Deabruak badauka indar edo kemen,  
esaten zaiolako geienean amen.  
Orren soil ipintzea ez al da nabarmen,  
Euskalerra gaixoan, azkenean emen?
- 15 Amabost bertsorekin nai nuke gelditu,  
gai batek beretzako asko ez al ditu?  
Ondartzarako bide onari jarraitu,  
eguzkiak beztuta indartuko gaitu.

*La Voz de España, 1973-VII-12*

# Goialdea laino

---

- 1 Bertsoak ipintzea gogoak eman dit,  
asi besterik ez det nik egin oraindik.  
Jaunak laguntzen badit nundik edo andik,  
zerbait irtengo al da Kalonjerengandik.
- 2 Pentsatzen egoten naiz makiña bat aldiz  
Donostia ez dala iñoiz izan Cádiz.  
Ez gaitu ikusi nai eguzkiak begiz,  
ez ote da gugana limurtuko berriz?
- 3 Itzalean gabilitza geienez udan,  
zuaitez-orri aundiak daudelako mugan;  
ta eguzkia berriz lanerako dudan,  
bere berotasuna ez dakigu nun dan.
- 4 Aspalditxo onetan nere baitan nengon  
eguzkiak kemenik gabe ote dagon;  
baiña andik pixka bat gertuago egon,  
berotutzen omen du Mediterraneon.
- 5 Traba gogorak daude jarrita topean,  
ez bazaie ekiten kañoiz atakean.  
Udak aldegingo du laister galopean,  
ta lizunduko gera danok lainopear.



- 6 Denboralez gabiltza erabat nastuta,  
onik ez du egin nai arrunt zapuztuta.  
Ez gera zatartuko beroak beztuta,  
eguzkirik askotan azaltzen ez du ta.
- 7 Jaiak igaro eta prestatzen danean,  
laiñoak baztertuaz datorkigunean,  
bero galantak igual ogei egunean;  
gogoak ematean joko du lanean.
- 8 Gu ibiliagatik biurri ta kako,  
orri ez dio iñork bioliñik joko.  
Gertatzen dana ez da gutxigotarako,  
orren mende bear guk jabea dalako.

*La Voz de España, 1973-VII-29*  
*Goiz-Argi, 1973-X-15*

# Zar geienak pipiak jota

---

(Doiñua: "Aizak i, mutil mañontzi...")

- 1 Zer bait bear det itzegin,  
eztet izandu atsegin,  
erreuma petral gizatxar onek  
jokera bat egin;  
gogor ematen zidan min,  
nik pausorik altxa ezin,  
gutxieneko artua badet  
trenka bat medezin.
- 2 Erreuma gaiztoa da ta  
kanalla, traste galanta;  
elbarritzeko beste ajerik  
nik ez nuen palta.  
Ipiñi nai nauten planta  
erdia kendurik anka,  
lendabiziko jarri ditzadan  
dozena bat kanta.
- 3 Albiste txarrak zartzera,  
lengo kemenak atzera,  
mundu ontako itxaropenak  
erabat galtzera.  
Erreuma eta ultzera,  
gaitz asko oien antzera,  
ajerik gabe gutxi dijoa  
norbere etxera.

- 4 Au da atarramentua,  
 atera zagon kontua,  
 gazte denboran nola genduen  
 errukimentua;  
 duenak eskarmentua  
 berekin dauka puntua,  
 nik esan gabe pentsatuko du  
 ezpada tontua.
- 5 Pentsatzen al da gazterik  
 zarraren molde tristerik?  
 Eztet esango par egiteko  
 moduko txisterik;  
 baldin badago besterik,  
 ori nai luken trasterik,  
 ez uste inor azitarako  
 munduan uzterik.
- 6 Len botatako aziak  
 ondo kostata eziak,  
 enbarazuan dagoenari  
 bultzaka asiak.  
 Nik nola esan guziak,  
 nere begiz ikusiak?  
 Gaztearentzat zer pintatzen du  
 zarraren biziak?
- 7 Ni ari naiz itz-jario  
 ta jarraituko banio,  
 mundu onetan zenbat izaki  
 ainbeste jenio.  
 Pikaro askotxok dio,  
 beuren iritziz serio:  
 "Guraso zarren buruzpideak  
 deus ezтик balio!"

8 Zartzera eztago pozik  
pena ta tristura baizik,  
au aitortzeko eztet izango  
nik batere lotsik.  
Iduripen asko utsik,  
ezin alaitu biotzik,  
alaxen ere beste mundura  
iñor joan nai ezik.

9 Emen bizitzeko griña,  
il bear ori da miña,  
obe genduke konpesatuta  
onduko bagiña.  
Au da Jesusen dotriña,  
baiña limurtu eziña,  
bai, bagenduke Jainkoagana  
txit sinismen piña.

10 Maitasun piña bagendu  
nola gindezke illundu?(1)  
Jesusengana gogor urbildu,  
berari lagundu.  
Zenbat gabiltz munduz mundu  
ezin geranak zuzendu?  
Pikoetara joan bear orrek  
pena ematen du.

11 Ni egondu naiz etsita,  
itxaropenak utzita,  
traje bat izan da ura bera  
soiñean jantzita;  
aingeru batek bixita,  
noski zerutik jetxita,  
oraindik ere emen nabil ark  
geldi arazita.

12 Erreumaz nago betea,  
ontatik badet dotea,  
bakarren batek pentsatu zuen  
neri ematea,  
Jesusen Ama maitea,  
nitzaz erruki zaitea;  
zuk nai badezu, nik pentsatzen det  
zerura joatea.

*La Voz de España*, 1973-XI-14 eta 15  
Goiz-Argi, 1974-III-27

(1) *La Voz de España*-k: nola gindezke ikundu?

# Kinto-billerak

---

- 1 Kintoen billerak maiz diralako buruz,  
ezin itzegingo det beintzat asko moduz.  
Modan dabilta orain gastatuaz erruz,  
plakirik eztutenak patrikadan diruz.
- 2 Kintoak an da emen dabilta bazkaltzen,  
ta itxura txarrean eztira azaltzen;  
bizio geiagori ezpadie eltzen,  
urtean beingo orrek eztu ezer galtzen.
- 3 Debaldeko morrontza probatu degunak,  
nai orduko ez baiña aldatu egunak.  
Noiznai biltzen zerate or kinto lagunak,  
abenjandeizutela, seme euskaldunak!
- 4 Jendeak osatzen du ortarako plaza,  
billera bat egiñaz alkarrekin lasa.  
Gorputzarentzat ezta ori arri-jasa,  
tripa ondo zaituaz egun on bat pasa.
- 5 Meza entzuten dute geienak elizan,  
Jainkoa goraldiaz kristau onen gisan.  
Berak ikusten ditu zergatik dabiltzan,  
lagunduko dizute, ez bildurrik izan.

6 Taldeak biltzen dira tokatzen dan eran,  
bazkaltzeko denboran ondo jan da edan.  
Izango dute noski naikoa aukeran,  
orra nik garbi esan zer pentsatzen dedan.

7 Barrena indartzean nola egon mantxo?  
Orduan izaten da jarri naia jauntxo.  
Aitortzen det neroni banaizela batxo,  
garaiz erretiratu denok txintxo-txintxo.

8 Txintxoa izatea ezta ondra gutxi,  
saria jasoko du biar edo etzi;  
berak jo baiño lendik edaria utzi,  
besteri ejenploa orra erakutsi!

9 Besteri erakusten askotan errez-ta,  
ori nola liteke berak jakin ez-ta?  
Bein jarri bazan, jarri, au munduko pesta!  
Etxean doi-doi eta kanpokoen kezka.

10 Ondo erakustea iñork eztu kalte,  
oraindik kinta asko sasoiko zaudete.  
Zar bakar txintxo oiek jakiten badute,  
Egoako Polora uxatuko naute.

11 Nik ondo sinisten det esan didatena,  
gezurra baldin bada izango det pena.  
Egingo baluteke al dan azkarrena,  
neri iruditzen zait txit on litzakena.

12 Gaztetan ibiliak aspaldi soldadu,  
Alfonso serbitutzen orduan ondradu.  
Uste det badutela iñork ainbat gradu,  
Francoren kintak ere laister izango du.

*El Diario Vasco, 1973-XII-9 / Goiz-Argi, 1974-I-15*

# Baserriko auldadea

---

- 1 Ogeigarren eunki au degu nabarmena,  
aurten irurogei ta amalau garrena.  
Zenbat poz eder eta beste zenbat pena!  
Emen artu bearra dago datorrena.
- 2 Izkutatzen ari da baserriko martxa,  
gazteak aldegin da zarrak nola altxa?  
Kaletar biurturik ainbeste neskatxa,  
uste det sortu dala sekulako mantxa.
- 3 Lege zarrak utzirik berezita mugaz,  
oraingo gazte asko kalera dijuaz.  
Deika ari dalako antzokitik Judas,  
or engañatzen ditu biboliña juaz.
- 4 Oso urte gutxian au da gorabera!  
Polita ikusita il bearrak gera.  
Baserria utzita dijoaz kalera,  
zeiñen penagarri dan datorren galera!
- 5 Kalea gustatu ta baserria utzi,  
bururatu zaiena millaka neskatxi.  
Sortu ziran lekura txit maitasun gutxi,  
zeruaren ondotik linboraiño jetxi.



- 6 Gaur-gaur bezela zenbat baserriko dama,  
askoz naiago dute alperraren pama.  
Etziran olakoak aita eta ama,  
baserriko bizitza sorgiñak darama.
- 7 Mesede aiña noski izango da kalte,  
goibeltasun galanta utzi bear dute.  
Garbi ikusten dana ziur esan leike:  
jaiotako kabirik eztutela maite.
- 8 Aurreratuak daude gaurko zenbait gazte,  
munduko teknikorik onenak ainbeste.  
Orrengatik kalera txulo dijoazte,  
an ere naiko lanak izango dituzte.
- 9 Erantzungo duela kaleak bakarrik  
esango dute, baiña neretzat alperrik.  
Nik eztet sinistuko olako gezurrik,  
dantzatutzen ezpada aruntz-onuntz lurrik.
- 10 Lenago ederrenak baserrira pozik,  
orain gertatzen dana degu beste gauzik.  
Beirik eta ardirik ikusi nai ezik,  
bizileku politak uzten dira utsik.
- 11 Atsekabe gogorra dator guregana,  
sendo salatuko det nabaitzen dedana.  
Len goieneko maillan aipatutzen zana,  
baserriak badauka galtzak bete lana.
- 12 Baserri gaixoari joan zaio kordea,  
xuxpertu lezakena kalera gordea.  
Lanerako gogoa bear da ordea,  
maiorazkoentzako maitasun berdea.

- 13 Segika dabillen bat emaztegaiari,  
zenbait panpoxarekin nolanai piari!  
Eskarmentu dutenak esana da neri:  
askok eztutela nai baserrian ari.
- 14 Orra beste gauza bat txit ziur jakia:  
mutillarentzat neska baldin bada piña,  
eraman bear luke baserriko miña,  
edo bestela dauka maitasun sorgiña.
- 15 Mutillak ezpadu nai lurrik gabe bizi,  
beste opiziorik ezpaitu ikasi,  
neska berri batekin kalera igesi,  
olakoak ez luke batere merezi.
- 16 Maiorazko jator bat maitasun onean,  
lagun bat artu nairik prestutasunean.  
Zuk jarraitu nai arren bide zuzenean,  
zenbaitek uzten gaitu utsik azkenean.
- 17 Zoritxarreko gaitza etxean sartuta,  
palta duena dago oso beartuta.  
Naigabe izugarritz biotza lertuta,  
maite paltsoagandik propiña artuta.
- 18 Maiorazko askotxok gaur daukaten penik,  
neronen biotzean ez nuke naiko nik.  
Ezin bada billatu iñun euskaldunik,  
andaluzak ekarri neskame bedenik.
- 19 Baserria dago gaur aul eta serio,  
zuri galdezka nator ni, San Antonio.  
Jainkoaren indarrak ezpadu balio,  
gaiñerakoan zeinek lagunduko dio?

20 Baserrian arnasa ikusten det doi-doi,  
ta bota nai diote itotzeko lain loi.  
Aize biurria ta laiñojea marroi,  
berriz ere euskerak bearako du morroi.

*La Voz de España*, 1974-II-7  
*Goiz-Argi*, 1974-IV-18

# Emazte gaixoari

---

**O**ITURA aundia zan garai batean. Norbaiti zerbait jakingarri gertatzen zitzaionean, norbait ori bertsolari batengana inguratzen zan, gero bertso bidez erriari adierazteko.

Goizuetako Jose Maria Larrea jaunari, etxeko lanak egiten ari zala, emaztea il zion tximixtak.

Eta Jose Mari onek, emazte onaren oroipenez, bertso batzuk moldatzeko eskatu dio gure adiskide Segundo Kalonje donostiar bertso-jartzailleari.

Onek bete du Goizuetako alargunaren naia. Ona emen Kalonjeren bertsoak.(1)

Naparroako erri txiki bat  
ainbat neke eramana,  
Goizueta du bere izena  
antziñatik daramana.  
An jaio nintzan eta geroztik  
osatzen zait naiko lana,  
Jose Maria Larrea naiz ni,  
orra ezaugarri dana,  
emazte maite biotzekoa  
tximixtak bota zidana.

2 Ezbear ura gertatu eta  
goibel bizi naiz geroztik,  
ai, zenbat pena eta naigabe  
biotzeratutzen zaizkit!  
Operatuta negon garaian  
egundo alako pestik!  
Bost aldetara begiratuta  
on aundirik egin eztit,  
naiago nuke ezpalitzake  
berriz sortuko tximixtik.

3 Une luzean ibilia naiz  
erotutzeko zorian,  
gaur pentsatzen det ote nabillen  
erabat mundu berrian;  
igaro diran illabeteak  
jarri nai ditut neurrian,  
bi urte zuzen elduko dira  
abuztuan amabian,  
ni alargundu nintzala azkar  
Goizuetako errian.

4 Naigabe txarrak pixka bat utzi  
ta xuxpertz naizenean,  
bertso auetxek ipiñi ditut  
andrearen izenean.  
Iru-lau aldiz oroitutzen naiz  
gutxienez egunean,  
gabetan berriz amets egiñaz  
beregana zuzenean,  
iruditzen zait bizi naizela  
len nion maitasunean.

5 Probatu det nik nola izaten dan  
barrendik triste antzean,  
biotzak buelta ematen baitu  
puska maite bat kentzean;  
bizitza ere ezta erreza  
alako une latzean,  
ain bear nuan emaztea nik  
eztet ikusten etxean,  
besarkada bat emango diot  
Josafatera biltzean.

6 Adierazten alegindu naiz  
guretzat zegon kasoa,  
zerbait bear da argazkitxo bat  
nunebait badet jasoa.  
Denboralea asarretzean  
ezta izaten gozoa,  
tximixta da bat biurria ta  
gauza txit peligrosoa,  
ark utzi zidan etxe barruan  
illik emazte gaixoa.

*La Voz de España, 1974-V-11*  
*Goiz-Argi, 1974-V*

(1) Basarriren adierazpena, bertso auek egunkarian argitara ematerakoan.

# Bertso Berriak

---

*Gizonak:*

1 Ezkondu giñan eta ondoren au pesta!  
Seme-alaben ordezt demontrezko kezka.  
Nik mutilla nai nuan ta andreak neska,  
itxaropen aundirik guregandik ezta.

2 Ezkondu giñan baiña ondorengorik ez,  
alkar apal maitatzen eztaukagu errez.  
Andrea zapuztua, ni erdi negarrez,  
ta neskazar guztiak or dabiltza parrez.

*Andreak:*

3 Biurritu gera ta maitasuna koko,  
gizona olakoxe txepela dalako.  
Len bezela jostatzen eztiot lagako,  
kontserbatu bear det iltzen danerako.

*Gizonak:*

4 Ni iltzea nai luke artzeko berria,  
neretzako ez al da txit penagarria?  
Onek edukiko du biotza arria,  
erruki aundi gabe nigana jarria.

*Andreak:*

- 5 Entzun nai badezute esango det dana,  
errukia banuan gizonarengana.  
Nai zuan garaiean jartzen nion lana,  
bere paltaz galdu du ain gustoko plana.

*Gizonak:*

- 6 Pentsatu ditugula andrearen paltak,  
entzun bearko ditu nigandik galantak.  
Maleziosa danak xelebrezko tranpak,  
egundaiño eztizkit zuzen jarri anakak.

*Andreak:*

- 7 Bera petrala danak txarrerako griña,  
errespetorik ez ta gaizki itzegiña.  
Ezagutu dedala ipurdian miña,  
ezkerrez ere banaiz orrentzako diña.

*Gizonak:*

- 8 Ni eskubitik eta ori ezkerretik,  
sekula eztu izan ziñezko arretik.  
Ondo ezia dago eskola txarretik,  
eztu asko jan bear nere bizkarretik.

*Andreak:*

- 9 Engaiñatu nindun, bai, len gizarajoak,  
berak jan nai lituzke nik egindakoak.  
Gizon prestu batentzat arrazoi bapoak,  
txarragorik eluke emango zapoak.

*Gizonak:*

- 10 Engaiñatu nuala or dabil kontari,  
lenengo amari ta urrena aitari.  
Alperrik ariko naiz ni ari ta ari,  
eztio begiratzen kristauen plantari.



*Andreak:*

- 11 Orainarte guzian izan det kaltea,  
merezi etzuana orri ematea.  
Neri gustatutzen zait garbi esatea:  
inpernura bedenik nai nuke joatea.

*Gizonak:*

- 12 Izaten zanik ere olako trastorik,  
nere baitan enuan pentsatzen askorik.  
Mundu ontan eztago guretzat gustorik,  
andreak ezpainau ni maite arrastorik.
- 13 Etsipena artu det andrearengandik,  
inpernuko tristura datorrit barrendik.  
Jauna, lagun zaidazu nundik edo andik,  
esperantza Zugana badaukat oraindik.

Goiz-Argi, 1974-VII-3

# Begira nola gabiltzan

---

1 Lenago ere badakizute  
nik noraiñotsu dakiten,  
azkena ona izaten baiño  
errezago da ekiten;  
al baldin bada okerrekotik  
bide zuzenera irten,  
eztakiana asi dedilla  
norbaitengandik jakiten,  
munduan dagon lanik zailena  
danen gustoa egiten.

2 Mundu ontako izaera da  
alde batera laburra,  
bestera berriz arpegi ondo  
ematen ezta samurra.  
Egia baiño askoz geiago  
nagusitzen da gezurra,  
mai bat bezela ipiñi zuen  
gure Jaungoikoak lurra,  
emen batzuek gozatzen dute  
eztiz ederki muturra.

3 Ta beste asko larru gorrian  
jangairik gabe gosiak,  
Europar zerbait, Aprikan erruz,  
zer esanik ez Asiak.  
Zenbat arraza bere sailletan  
Amerika lur luziak?  
Ozeaniak ere baditu  
lendik pertsona-klasiak,  
ontarakoxe egin zuten da  
mundua onela zia.

4 Paraje otzak egon beaute  
iparrean da egoan,  
nik jakinduri asko eztaukat,  
entzundakoa gogoan.  
Ondo igerri diote noski  
mundu au nola dagoan,  
orain gizona or omen dabil  
ainbat milloika legoan,  
kabitu ezin zaizkigulako  
emengo destierroan.

5 Beldurgarrizko aurrerapenak  
entzuten ditugunak gaur,  
baiña oraindik oso beartsu  
milloika gizon eta aur.  
Mundu onetan egon bear du  
lautatik bat or nunbait lur,  
gaiñerakoa urdin antzean  
itxaso biurturik ur,  
noiz egiña dan oraindik iñork  
apenas dakian ziur.

6 Jakintsu asko ariko dira  
iaiokeriz buru austen,  
denborarekin entzuten degu  
zer asmatutzen dituzten.  
Gauden lekutik ez al degu ba  
ixpillu ori ikusten?  
Batek bestea izututzeko  
ainbeste akulu-ezten,  
etorkizunen beldurrez beti  
armamentuz aberasten.

7 Ni lo nagola amets egiñez  
albiste auek datozkit,  
mundua egin zuten unetik  
biraka dabil geroztik.  
Eguzkia ta izar guztiak  
illargiaren arunztik,  
urrutietan zirin egin du  
emengo zenbait egaztik,  
an ez omen da iñoiz ikusi  
azkarragoko tximixtik.

8 Gizona sortzez sortu bazan bein  
beti zerbaiten inbiriz,  
bere burua desegintzen du  
ezin ase dan egarriz.  
Orain askotan joaten omen da  
mundutik kanpora berriz,  
jabea duten leku zabalak  
itxi naiean elorritz,  
besterenaren zale dalako  
aurreko zarren jatorriz.

9 Erreparoa jartzen bagera  
guda-kondaira zar bati,  
gizona baita osatzen ezta  
goseak dagona beti.  
Illargia ta or beste zerbait  
egon beaute urruti,  
ortxe dabilta toki arrotzak  
biurtu nairik barruti,  
ori bai dala Jainkoangana  
ez izatea beldurti.

9 Urte gutxian ikusten degu  
makiña bat alderantzi,  
len dotoreak ziñaten oiek  
bai trajez ederki jantzi!  
Mundu zarrari nai lioteke  
beste zati bat erantsi,  
joaten zaizkigu beetik goraiño,  
berriz goitik beera jetxi,  
Jainkoak kargu artu baiño len  
obe lioteke utzi.

9 Gorputza il da munduan utzi,  
anima soil-soil bestera,  
emengo lanak nagusiari  
zer diran erakustera.  
Premizkoena an izango da  
kontzientzizko jazkera,  
gezur da tranpa ta inbusteriz  
eskatutuko ezkera,  
limurtzen ezta aren etsaia  
an sartuko da auspera.

12 Pekataria naiz ni ere txit,  
eztaukat ezer santutik,  
baiña oraindik eztidate eldu  
deabru zarrak anketik.  
Bide lasaiak utzi ditzagun,  
igaro zail da tartetik,  
zerbait erosi nai baldin bada  
Jesus onaren bentatik,  
gure errukiz odol emanda  
joana da mundu ontatik.

13 Elizaratzen geranok beintzat  
sarri entzuten deguna:  
esku emanaz agurtutzeko  
alboan dagon laguna.  
Gauz ori balitz biotz-biotzez  
asmoz leiäl da kutuna,  
zuk badakizu ederki asko,  
Mesias alguztiduna,  
latiña zukan bukatu zan da  
larri dabil euskalduna.

14 Negar da marru jaio giñan da  
begira nola gabiltzan,  
bekaizkeria lagun artuta  
deabruaren langintzan.  
Kristo apala gaitz orrengatik  
gurutzeturik jarri zan,  
berarengana makur gaitezen  
lapur eskubian gisan,  
gizon iltzaille zenbait bezela  
ez biotz-gogorrak izan.

*La Voz de España, 1974-X-11*

# Mendaro Txirrixtakari

---

Jaungoikoari eskeintzen dizkat  
mundu ontako pausoak,  
ildakoentzat izan gaitzen  
al dana biotz jasoak.  
Txirrixtakaren oroimengarri  
jarri ditzagun bertsoak,  
ari begira egiña naiz ni  
iñoiz algara gozoak.

2 Bertso politak argitaratzen,  
artarakoa zan berez,  
ura zan baiño obeagorik  
izaten ezpaita errez.  
Urte askoan munduan bizi,  
azkenean illa zarrez,  
amaika gazte jarri-azia  
aozabalka ta parrez.


3 Bizi bearra berekin ditu  
guretzat ainbat istillu,  
umore ona bear danean  
bat nola jarri kaskaillu?  
Txirrixtakaren kondaira ori  
orra non dagon ispillu,  
Euskalerrian bearrezko zan  
gaztediaren jostaillu.

- 4 Txirrixtaka zer gizon-modu zan  
oraindik etzaigu azten,  
ura etzegon arrapatzerik,  
nolanai ezpaizan asten.  
Berekin zuen doai-mota bat  
bertsoak xeblebre jazten,  
ark bazekian neskatx gazteai  
irrintzi egiñerazten.
- 5 Jakin naiean iñor balego  
nik esango det zergatik,  
kaballero bat bazirudian  
jazten bazuan gorbatic.  
Iñori parra egiñarazten  
etzan ariko gordetik,  
itxura txarrik batere gabe  
nabarmentzen zan berdetik.
- 6 Bertso-jartzaille artista oso  
ta ez izlari motela,  
zar askok beintzat pentsatutzen det  
ori jakingo dutela.  
Parregarrizko itz-neurtuz arek  
betetzen zuan papela,  
nai zuanari gero salduta  
diruz gizendu sakela.
- 7 Gazte denboran egoten nintzan  
ni iñoiz ari begira,  
kargu artzea merezi nuke  
gezurrezkoak badira,  
Alakoxe bat, ai!, baletorke  
berriro Euskalerrira,  
karta bat egin bearko zaio  
lenbailen dagon tokira.



8 Azkenerako joan bear degu  
guztiok tropa zarrera,  
aldez aurretik artzea obe  
an bear degun sarrera.  
Atezaiari enaiz asiko  
ezer galdezka txarrera,  
esango diot joan nai nukela  
Txirrixtakaren aurrera.

9 Nere esanik eztedilla joan  
ildakoaren kaltean,  
lendik sartuta izango al du  
aita San Pedrok atean.  
Nik Txirrixtaka ikusten badet  
mundu ontatik joatean,  
broma txiki bat jarri beagu  
ango elizen batean.

 Ontaz aurrera ez tet ikusten  
iñora bide zuzenik,  
txorakeriak ez tu ekartzen  
azkenerako gauz onik.  
Ta ixiltzera noa zearo  
ezaguera au izanik,  
endreatzea ezpaita ona  
zeruan dagon gizonik.

*La Voz de España, 1974-X-17*

# Pedro Mariren omenez

---

1 Len Pedro Mari Otañotarra  
bertsolaria izana,  
arrasto nastuz sortu giñanok  
zorra badegu zugana.  
Iruditzen zait deia dedala  
nunbaitetikan nigana,  
alperkeriak bentzutu gabe  
egin bearko det lana,  
zu bezelako gizon-talde bat  
ai baletorke gugana!

2 Bost aldiz noski igaro ziñan  
itxasoz putzu senduan,  
ni gutxiago ibilia naiz  
makiña baten moduan.  
Zuk azi ziñan seaskatxoa  
biotzez maite zenduan,  
zedorrek ala idatzi eta  
guk irakurri genduan,  
pentsatzen det nik gaur ote zauden  
santu aundien onduan.

3 Zuk bazenduan euskeragana  
maitasun beroko griña,  
nai egon arren jaiotetxetik  
urrutira alegiña.  
Atzerritarrak nagusitzeak  
ark ematen zizun miña,  
zure bertsoak emen dauzkagu  
zerbait ulertzeko diña,  
ain maite zendun lur apur ontan  
dago alkartu eziña.

4 Gauza guziak ezin litezke  
buruz ibili batean,  
Pedro Mariren izateatzaz  
iñoiz oroitu gaitean.  
Esaten dute gelditu zala  
Arjentinako partean,  
berriz onuntza itzuli gabe  
an egongo da lurpean,  
aren azkena izan omen zan  
ni jaio nintzan urtean.

5 Irurogei ta lau urte aurten  
izango ditugu noski,  
nere iritzi laiñopekoa  
ez baldin badago gaizki.  
Goibeltasunak uxatu eta  
jarri dedilla eguzki,  
Pedro Mariren gorantzan orain  
ipiñi nai ditut itz bi,  
ikusi gabe maitatuzten det,  
ezta aipatzea aski.

6 Eztakienak ezin lezake  
gaur aundi-aundirik neurri,  
ala ta guztiz bertso onetan  
nai nizuteke ezarri.  
Barruan arra nabaitutzen det  
xirriki-xarraka sarri,  
Pedro Mariren edertasuna  
datorkit oroimengarri,  
bere maillako bat ikusten det  
gaur Eizmenditar Basarri.

*La Voz de España*, 1974-III-31  
(*Goiz-Argi*, 1974)

# Neguan uda

---

1 Otsaillaren bederatzian  
goizean seitako mezan  
izandu nintzan. Ura giroa!  
Preskura aundirik etzan.  
Geiegizkoa zala zioten;  
guk al dakigu zer esan?  
Ixil-ixilik egonda obe  
bere naia egin dezan.

2 Negu gorria izanagatik  
ai, ura giro aparta!  
Batek ziona: "Onek badakar  
legorte edo ur-palta".  
Asko jakiñak erakusteko  
egin dezatela karta,  
noski ez dira ortan asiko  
alperrikakoa da ta.

3 Gizon zar batek esan zidana  
perira joanda lengoan:  
sasoi onetan aritza berde  
ark ez duala gogoan,  
Ama Birjiña Martxokoetan  
len izaten dan moduan;  
ontatik pentsa Egille orrek  
zer eskubidea duan.

- 4 Diran egunik laburrenetan  
oinbeste eguzki eder,  
beti lanean gelditu gabe  
batek egin lezake ler.  
Gu lendik gaude txit nekatuta  
egal, eskubi ta ezker,  
alaxen ere Egilleari  
eskeiñi nai diot esker.
- 5 Belarra zorrotz gora naiean  
maiatzean bezin trebe,  
geroko dauden ekaitz petralak  
askorik izutu gabe.  
Iruditurik bai ote diran  
beuren buruaren jabe,  
nola zurituta jarri diran  
japondar aranak ere!
- 6 Baldin gogoak eman ezker  
erreza dauka oztutzen,  
eskubidea berekin du ta  
ori etzaio aztutzen.  
Ale geiegi itsatsi gabe  
ezpazaizkigu beztutzen,  
goizeko lore polit oiekin  
ni ez naiz asko poztutzen.
- 7 Ipar aldera gogor dijoaz  
antzarrak eta usuak,  
zenbateraiño alaitzen nauten  
oien egada goxuak!  
Kantari berriz entzuten ditut  
birigarro ta zozuak,  
udaberria badatorrela  
esaten dute gaixuak.

*La Voz de España, 1975-II-19*

# Manuel Olaizolari

---

(Uztapideren *Lengo egunak gogoan*  
liburua irakurri ondoren)

Gure Manuel Olaizolari  
jartzera nua bertsuak,  
berak tajurik ez du izan da  
komeni zaizka batzuak.  
Oraindik ere gogoan dauzka  
gazte zaneko pausuak,  
eldu ta gero egindakoak  
buruan ondo jasua,  
aitormen danak merezi ditu  
orren gizon doatsuak.

Atze-atzetik ni ere zerbait  
azaldu naiean nabil,  
Uztapideren putzu ortara  
ezin egin degu murgil.  
Bere denboran botea badu  
millaka bertso biribil,  
gure Jainkoak nai duan arte  
bat ezin baliteke il,  
gaitzak gorputza jipoitu baiña  
animaz indartsu dabil.

3 Uztapideren idazte onek  
jarri dit eginkizuna,  
berarengana amarratu naiz,  
ez izan balitz lizuna.  
Liburu onak maite nai ditut  
nola baitan garizuma,  
zu, irakurle, esan nai dizut  
txit on egingo dizuna,  
zeruak ere zuzenarentzat  
geiago du maitasuna.

4 Bekaizkeriz ta inkurriuan  
ez genduke bear mintza,  
baiña askotan lagun urkoa  
mendratu nairik gabiltza.  
Tankera ortan ez det ikusten  
Uztapideren eskeintza;  
iruditzen zait gau eder batek  
prestu egindako intza,  
mundu guztiak jakin dezala  
eraman duan bizitza.

5 Morrontzan eta artzantzan, biak,  
latzago berriz basuan,  
nekea zer zan gaztea zala  
noski ikasiko zuan.  
Goizean egunsentian asi,  
jo ta ke egun osuan,  
ikazkin batek egur galantak  
ibili bear besuan,  
txanpon batzuen antsiarekin  
ez oso lan erosuan.



6 Esaten digu gaiñera berriz  
itaiarekin garitan,  
bizkar gaiñeko otz aundi gabe  
eguzkiaren argitan;  
beti makurka jardun bearra  
atseden gabe gerritan,  
goizean begiz jotako lanak  
ezin txauturik sarritan,  
oitura aiek bukatu ziran  
ta... gaur zer Euskalerritan?

7 Etxe aldetik omen zebillen  
gerra zabaldu zanean,  
geroxeago Antiguako  
zerbezerian lanean;  
lendik lagunak zirala eta  
Zepairen aldamenean,  
bertso-saioak lasai egiñaz  
gogo zegoanean.  
militar jantzi bearrarekin  
komeriak azkenean.

8 Une batean aipatzen ditu  
gure kastaren berriak,  
garrantzi asko ez dute baiña  
jakin ditzala erriak;  
liburu eder bikain orretan  
nik dauzkat irakurriak,  
olako gauzak izaten dira  
iñoiz atsegingarriak,  
malkoz bustita gelditu nintzan  
len legor neuzkan begiak.

9 Uztapideren gizatasuna  
iruditzen zait bapua,  
ta bestek ere txartzat nola jo  
ori dan bezelakua?  
Gerra ondoren urte batzuek  
prestu igarotakua;  
orrek ezpaitu beera jatziko  
beñere lagun urkua,  
San Josek ere maite duala  
jarriko nuke lepua.

10 Pentsatu orren ona ez dala  
besteren gauzak nastia,  
gure Jainkoak nai ote zuan  
ni lan onekin astia?  
Betiko penik izan etzezan  
artu zuan emaztia,  
bera edadez aurreratua,  
andria gazte-gaztia;  
ori egiten duten gizonak  
asko izaten eztia.

11 Nere barrengo berotasuna  
ia biurturikan su,  
ipiñi dezun liburu ortaz  
zerbait mintzatu natzaizu.  
Sortu giñan da Euskalerriko  
semeak gera ni ta zu,  
orain oitura dagon bezela  
emango nizuke musu,  
lotsa gabeko ausarta banaiz  
barkatu bear didazu.

*La Voz de España, 1975-III-16 eta 19*

# Goierriarrak txalotuz

---

Bertso-jartzaille asko dauzkagu  
Goierri alde orretan,  
gauza orrekin ez naiz jarriko  
batere kezka txarretan.  
Emen bekoak egongo gera  
zabarkerizko zorretan;  
zaletasuna sendotu dedin  
Euskalerriko lurretan,  
nik alegiñak egingo ditut  
lengo oitura zarretan.

2 Bertso-muiñaren argitasuna  
nai dezute erakutsi,  
gaur gaur bezela Euskalerrian  
ori ez da ondra gutxi.  
Jakiñagatik ezin gerala  
goi-maillaraiño iritxi,  
gaur eta biar ezpada ere  
gerta litekena etzi,  
anai maiteok, jarri lanean,  
ez ikaratuta utzi.

3 Bertso-jartzaillez ta irakurlez  
ez gera gutxi ugaldtu,  
zugaitz gazteok atozte gogoz  
naiz gu laister samar galdu;  
biotz-biotzez maitetasuna  
sorterriari zabaldu,  
mutur batetik edo bestetik  
esku banarekin eldu,  
Jainkoak ere, komeni bada,  
zerbait lagunduko al du.

4 Beste gauzarik ez det esango,  
datorkidana burura;  
gogoratzen zait garai bateko  
oitura eder zar ura.  
Azken arnasa ez det eman nai  
Jesusen etsai-modura;  
adierazi nai nizuteke:  
izan zazute ardura,  
iltzean ere joan bear degu  
bertso-jartzaille zerura.

5 Oso esan-nai ezberdiñetan  
bertsoaren bost puntuak,  
illera oiek moldatutzeko  
ez du balio tontuak.  
Deusik pentsatzen ez dan tokian  
badaude eskarmentuak;  
nere lanetik atera ditut  
ederki asko kontuak,  
arriturikan ontarazi nau  
ni zuen pulamentuak.

6 Gaia nunaitik inguratzen da  
itz neurtu batzuk jartzeko,  
beldur aundirik apenas dagon  
bertsolaritza galtzeko.  
Aitak beiñere etzidan esan  
lan astunari eltzeko;  
neroni naiz ni olakoxea  
dixparateak sortzeko,  
gogo-paltarik ez det aurkitzen  
eun urte arte zartzeko.

*La Voz de España, 1975-IV-20*

*Goiz-Argi, 1975-V-7*

# Indotxinako gerra

---

- 1 Pentsatu utsarekin lertzen zait biotza,  
zenbat zauritu eta zenbat eriotza!  
Gugana iritxi da amaitu dan otsa,  
Indotxinako gerra ez da izan motza.
  
- 2 Mundu ontako martxa dago ikusia,  
biotz berarentzako gauza itxusia;  
komeni zaielako saldu-erosia,  
iñoxente askori kenduaz bizia.
  
- 3 Indarkeria dago mundu ontan jabe,  
iñoxente gaixoen errukirik gabe.  
Pentsatuko ezpalitz askoz ere obe,  
an gaur gertatzen dana zer kuixidade!
  
- 4 Gauza ori ikusia nazute neroni,  
ta zerbait esatea ez al da komeni?  
Nere antz bera duen iñoxente oni  
arrika bota die ainbat suzko burni.
  
- 5 Bear bezela gauzak zuzen esateko,  
nun det jakinduria kapaz izateko?  
Burnia ona balitz okela jateko,  
goseak dabillenak ez luke kalteko.

- 6 Gerrateak baditu amaika komeri,  
apurtxo bat bederik badakigu ori.  
Ez dakianak nola erakutsi neri,  
naiz irakurri arren kondaira ugari?
- 7 Esango dizkitzutet geienak egiak,  
ezpaizuen betetzen tokirik ogiak;  
borrokan geienezan ijeran zorriak,  
ta kolkokoak berriz amorragarriak.
- 8 Begi gorri-gorriak gerrateak ditu,  
askotan bizkor asi ta nekez gelditu.  
Berrik egin nai ez ta len diranak aitu,  
zigor gogorrarekin bazterrak zatitu.
- 9 Makiñatxo bat seme eta ainbat aita,  
palta dituan asko oroituko baita.  
Orrenbeste urtean gerran ibilita,  
gerorako badute kondaira polita.
- 10 Urte-pilla batean alkar iltzen gudan,  
beste lanikan gabe neguan da udan.  
Ez dakit danak ondo esango ditudan,  
egia danik ere jartzen bainaiz dudan.
- 11 Indotxinako penak ditugu luziak,  
oneraiño ekarri dizkigu aiziak.  
Millaka tiroz illak, ta zenbat gosiak?  
Munduko izaera gorrotoan ziak.
- 12 Gorrotoa sortu zan deabruagandik,  
bera ibiliko da munduan oraindik.  
Aitu dan itxurarik ez dauka inñundik,  
kea azaltzen zaigu nundik edo andik.

13 Lendik dakiguna da zer dan gerratea:  
besteren mende soil-soil makur egotea.  
Zuk ipiñi zenigun munduko nekea,  
danon Errege orrek emazu pakea.

*La Voz de España*, 1975-V-9 eta 10.

*Goiz-Argi*, 1975-VI-4



# Pelotariak

---

*(Pelota-Federazioaren  
berrogei ta amargarren urteburuan.)*

- 1 Al dan lenena bete bear det  
nik egindako promesa,  
edo bestela gaindu liteke  
zabarkerizko laiñeza.  
Pelotariak gaitzat ipiñi,  
ortan dago esamesa,  
garai batean sonatua ta  
ona zan Mondragonesa.
  
- 2 Gorputzez oso lerdena eta  
bi eskuetara trebe,  
ta jokatzaille korajetsua  
batere beldurrik gabe.  
Azkoitiarra irten zitzaion  
bere lantegian jabe,  
ta ondorengo urte askotan  
ori egondu zan abe.
  
- 3 Anka ta besoz etzan izango  
maingua eta errena,  
Mariano da txapeldun izan  
ta bizi zaigun zarrena.  
Ainbeste urte nola igaro  
lezake batek aurrena?  
Makiña batek aipatua da  
Atano irugarrena.

- 4 Noizebait ere eldu zitzaion  
txapela utzi bearra,  
ainbat urtean danen nagusi  
egonda azkoitiarra.  
Aundiak ziran Gallastegiren  
sasoia eta indarra,  
an itzali zan bein sekulako  
len ona zanaren garra.
- 5 Gallastegi au eibartarra da  
ta ez gizona txepela,  
guk ez dakigu zergatik baiña  
sartu zioten epela.  
Tamalgarria iruditzen zait  
bazterreratu zutela,  
Barberitori jokatu gabe  
eman zioten txapela.
- 6 Guk ez dakigu gauza nola zan,  
goibelduta bai laiñua;  
askotan ala entzuten degu:  
badala trumoi-soiñua.  
Aurrera asko luzatu gabe  
ontan bukatzera nua:  
jokatu gabe pozik jarri zan  
txapeldun riojanua.
- 7 Lan egiteko txit onak dira  
sasoia eta gogoa,  
jakinduria lagun dutela  
zer gauza obeagoa?  
Bere denboran ez da izandu  
ergela eta zoroa,  
Barberitori txapela kendu  
ziona degu Soroa.

8 Argitaratzen ez dauzkat emen  
burutazio illunak,  
Arriaran da Garzia Ariño  
izan ziran txapeldunak.  
Amaika aldiz alkarren aurka  
jokatutako lagunak,  
pelota baitu bere maitea  
aspalditik euskaldunak.

9 Oien urrena txapeldun zana  
badakizute: Ogeta;  
gezur kontari ez naiz ariko  
danontzako da obe ta.  
Nere izkuntza gixarajoan  
jarri nai ditut lau letra,  
jakinduria azaldutzera  
txit beartuak gaude ta.

0 Deus ezertxo're ez nekian da  
lengoan esan didate  
Elorrioko semea dala  
Ilario Azkarate.  
Bat aruntza ta bestea onuntz  
zabalik dauzka bi ate,  
"Pelotaria izan da ori"  
benetan askok diote.

1 Atano amargarrenarentzat  
orain zer esango det nik?  
Onentzat ez da iñor iritxi  
pixuz geiago ez danik.  
Aundiagoa etzala ori  
etzaio paltako penik,  
urte batean txapeldun bazan  
orren txikia izanik.

- 12 Juan Inazio menderatuta  
txapeldun izan zan Lajos;  
irabaztea gauza ona da  
noski izango zuan poz.  
Retegik berriz aurea artu  
sasi tartetik atajoz,  
ta aurten ere txautu zuala  
esanaz ementxe gatoz.
- 13 Erasundikan irten zaizkigu  
txit pelotari azkarrak,  
beuren sailletan dotore asko  
bai neurtu ere baztarrak.  
Kentzen dituzte aurrekaldean  
ipiñitako zakarrak,  
gaur gaur bezela txapeldun daude  
osaba-illoba naparrak.
- 14 Oker aundia egon liteke  
uste gabeko balantzan,  
ordu askotan ni gertatu naiz  
ikaraz edo zalantzan.  
Itz neurtu batzuk ipintzen ditut  
txapeldun oien gorantzan,  
ez dakit zer lan egingo nuan  
pelotarien baratzan.
- 15 Oroitzen zaizkit gazte nintzala  
nere aitonak esanak:  
lenago ere ba omen ziran  
pelotariak izanak.  
Berrogeitamar urte oietan  
egin dituzuten lanak,  
jendeak asko maite zaituzte,  
agur, agintari jaunak!

*La Voz de España*, 1975-VII-10 eta 11

\* \* \*

Sail au ere arkitu degu S. Kalonjeren esku-idazkietan, baiña ondoren beste bertso au duala:

16 Pelota degu gauza polita  
ta entzuleok aditu,  
gezurrarekin txikia dana  
nik ez baitet nai aunditu;  
zenbait senditan negar galantak  
iñoiz jarri izan ditu  
jokalariak galtzearekin,  
ezin gindezke arritu.

# Pelotaren izaera

---

- 1 Laguntzen badit Jainkoak edo  
ark emandako zentzuak,  
bururatutzen asiak ditut  
alako ipui batzuak.  
Danak desegin baiño lenago  
nere aragi trontzuak,  
pelota artu eskuan eta  
jartzera nua bertsuak.
  
- 2 Geure gustoak ondo betetzen  
daukagu lanik zailena,  
askotan oker gerta liteke  
asmo ortan dabillena.  
Euskalerrriak berekin duan  
jolaskerik apaiñena,  
nik ere laister pelotan asi  
bear det alajaiñena!
  
- 3 Esan didate ona nukela  
lantegi ortan astia,  
erakusteko prest jarri zaizkit,  
txit ez-leialak eztia.  
Jainkuak ere igual naiko du  
nik pelotan ikastia,  
neronek nuke kalte galanta  
egokiera uztia.

4 Tontoak gutxi jaioko dira  
gaurko mundu azkar ontan,  
nik nere baitan pentsatuzen det,  
ez bein bakarrik, askotan.  
Esan didate irabazia  
badagoala pelotan,  
sasoia arrunt joan bitartean  
ezin egongo naiz lotan.

5 Pelotarekin izango dira  
makiña bat joko-mota,  
jokalariak modu askotan  
dantzatzen dute pelota.  
Ni arritzen naiz ez etsitzea  
oinbeste gizonek jota,  
zimeltasuna aparta du ta  
loriak nai dizkat bota.

6 Ume txikiak pelotarekin  
txit pozik ibiltzen dira,  
ta sasoikoak pelota joaz  
nekatzeko ez kupira.  
Aldamenetik zar eta gazte  
pelota orri begira,  
mundu guztitik pelota billa  
badatoz Euskalerrira.

7 Ezjakiñari jartzen dizkate  
buruaustea ta lana,  
nai dan bezela ez dago errez,  
egingo degu al dana.  
Epailariak ikus dezaten  
bakoitzak iritzi bana,  
naiago nuke gaur bizi balitz  
pelota sortu zuana.

- 8 Asko jakiña ez izan arren  
itzegingo det benetan,  
asmo orixe nik ibiltzen det  
beti ez, bai geienetan.  
Pelota degu kirol polita  
lur zoragarri onetan,  
umezurtz baten antzera dabil  
baratzik ederrenetan.
- 9 Pelota degu arpegitsua  
jira guztin maratilla,  
indar aundian dijoanean  
ondo arrapatzen zailla.  
Norbaitek oker jipoitzen badu  
arrastaka bide-sailla,  
eta urrena berriz joko du  
goien-goieneko mailla.
- 10 Euskalerrian sortu ziñan da  
noranai zaude irtena,  
ondo dakigu zu etzerala  
maltzurra eta kirtena.  
Oinbesteraíño jipoitutzeak  
neri ematen dit pena,  
pelotariok jotzen zaituzte  
merezi etzendukena.
- 11 Leku askotan ibiliarren  
etzaio azaltzen ama,  
ta aitak berriz kontzientzia  
aspaldi astoak jana.  
Mundu onetan umezurtz onek  
zer bizimodu darama?  
Pelotaria, erruki zaitetz  
pelota gaixuangana.



- 12 Euskalerrriak eman dizkigu  
makiña bat pelotari,  
begien bixtan ikusten dana,  
ez det ukatuko ori.  
Esaten dute maite dutela,  
baiña ezin sartu neri,  
oinbeste jipoi ola ematen  
merezi ez duanari.
- 13 Entzun, pelota: nere bertsoak  
artu itzazu loretzat,  
Euskalerrriak ez du izandu  
joko oberik beretzat.  
Noizebait ere jarri zizuten  
zigor gogorra legetzat,  
etsaiak plazan erasotzean  
emandakoak zuretzat.
- 14 Nork daki ondo noiz izandu zan  
pelotaren asiera?  
Bakoitza bere iritziz emen  
izketan ariko gera.  
Negarti dagon umezurtz gaixo  
beartsu baten antzera,  
besteren mende erabiltzeko  
norbaitek egiña zera.
- 15 Pelota baita, batek jo eta  
besteak jo, errukitsu,  
ormarik ere ez du ikusten,  
berez jaioa da itxu.  
Dudan bazaude, zu, irakurle,  
nik agindua egizu:  
galdegiozu gaur edo biar,  
berak esango dizkizu.

*La Voz de España*, 1975-VIII-31 eta IX-2

*Goiz-Argi*, 1975-IX-17

# Luziano Ormaetxeari

---

Zoriontsua mundu onetan  
daukana langille-fama,  
izan diteken kargik onena  
bere gainean darama.  
Geronen onez ipiñi zuan  
gure Jaungoikoak lana,  
alperkeria dalako beti  
bizio guzien ama.

2 Bertsorik nola eztedan jarri  
nik sei illabete ontan,  
esaten dute bertsolariak  
danok ote gauden lotan.  
Beste gauzetan gertatzen dana  
gertatu oi da bertsotan:  
irabazirik eztan tokian  
galera dago askotan.

3 Denbora eta askatasunez  
gu ibiltzen gera urri,  
irakurleai adierazteko  
nai gendukenaren berri.  
Geronen itzak zeinek neurtua  
nola izaten dan sarri,  
pentsatu bear ondo bertsoak  
zeiñi eta nola jarri.

4 Gaurko aleak zuretzat dira,  
Luziano Ormaetxea,  
barka zaidazu baimenik gabe  
*Zeruko Argia*-n jartzea.  
Bolara ontan ikasi dezu  
ondo zer dan supritzea,  
baiña pazientziz eraman dezu  
bizkarrean gurutzea.

5 Urte osoa igaroa da  
irten ziñala etxetik  
Basurton dagon sendaetxera,  
zerbait osatzeagatik.  
Otoitza pranko egiñik gera  
egun ura ezkeroztik,  
gaitza lagata ea lenbailen  
altxatzen zeran oetik.

6 Urtebetea pasa dituzu,  
Luziano, oiñaze latzak,  
baiña jakin det eztituzula  
iñoiz galdu esperantzak.  
Emen guziok supritu bear  
pobre eta aberatsak,  
arrosak baiño askoz geiago  
sortzen baitira arantzak.

7 Bi makuluak bota arrika  
ta ikusiko zaitut aurki,  
kolpean ezta iñor sendatzen,  
baizik poliki-poliki.  
Sanoaldi ta okerraldiak  
pasa dituzu gizonki,  
orrelakoak bere garaian  
Jaunak ordaintzen badaki.

8 Esan didate laixter zerala  
zerbait ibiltzeko eran,  
zuk ez dakizu berri orrekin  
nik zer poza artzen dedan.  
Zu bertsozale purrukatua  
beti nola izan zeran,  
bakar batzuek kantatuz ia  
gu laixter juntatzen geran.

(Makinaz idatzitako orri batetik artutako bertsoak. Goiko aldean, "La Voz de España-n argitaratuak" idatzita dago. Laugarren bertsoak, berriz, *Zeruko Argia* astekaria aitatzten du. Ez dakigu zer izango dan. A. Z.)

# Nere lagun bati aipamenak

---

- 1 Bertsoak ipintzea pentsatu det aurten,  
urte au joan baiño len autsi edo eten,  
Bergarako Iza-ri zaizkanak esaten,  
lendik ez dakitenak ikasi dezaten.
- 2 Bergaratar bat badet lagun Donostian,  
txintxoa izan dana bizitza guztian.  
Gudari ibilia itxaso bustian,  
bera ontzian eta putzua azpian.
- 3 Bere izen-deiturak Tiburtzio Iza,  
askok ezagutzen du Donostian aixa.  
Ibiltzen da gizon on prestu baten gisa,  
aspalditxo onetan txit lagun gabiltza.
- 4 Baditu irurogei eta zazpi urte,  
ez dauka kupirarik beste ogei arte.  
Bakarren baten paltik izaten badute,  
ni noski lenagotik eramango naute.
- 5 Aundia ez da baiña beti gizon-puska,  
maitatuz egin nai det marruska-marruska.  
Urean igaroa bere soldaduzka,  
ondra ta osasuna goiko maillan dauzka.

6 Argitaratu nai det nik gogoratua,  
al dedan txukunena bertsoz moldatua.  
Gazte-gaztea zala itxasoratua,  
ontzian ibiltzeko zegon zoratua.

7 Emeretzi urtetan ziñan mutikua,  
baiña gaztetasuna ez da betikua.  
Habanako neskekin itzegindakua,  
orain aiton polita, orduan *guapua*.

Ni ez naiz Amerikan izan egundaiño,  
beste paraje asko ere dauzkat laiño.  
Zu pozik joango ziñan noski Kuba-raiño,  
onuntzean zarrago aruntzean baiño.

9 Milla bederatzireun ta ogeitazortzi,  
itxasoko gudari orduantxe jantzi.  
Ia iru urtean etziñan erantzi,  
ogeitamarrean zuk amaituta utzi.

10 Gaztea geienezan odoletan bero,  
zoro baten modura jarraituaz ero.  
Bizi bearko dala oroitzen da gero  
lurrarekin borrokan edo pelukero.

11 Neretzat ez da lanik beñere errezten,  
onenak asiko naiz ni adierazten.  
Neskatx politenari noiznai ille mozten,  
edo bestela andre ederrak orrazten.

12 Au esan dedala ta ez iñor txunditu,  
len daukan izen ona nai diot aunditu.  
Gajuak ere iñoiz apaindutzen ditu,  
al badet ez det ori nai nik ofenditu.

13 Ugarte txikitxo bat Donostian bada,  
oso izen polita dauka Santa Klara.  
Udako egunetan joera du ara,  
une bat igaroaz lagun zarretara.

*La Voz de España*, 1975-XII-6 eta 7

# Mundutarrok biurri

---

Urte Berrian sartu gera ta  
ill ez geranok bizirik,  
gizon azkarren aurrerapenak  
entzunez ta ikusirik.  
Ez det berezten Amerikarik  
ta ain gutxi Errusirik,  
antz berdiñean Txinako murail  
edo ormazko esirik;  
indartsu oiek bai al daukate  
guretzat irabazirik?

2 Zugaitz aundiak txikiarentzat  
askotan beintzat kaltean,  
iñola ezin indarrrik artu  
estalirik ostopean;  
beste batzuek amarratuta  
deabruaren katean;  
utsa litzake libre bagiña  
mundu ontatik joatean,  
Urte Berria, lagun zaiguzu  
Jainkoarekin pakean!



3 Biurrikeri-paltik ez dala  
gizona sortu zanetik,  
nik dakidana au da bat beintzat  
igarleen esanetik:  
alde ederra badagoala  
gizonera gizonetik,  
zerua lortzen errez ote da  
dabilkigun utsunetik?  
Jainkoangana gutxi joango da  
oso bide zuzenetik.

4 Praille zar batek esan zidana  
oraindik daukat goguan:  
"Lengo maitasun-kutsu geienak  
aldegin dute eguan.  
Deabru zarrak berriz irentsi  
gizatasuna traguan,  
ez ote gera berriz jarriko  
barrunbe obeaguan?  
Ni sinimentsu ilko naiz baiña  
ai zeñen triste naguan!"

5 Noski ulertzen ez dago zailla  
nundik datorren okerra,  
lanik egin nai ez duan ori  
mundu guztian alperra.  
Besteren bizkar jan nai askotan,  
au ez da asmo ederra,  
bere adarrak biurriturik  
maltzur dabillen akerra,  
pakea baiño askoz geiago  
onek maitatzen du gerra.

6 Ezjakiñean balego iñor,  
ni zerbait erakutsita:  
gaur edo biar geldituko naiz  
nere begiak itxita.  
Danok daukagu egin bearra  
Jaungoikoari bixita;  
besterik ezin degun garaian  
derrigorrean etsita,  
munduan maite ditugun gauzak  
bein betirako utzita.

*La Voz de España, 1976-I-7*

# Baseria ta baserritar zarrak

---

- 1 Baseri gaixo, errukarria,  
mintzatuko naiz zugatik,  
amaika kolpe eginda gaude  
Jaunari esker gogotik.  
Bizkarra beti lanez betea  
eta arin patrikadatik,  
aurrera ere ez du izango  
nork igurtziaren paltik.
- 2 Geure denboran izandu degu  
sosegu ainbeste neke,  
beste apur bat jaulki ta ere  
gutxitxo esango nuke.  
Baserritarrak zerbait anparo  
ondo merezia luke,  
ainbat izerdi boteaz dago  
diru gutxigatik merke.
- 3 Lanean merke ari ezkeru  
ain ziur dago galera,  
orretxengatik gaur sendi asko  
inguratzen da kalera.  
Gaztea berriz zazpitatik sei  
erreztasunan zale da,  
baserriak len zuen izenak  
burua jetxi du beera.

- 4 Gaur askok parre egiten dio  
baserriari aurrean,  
nundik jaten dan oroitu gabe,  
lasaitasun ederrean.  
Bestela ondo biziko eta  
gu zertan jardun lurean?  
Merezi luken esker on ori  
ez dauka oso urrean.
- 5 Gezurra dabil aruntz-onuntza,  
gordean dago egia,  
ni jakintsua ez izan arren  
botatzen diot begia.  
Zuzentasunik ez dan tokian  
maitasunaren premia,  
bestek egiña jan nai dutenak  
kentzen digute erdia.
- 6 Baserritarrak ez du ikusten  
iñundik ere laguntzik,  
agintariak, ez al zaizute  
biguntzen zuen biotzik?  
Erregu-bidez itzegiteko  
nik ez det izango lotsik,  
azken egunak igarotzeko  
artuko genduke pozik.

*La Voz de España*, 1976-III-28

# Gazte baten aginduz

---

- 1 Neskatxa batengana nago txoraturik,  
pausorik geienetan artaz oroiturik.  
Nik ezin det gabean berriz egin lorik,  
neretzat ez da gauza mingarriagorik.
  
- 2 Nere biotz gaixoa or ari da urtzen,  
tanto txiki-txikiak etzaizka ixurtzen;  
ta laister asiko zait mundua agurtzen,  
maite duan kuttuna ez bada limurtzen.
  
- 3 Garbi azaltzen ditut nere maitemiñak,  
danok ez dabilzkigu iritzi berdiñak.  
Burutazio asko dauzkat utsegiñak,  
ontzat ez dizkit artzen maite atsegiñak.
  
- 4 Pekatu dan gauzik nik ez diot eskatzen,  
nere asmoetara ez balitz prestatzen.  
Alper-alperrik nabil burua puskatzen,  
korapillo gogorra zaila da askatzen.
  
- 5 Bazenekizu zer dan ziñez maitasuna,  
asko nai dizun onek esaten dizuna.  
Neretzat errukirik iñoiz ez dezuna,  
lurpera badijoa nere osasuna.

6 Maiatzeko loreak eskeintzen dizkitzut,  
gauzak izaten dira bat bestearen truk.  
Ta ori bera egin bear genduke guk,  
nik zu bezela maite baninduzu ni zuk.

*La Voz de España, 1976-V-15*

# Aingeru eder bat

---

1 Nere begiak ikusten duten  
aingeru eder, laztana,  
beste guztiak bat eginda ere  
gutxiagoa ez dana;  
txikia zala ainbat guraso  
arriturikan zeuzkana,  
ta orain berriz ni bezelaxe  
asko txoratzen dauzkana.

2 Ni ariko naiz nere aldetik  
orri loreak tiraka,  
zatarragoak mundu onetan  
milloiak daude millaka.  
Alper-alperrik ibiltzea da  
zulo miatzen miaka,  
danak atzera utziko ditu  
bai errez asko pillaka.

3 Aingerutxoa, zu nola zaitun  
gaur begi askok maitea,  
oputzen dizut jator on batek  
beretzat eramatea.  
Gure Jainkoak emana dezu  
edertasunez dotea,  
zuretzat ez da paltako inoiz  
eskua zeinnek botea.

4 Begi askoren gustagarria,  
landare bikain, gaztia,  
gertatzen zaizun edertasuna  
zeiñi ote da kostia?  
Zure esanak gogoan artzen  
nik igaro det astia,  
ta pentsatu det obe dedala  
berri-emale astia.

5 Berri-emale batek zedozer  
jarri bear egunkariz,  
gezur txikiak tarteka iñoiz  
irixten ezpada egiz.  
Bide berriak danak utzita  
lengora joango naiz berriz,  
aingeru bati abestutzera  
ál dedana edergarriz.

6 Aberastasun arrigarria  
berdingabea ederrez,  
zure doaiak ondo esaten  
nik ez det izango errez.  
Ezin liteken gauzik ezpaita  
Jaungoikoaren indarrez,  
diamantezko gorputza dezu  
jantziz estalia urrez.

*La Voz de España, 1976-VII-11*



# Nik bai nai

---

1 Nai nukelarik astera noa  
maitasunezko kantetan,  
nere biotzak agindutzen dit  
ez ibiltzeko txantxetan.  
Kontzientzirik ez det jarriko  
loiez beteta anketan,  
ezaugarritzat au ipintzen det:  
ez nabillela tranpetan.

2 Albiste eder zoragarri bat  
eldu da Euskalerrira:  
maitasunezko ainbat itz goxo  
askoren autan jarri da;  
nere begiak ere dabilta  
neskatxa bati begira,  
ta ezpadute berenganatzen  
laister itxutuko dira.

3 Nere begiak esaten dute,  
ta berdin biotz gaixuak:  
“Ez ote digu onuntz egingo  
guk maite degun uxuak?”  
Egun garratzak daramazkigu,  
nun dira une goxuak?  
Iñoiz ez dira aztuko noski  
tamalgarrizko pausuak.

4 Barreneraiño sartu didate  
ta ezin joan zait tristurik,  
esaten duten aiña iñola  
nabil ezin sinisturik;  
maitagarriak ez ote didan  
iñoiz emango eskurik,  
kontrabanduak nabarmentzeko  
ez dagola arrixkurik.

5 Nik maitasuna eduki arren  
barrendik sutsu ta bero,  
uste ez dala gerta liteke  
nai ez dan aiña endredo.  
Amets guztiak uts biurtuta  
zer atarramentu gero?  
Batek askozaz obeko luke  
lasai bizitzea ero.

6 Nere barrengo sentimentuak  
bota nai ditut kanpora,  
dijoazela zero aldera  
laisterka gora ta gora.  
Esaten dute alperrik galtzen  
ote nabillen denbora,  
au ola balitz banijoake  
isats-makurka txokora.

7 Biotza daukat gaixorik eta  
burua berriz kezcati,  
animak ere ordu danetan  
lasaitasunik ez beti.  
Gabean lorik ezin eginda  
nai nukeana urruti,  
nere biotzak amodioa  
ni maite nai ez naun bati.

8 Gaiztoa dala esaten dute  
barrena sartzen dan arra,  
jatea ere galerazten dit,  
argalduko zait bizkarra.  
Nere sortzetik beartsua naiz,  
aita ere det maiztarra,  
amodioa badaukat baiña  
ixtimazio kaskarra.

9 Ni bezin triste bai ote dago  
basoan zugaitz igerrik?  
Nik nai nukenak badaki baiña  
nere jarduna alperrik;  
munduan ez da naiago nuken  
urrerik eta zillarrik,  
neretzat ez da paltako noski  
zoritzarreko negarrik.

*La Voz de España, 1976-VIII-28*

# Maiteko nukenari

---

- 1 Maitasunaren oroitza onek  
nola jartzen dit biotza?  
Euskalduna dan toki danetan  
zabaldutako nire nuke otsa.  
Zartu baiño len nere bizitza  
mundu ontan ez da motza,  
maite dedanak ni nai banindu  
emango lidaken poza!
  
- 2 Pitxi eder bat nere oroitzean  
aztu eziñik dagona,  
onenbesteko buruaustea  
nik ez det izango ona.  
Ai, ezagutu izan banitu  
orren ama ta amona!  
Ez ote daki ni beregatik  
suprimentuan nagona?
  
- 3 Argi-paltarik ez du beñere  
izarrez eta eguzkiz,  
sendagilletzat bera nai nuke  
maitasunez ta errukiz.  
Beste gauzarik ez da izango  
ederra dalako guztiz,  
aitak eta amak nunbait sortua  
ain gogo aundiko eztiz.

- 4 Pentsamentuan beti dabilkit  
nabillen leku danetan,  
aitortuko det maite dedala  
biotz-biotzez benetan.  
Ori besterik ez nuke nai nik  
kariñoz diran lanetan,  
edo bestela geldituko naiz  
esklabo mundu onetan.
- 5 Zeruan zer dan ez dakit baiña  
ez det ikusten lurrean  
aingeru polit apaiñagorik  
nere begien aurrean.  
Ludian noski ez da izango  
egoan da iparrear,  
baldin ezpada nitaz gustatzen  
ez naiz planta ederrear.
- 6 Nola nabillen jakiten badu  
ez al da errukituko?  
Nik aiña maite duan beste bat  
ez du nunai aurkituko.  
Soro eder bat guk bezin ondo  
iñork ez luke laituko,  
biok ezkontzen ezpagera gu  
besterik ez det zaituko.
- 7 Mundu ontako nere naia da  
orrekin ezkonduzea,  
berak nai balu artuko nuke  
pozik asko gurutzea.  
Jaungoikoari nai dakiola  
bide ortan amiltzea,  
gaiñerakoan nik ziur daukat  
tamalgarri ibiltzea.

- 8 Arantz aundi dun arros ederra,  
zukan badaukat nik traba,  
egun guztia pentsamentuan  
eta amets batean gaba;  
esnaratzean izketan asi  
itxi ta iriki aba,  
dakidalako ain zerala zu  
ama onaren alaba.
- 9 Asmo onekin burruka nabil  
puskatzen kanpo ta barren,  
pentsatu zazu zerbait birtutek  
zugana ote nakarren.  
Zu gabetanik nere bizian  
izango nintzake erren,  
ez nuke naiko ezetzik entzun  
beartzen bazaitut, arren!
- 10 Xakar apur bat inun ez dezun  
ixpillu garbi-garbia,  
iruditzen zait eguzkiaren  
irteerako argia.  
Ezin geiago maite zaituztet  
nik zu ta Euskalerrria,  
testamentu bat balitz bezela  
emen uzten det jarria.

*La Voz de España, 1976-IX-5*

# Bilintxen arrazoiak

---

- 1 Aurten eun urte il zan gizon baten jabe norbaitzuk egin dira; zeñentzat ez obe? Bilintx igaroa zan ainbat atsekabe, ezkondu zan artean emazterik gabe.
- 2 Bilintxen zenbait bertso gazte-gaztetandik, bein buruan sartuta or dauzkat oraindik. Berriak ipintzea gogoak eman dit, laguntzen badit beintzat, nun dabillen, andik.
- 3 Bilintxen irudi bat balego urretan, komeniko litzake donostiarretan. Noski bearko degu geienok zorretan, sartzen geranok aren bidetxigorretan.
- 4 Bilintx gelditu zala Donostian ixill, eun urte bete dira sendo ta biribill. Aren aurka egin baiño naiago nuke ill, praille-morroï bezela jarraitzaille nabill.
- 5 Belauniko jarrita goizean goizena, erregututzen diot al dedan maizena. Segundo Moises daukat nik nere izena, Bilintx maita nai ezik ilko ez naizena.

- 6 Bilintx zan bertsolari buru argikoa,  
biotzaren zain sakon, erdi-erdikoa;  
ta kontzientzi jator, txukun, garbikoa,  
Donosti maite ontan Euskalerrikoa.
- 7 Geienok badaukagu lendik aditzera,  
barrengo maite-miña goaz eskeintzera,  
zor daukagun gai ori zerbait ordaintzera;  
merezia daukazun Bilintx, zu ain zera.
- 8 Nik zuri bakar batzuk ikasi nizkizun,  
ia nereak aintzat artzen dizkidazun.  
Idatzirik daukazu ainbat eginkizun,  
zu etziñan ibiltzen amodioz lizun.
- 9 Bilintx, apaiña zala zure nortasuna,  
sinistu inbidia ematen nazuna.  
Geldi baiño lenago txit soil osasuna,  
ni ere azaltzera nua maitasuna.
- 10 Askok badakizute ez nagola gazte,  
lan danak ondo egin ezin bainezazke.  
Alare ederrenak mintza nai nituzke,  
Bilintxi asiko naiz doai orren eske.
- 11 Batengana ez nago gustatuta gutxi:  
neskatx muxu-gorri bat, izena du Lutxi.  
Asmoa nai nioke bertsoz erakutsi,  
kokotzaren azpian nai nuke igurtzi.
- 12 Ezin aserik nabil barrengo gosia,  
nik nai nuken ori da izenez Luzia.  
Gauza bat badaukat nik buruan pasia:  
erregali egingo diot orrazia.



- 13 Aurrez aurre beñere etzait egokitu,  
begiratzeko ditut milla zirrikitu;  
maitasun-sortzailleak doai asko ditu,  
nere atsegingarri ojala balitu!
- 14 Idatzita zaiñetan ipintzen dedanez,  
errukituko al da nere oroimenez;  
borroka nabillela amodio-lanez,  
gogoa galanta ta iñoiz ausartzen ez.
- 15 Elduko balitzaiket Jaunaren laguntzik,  
salto egingo nuke teillatutik pozik.  
Munduan ez nuke nik obe nuken gauzik,  
zortzi egun baiño len ezkontzea baizik.
- 16 Lutxirekin banego obe ezkontuta,  
barrengo maitasuna ondo apainduta;  
zalantzak eta dudak erabat kenduta,  
neretzako lirake poza ta konduta.

*La Voz de España*, 1976-X-16 eta 17

# Xalbador il zan

---

- 1 Bizia diogu guk Jaungoikoari zor,  
ordaindu gabe ez da geldituko iñor.  
Zu, bai, iritxi ziñan zerura, Xalbador,  
gu ere joan gindezke baldin bagera nor.
- 2 Urepelgo semea, ain biotz biguna,  
Jaungoikoak beretzat eraman ziguna.  
Bolara bat igaro degu txit illuna,  
berriro argitzera dijoa eguna.
- 3 Argitasunak datoz Xalbadorrengandik,  
zeruan dago eta bialtzen du andik.  
Iruditzen zait atzo il zala oraindik  
beragan mintzatzea gogoak eman dit.
- 4 Urepelen jaioa, ume bezela aur,  
gizon giar sakon bat epaitzen dute gaur;  
alakoia izaten ez da oso samur,  
itz batetik bestera ixilduaz labur.
- 5 Berez urepeldarra, poeta apaiña,  
barrendik ausnartua izkuntzaren zaiña.  
Euskera zeïnek maite Xalbadorrek aiña?  
Atsekabe orrekin il zan, alajaiña!

- 6 Xalbador, Donostitik egiten dizut ots,  
zu maite zinduztenak apenas dauden otz;  
noiznai omenaldiak eskeñiaz zorrotz,  
Euskalerrriak ez du gelditu naiko motz.
- 7 Euskal lur maitatzaille txit egitazkoa,  
arrunt egizalea ta arrazoizkoa.  
Bera izanagatik mugaz arunzkoa,  
asko maitatzen zuan gure Gipuzkoa.
- 8 Alkarri josi nairik Euskalerrri dana,  
au zan Xalbadorrek txit maite zuan lana.  
Notak eraman ditu Jaungoikoangana,  
ez dakit lortuko dan ark asmo zuana.
- 9 Ametsak nere baitan egin ditut nik bart,  
Xalbadorren asmoak oroiturik ainbat.  
Zazpi puska alkarri josi ta berri bat,  
au ez ote digute epaituko txartzat.
- 10 Euskalerrriak daukan muga ta ainbat ertz,  
lotu ote leizkean bart egin det amets.  
Askok ipintzen dute kopet-ezurra beltz,  
arrazoi duanari nekez esan baietz.
- 11 Aspaldi asi ziran askatasun billa,  
gauz ori egongo da aspaldian illa.  
Korapilloz lotuta joan dan urte-pilla,  
demokrazirik bada askatu dedilla.
- 12 Euskaldunok maitatu bear degu alkar,  
aurkitzen geralako zazpi anai bakar.  
Bakoitza bere alde ez ibili zakar,  
bestela ondamendi beltza onek dakar.

*La Voz de España, 1977-1-30*

# Udara negu biurtu

---

- 1 Euskalerriko itxas-ertzetan  
au ola komeni al zan?  
Udaberria zan bezelaxe  
udara dijoa martxan.  
Leengo bi urte oietan arro  
ibili ziranak dantzan,  
aurten ez dira asko gozaten  
arkakosoak ondartzan.
  
- 2 Ondartzan ekaitz gogorra eta  
askotxo daude etxean,  
beztu nai eta eguzkirik ez,  
kezka txarra biotzean.  
Aburrimentu tamalgarria  
Kontxatzaz gogoratzean,  
baiña potaje ederragoa  
gizonarentzat eltzean.(1)
  
- 3 Giro kaskarrak egiten ditu  
ondar gaiñera joateko,  
gordean dauden lore onenak  
bixtara eramateko.  
Danontzat gaizki izan ez dedin  
gizonak ez du kalteko,  
eltzean baba bigunagoak  
izango ditu jateko.

4 Broman bezela ari naiz eta  
ez beintzat iñor zapuztu,  
trixte daudenak nai nituzke nik  
al banu pixka bat poztu.  
Eguzki ori gordean dabil,  
ezin du jenderik beztu,  
aurten oraindik berotu baietz  
egingo nuke apustu.

5 Kaltegarritzko moda berriak,  
zenbaitek ez du usteko,  
Abisinian bezela asko  
konporme dira bezteko;  
zakurrak aiña inportantzi ez  
diranak erakusteko,  
baiña alzeak agintzen die  
lotsik badute jazteko.

6 Kezka bizitan aurkitzen da bat  
zerbait pentsatuta ere,  
deabrua ta bere lagunak  
sarri ikusten dirade.  
Mundu onetan nola dabiltzan  
ainbeste milla mirabe,  
zoritxarra ta inperuari  
geroko bildurrik gabe.

7 Nabarmenkeri asko sortu zan  
beste laterri oietan,  
ta orain berriz moda ortatik  
naikoa daukagu bertan.  
Arrai politak ikusten dira  
Donostiako uretan,  
beuren gorputzak erakusteko  
ez dabiltzanak dudetan.

8 Nere iritzi labur axalak  
orra txit leial agertu,  
nik ez det iñor itxusitu ta  
ain gutxi berriz edertu.  
Dударik gabe Jainkoa ere  
bere onetatik lertu:  
neguan uda eman zigun da  
udara negu biurtu.

*La Voz de España*, 1977-VIII-7

(1) *La Voz de España*-n agertu zanez, bi bider *etxean* puntu-rako. Inprentaren-edo uste gabeko oker bat dala derizkiogu. Urrengo bertsoak eltzeko babak aitatzen baititu. Orregatik, bigarrengoan *eltzean* bear dualakoan, orrela idatzi degu.

# Perurenari

---

- 1 Gazte bat aipatzera ni pozak narama,  
gudaritzara berak txapela darama.  
Perurenak baditu aita eta ama,  
erdia oiena da semearen pama.
- 2 Gurasoak lenbizi, semea urrena,  
geienok badakigu zein dan Perurena;  
arri aundiarekin sortu dan onena,  
garbi or gelditzen da egiten duena.
- 3 Ejenplu dotoreak badauzka emanak,  
makiña bat ere bai arritu geranak.  
Soldadutza baiño len menderatu lanak,  
leitzarrak txautu ditu penomeno danak.
- 4 Zenbaitek ezpaizuan orrekin usterik,  
mailla orretaraiño iñoiz irixterik,  
Perurena jarri da txapeldun gazterik,  
orren gorputzak ez du indarra besterik.
- 5 Orain soldadutzara joan bearra zuan,  
Estadua rengana serbitzu osuan.  
An ere artzen badu arririk besuan,  
ez dute ikusiko gora ezin jasuan.

- 6 Soldadutza eginda etortzen danean,  
berriz ekingo dio gogotsu lanean;  
irureun kilo jaso bear ditunean,  
orduan izango da sasoi onenean.
- 7 Orren amona baten anaia lagun det,  
Donostian bizi da ta ezagutzen det.  
Bertsoak ipintzeko esan zidan arek,  
beldurrez egon gabe motibua badet.
- 8 Ez natzaio jardungo ustez kalterako,  
bizia opa diot nik eun urterako.  
Ez da epea motza mundu ontarako,  
ez ote zaio iñor aurka aterako?

*La Voz de España, 1977-X-13*



# Negua oraindik

---

- 1 Entzun nituan gauzak nik bart arratsian,  
gaiñera ez arreta oso narratsian;  
ipiñi nai nituzke zuzen ardatzian,  
ez nuke gelditu nai ixilik etxian.
- 2 Albisteak entzunik Atxukarrobandik,  
argibidea bear nundik edo andik.  
Elurtea degula diote oraindik,  
aurtengo negu onek txarrena eman dik.
- 3 Len ere izan ziran artzaiaren otsak,  
etzuen ikaratzen elurraren otzak.  
Ardiak jokatzeko erren ankamotzak,  
irabazi dizkanak orain dauzkan lotsak.
- 4 Artzaiak arrazoirik iñondik bai al du?  
Elur gaiñetik aize txit epela eldu.  
Mendi geienetatik urtu ta bialdu,  
larogei ardi oiek ez al ditu galdu?
- 5 Artzaia izango da igarle iaioa,  
ardi eta aizeak zaitzeko jaioa.  
Andrerik baldin badu ark errosaioa,  
ardiak ola galdu, kaskar arraioa!

- 6 Emengo mundutarren zenbait pronostiko,  
nik ondo sinisteko ez ditut askiko.  
Elurteak berriro tirata ostiko,  
auntzak zaitzera joanda ni ez nau bustiko.
- 7 Zortzi egun dijoaz deus otzikan gabe,  
otsailla egin da lore batzun jabe.  
Epel jarraitzen badu guretzako obe,  
ezpaldin bada laister zerbait nobedade.
- 8 Ogeitasei otsaillak gaurko egunean,  
gaitzerdi, portatu da epel azkenean.  
Ondoren asiko da martxoa lanean,  
danok jarrai dezagun bere izenean.
- 9 Ez al du ekarriko elurte trasterik,  
jaunak, ez degu bear martxoan besterik.  
Asmatuko baldin balu(1) ortan Berastegik,  
nik ez neukake berriz idazten asterik.
- 10 Artzaia, asiko naiz barkazio eske,  
broman ari naiz eta piatu zindezke;  
tranposua naizenik etzazula uste,  
alkar ezagutzera iritxi gindezke.

*La Voz de España, 1978-III-1*

(1) Silaba bat geiegi lerro ontan. Kalonjek oso nekez deskuidatzen zan ortan. Inprentaren utsegiteren bat izango da

# Zartzaroaren soiñekoa

---

Au atarramentua zartu geranean,  
zaiñak indar-urritu gorputz danean.  
Len iñoiz jartzen giñan umore onean,  
orain burutazio goibel, illunean;  
sasoia joanean,  
gauza ez lanean,  
mirgindu janean,  
doi-doi azkenean;  
urte geiegi ez da ona soiñean.

Lagun egingo balu danon Egilleak,  
burutik joan baiño len arrunt illeak!  
Gu izan gera beti pobre langilleak,  
ala esango dute dakiten prailleak;  
oiek epailleak,  
ez gezur zaleak,  
ogi-emaleak,  
ain zuzen aleak,  
zerurako bidea ipintzailleak.

Inguratu geranok zerbait zartzarora,  
igaro degunean gazte-denbora;  
ia nor mintzatzen dan gai ortaz iñora,  
aginpidean dauden gizonen ondora;  
obe izango da  
begiratu gora,  
datorkit gogora,  
naiz ez jakin nora,  
joango al gera leku pakeagora!

- 4 Gaztea bezin alai zarra nola bizi?  
Zaiñetako odolak joanak igesi.  
Al dala bizitzeko gaia nai erosi,  
asko piatzen danak barrenak egosi;  
odol danak nasi,  
osasuna basi, (*sic*)  
derriorraz ezi,  
noren kontra asi?  
Ikusten ez deguna dago nagusi.
- 5 Zer itxaropen dauka mundu ontan zarrak?  
Ixilik ezpadago arrazoi txarrak.  
“Galdu aiz” esaten du makurtu bearrak,  
ankak errez trabatu aiena ta larrak;  
pausoak baldarrak,  
joan ziran indarrak,  
alperrik marmarrak,  
entzun, zar samarrak:  
“Noizko kimu-berritu gure adarrak?”
- 6 Danak berdin jotzea ez dago egoki,  
batzuek zarrak ere zein en ederki!  
Berdintasunik emen ezin erabaki,  
arrazoiari eman bear zaio toki;  
kontuan eduki  
gerala gizaki,  
al bada apalki,  
ez arrotuz jeiki;  
zein norentzat berezi Jesusek daki.
- 7 Adin orren medioz aulduta gaudenak,  
nora joan ote ziran gure almenak?  
Eraman zizkiguten gozorik onenak,  
itxaropen arrotza daukagu geienak;  
txautzen gaitu penak,  
amets nabarmenak,  
erdoia duenak  
aitortu obenak;  
bestela nola izan Jaungoikoarenak?

8 Guk zer egingo degu? Nolabait al dana,  
eguzkitzan itzala bakoitzak bana.  
Uzten badegu beintzat oiaren imana,  
berriro itzultzeko apal beregana;  
azkeneko lana  
dator guregana,  
lengoentzat zana,  
ori daukat jana;  
askok ez dute artzen zarraren pama.

*La Voz de España, 1978-V-13 eta 14*

# San Antonio egunez

---

- 1 Lan geienetan gauza ona da  
pazientzia artzea,  
edo bestela gerta liteke  
anka zuloan sartzea,  
modu berean an edo emen  
zer esan asko sortzea;  
barkatu, baiña erabaki det  
sei bertso-ale jartzea.
  
- 2 Garagarrillak amairu, beraz  
San Antonio eguna,  
Ereñozuko baillara ortan  
aurten ikusi deguna:  
amona batek kantatu zuan,  
ta... bai eztarri leguna!  
Senarra gertu egonagatik  
eldu zitzaion laguna.
  
- 3 Amona ori urte askoan  
munduan det nik lengusu,  
emakume bat bikaiña eta  
ain gustagarria dezu.  
Gizonezko bat *rau* jeiki zan da  
barrendik zetorkion su,  
apaizak bixtan zeuden lekuan  
antxen eman zion musu.

4 Maitasun gisa biotz ondoan  
alako gauz bat nabaitu,  
mundu ontara sortu giñanok  
iñoiz dominatzen gaitu.  
Zartuta ere irudipenak  
naiz ez gaztetandik oitu,  
gaurko mundua zer dan jakiñik  
ez giñan asko arritu.

5 Gizonezkoak azaldu zuan  
axaleko maitasuna,  
pekaturako asmorik gabe,  
ura zan edertasuna!  
Nere lengusu amona orrek  
eman zion erantzuna,  
lengoagandik luza didazu  
sei urteko osasuna.

6 Danok il bear degun bezela  
gauzak olaxe dirade,  
bazirudian egin ote zan  
andre berri baten jabe;  
joan da lepotik elduta musu,  
bai eman ere dotore,  
senarraren da ango apaizen  
baimenan arrasto gabe.

*La Voz de España, 1978-VI-24*

# Aralar

---

- 1 Donostiatik giñan da irten  
aruntz joanean-joanean,  
bazterretara begiratuaz  
gogotsu bide danean.  
Lendabiziko esan nuana  
an iritxi giñanean:  
“Au izango da txarrean baiño  
obea giro onean”.
  
- 2 Joan-etorri bat egin genduan  
Santa Teresa egunez,  
alaba, suigai eta anaia,  
osatu nintzan lagunez;  
ulertuazten saiatuko naiz  
zerbait idazten jardunez,  
goi-aingeru bat aitatu nai det,  
bera San Migel degunez.
  
- 3 Lekunberritik Baraibar urren,  
gero ez bide zaillean;  
pagadi gazte, lerden, bikaiñak,  
milloika metro saillean.  
Gora igota mendi xanpal bat  
Aralarren egalean,  
San Migel antxe aurkitutzen da  
ipiñirik apalean.





*Segundo eta bere billoba Ander, Aralar mendiko San Migelen.*

- 4 Aralar mendi apal orretan  
San Migel dagon tokia,  
nekez bederik iritxia naiz  
arturik erabakia;  
San Donatora begiratzeko  
bai paraje egokia,  
lengo guraso sinesmentsuak  
aintzakotzat edukia.
- 5 Mendi-gain danak eguzkitan da  
laiñoa zegon beetan,  
nik nai ainbeste ikusi gabe  
jetxia nintzan penetan.  
Komeni bada maite gaitzala  
gu San Migelek benetan,  
Euskalerrriak pitxi politik  
badauzka euskaldunetan.
- 6 Aspaldikoa izan bear du  
ermita sendo uraxe,  
maitasunez ta giartsu dago,  
egin zuten bezelaxe.  
Ez beintzat pentsa gezurra danik,  
egia baita olaxe,  
bestela lendik dakian bati  
galdetu berealaxe.
- 7 Ez nintzan iñoiz iritxi izan,  
ai, ura gauza apaiña!  
Animatikan maitatu nuan  
mendi polit aren gaiña;  
ezin nezake adierazi  
atsegin zitzaidan aiña,  
berriro ere joan nai nuke nik  
bizkorra ez nago baiña.

8 Ni ez ote naiz ara elduko  
San Migel egun batean,  
aingeruari otoitz egiñaz  
biotzez asmo betean?  
Bein edo iñoiz ibili banaiz  
lagun urkoen kaltean,  
zure premian gertatuko naiz  
mundu ontatik joatean.

9 San Donatotik Aralar tarte  
utsune ederra dago,  
guda-garaian bultzian illun  
igaro nintzan lenago;  
ta orain berriz berebilletik  
zerbait ikusita nago,  
erri politak badaude antxe  
bat, bi, iru ta geiago.

*El Diario Vasco, 1978-XII-20*

\* \* \*

Segundo Kalonjeren esku-idazkietan sail au ere azaldu da, baiña amar bertso dituala. Amargarrena auxe:

10 Irurtzundikan Altsasurairño  
deitzen diote Barranka,  
gazte banego orrera joan da  
dantzatuko nuke anka,  
erri guztiak ezagutuaz  
danak banaka-banaka,  
gatzelerarik ez dakit baiña  
ez da ori Salamanka.

# Gizona munduan

---

1 Asieratik erakutsi du  
aurtengo Urte Berriak  
soiñu berdiña joko dutela  
lengo zarrak eta biak.  
Arrunt ukatzen dituzten arte  
arrazoi garbi-garbiak,  
aztu eziñik gogoan dauden  
kondaira tamalgarriak,  
beste laterri askoren gisa  
nola ez Euskalerrriak?

2 Ez al da ala gaiztokerira  
jaio giñala mundura,  
Adanen seme Kain biurria  
nabarmendu zan modura?  
Bere anaia iltzeko asmoz  
ark piztu zuan guda ura;  
bera betiko kondenatuta  
Abel Jainkoak zerura,  
orain guretzat zer ote daukan  
badaukat naiko ardura.

- 3 Lagun urkoa, iritzitxo bat  
labur jarriko dizut nik,  
nere belarriz ez det entzuten  
eunetatik bi gauz onik:  
millaka edo milloika urte  
asieratik izanik,  
gudarik gabe ezin bizi da  
mundu onetan gizonik,  
Kainek anaia il da geroztik  
ez daukagu maitasunik.
- 4 Maitasunaren leku apala  
estaltzen degu gorrotoz,  
Kainen lanaren ondoren txarrak  
oraindik indartzen datoz.  
Onak banaka egongo dira,  
gaiztoa geiago askoz;  
ainbat erritan ez da aurkitzen  
bear litzaken ainbat poz,  
aurrerapena goraka baiña  
laguntzaz beeraka gatoz.
- 5 Animak eta kontzientziak  
zer gogorazten didaten:  
jatorriz degun ezker aiena  
bein ezin degula eten.  
Barruti zital petral ortatik  
ez al degu bear irten?  
“Lagun urkoa maitatzen det nik”  
txit samurra da esaten,  
askoz zaillago iruditzen zait  
ona ta piña izaten.

6 Beti leian nik ikusten ditut  
itxasoa ta arroka,  
piztiak ere alkar mentzutzen  
ozkaka edo mokoka;  
gizona berriz armak egin da  
suzko burni gaiztoz joka,  
kanpantorretik beera bezela  
antziñatik dator soka,  
Luzifer zarrak nunai jartzen du  
gure arteko borroka.

7 Beartsuari ipintzen dizka  
makiña bat lan da neke,  
guda-garaian alkar iltzen da,  
beste egunetan merke.  
Geure begiz guk ikusten degu  
itxutzeko ainbeste ke,  
bekaizkeririk ezpagendu ta  
biziko bagiña pake,  
gutxieneko zazpitatik sei  
santu egingo giñake.

8 Nik aitortzen det geroko orrek  
beldur ematen didala,  
mundu ontara zoritxarrean  
geiegi sortu giñala,  
Jesukristoren pauso tristeak  
errukitsuak zirala.  
Argaltasunak makurtzen gaitu  
errez nola edo ala,  
esan liteke deabruaren  
morroiak asko generala.

*El Diario Vasco, 1979-I-12*  
*Goiz-Argi, 1979-I-20*

# Aur-kontu

---

1 Lenengo lana nik auxe nuan,  
orain berriro aur-kontu,  
irabaztera saiatua naiz  
al dedan ainbeste puntu.  
Loxintxerua ez izan arren  
iñoiz jartzen det kontentu,  
len ikasita dauzkatalako  
dozena bat ume-kantu.

2 Ixil bolara igaro eta  
beste aldi bat negarrez,  
nik au gozatzen ez det izaten  
iñoiz uste bezin errez.  
Umeak asko bear du, baiña  
diran ordu danak lo ez;  
udaberrian, ondo bagera,  
apaindu bear det lorez.

3 Obe bearrez ipiñi naute  
aur zaintzearen langintzan,  
garai bateko sasoiarekin  
naiago nuke argintzan.  
Billoba eta ni biok orra  
munduan nola gabiltzan,  
neroni ere onen moduko  
ume len izango nintzan.

4 Oraindik ere oroitutzen naiz  
ni aitonaren besuan,  
iztargaiñetan astintzen nindun  
pozez maitasun osuan,  
kokotza eta bere bi ezpain  
laztanduz nere musuan;  
aren bizarra etzan leguna,  
zulatu egiten zuan.

5 Ankaz ta besoz egonagatik  
nagia edo baldarra,  
besterik ez dan tokian beti  
bada norbaiten bearra.  
Bart arratsean ez naiz entzuna  
lenengo ume-negarra,  
gazte ergela baiño obea  
ez al da aitona zarra?

6 Umerik iñon daukagun arte  
maitasunez nai lagundu,  
amar urtetik onuntz ez gera  
esnegaiñetan egondu;  
lana eginda ordaiña zuzen  
bederik izan bagendu...  
Gure orde z bai besteren bizkar  
dabiltzanak munduz mundu.

7 Abendua ta ilbeltza beti,  
jakiña, eguna motxian,  
esan zidaten: "Zuretzako lain  
lan izango da etxian".  
Mutikotxoa jartzen didate  
lau kurpillezko kotxian,  
egunez ni naiz onen gidari,  
aita-amak arratsian.



8 Zerutik irten dan albiste bat  
nigana iritxi da-ta,  
billobatxori abestutzeko(1)  
doairik nik ez det palta.  
Ziurtasunik ez daukat baiña  
berak ipintzen du planta,  
osasuna ta jan-gairik badu  
aziko dala galanta.

9 San Juan bezperan jaioa da ta  
adin au ez du besterik,  
ezagutzen det jalea dala,  
nabarmendu da gazterik:  
zuku, potaje, txitxia janda  
ez du utziko postrerik,  
gure Jainkoak naiko ote du  
ni ta au laian asterik?

10 Euskaldun batzuk jakingo dute  
ni berriketan arita,  
billobatxo au nik nere ustez(2)  
ez daukat aspergarri ta.  
Aurpegi mardul sendoarekin  
begiak zabal jarrita,  
begira nagon ainbeste aldiz  
gogoratzen zait Txirrita.

*El Diario Vasco*, 1979-II-21  
*Goiz-Argi*, 1979-III-3

(1) *El Diario Vasco*-n: billobari. Baiña billobatxori idatzi degu,  
neurria osatzearren.

(2) Berdin.

# Manuel Lasarteri

---

- 1 Zutaz mintzatuko naiz, Lasartetar Manu,  
ez gaiztoa zerala entzun izan banu.  
Ez det penik izango, ta ain gutxi damu,  
gaur, biar eta etzi, berdin etzidamu.
- 2 Lasarte, zuk dezuna apaltasun piña,  
asko arrotu gabe, gizon baten diña;  
bertso-saio ederrik badezu egiña,  
ta lautatik irutan danen eragiña.
- 3 Aotikan aora berdiñik gabeak,  
ta ipiñitakoak oraindik obeak;  
zu ontzen ari zera bertsoen legeak,  
mereziak zenitun San Jose loreak.
- 4 Naparroan jaio ta Gipuzkoan bizi,  
ezagun da nolanai etziñala ezi;  
bakardade bizian pamilia azi,  
zeruan goiko mailla zuk dezu merezi.
- 5 Ezbearrak albotik ematen du izu,  
gaitz ori zuri ere peliatu zaizu;  
Jesus ona nola dan gu guztion maisu,  
ark sari berezi bat ordainduko dizu.

- 6 Atsekabe ta penak askotan jaso,  
ederki badakizu zer dan eraso;  
baiña Jaunarengana sinismen osoa,  
ori da izatea ziñez gurasoa.
- 7 Nork artu lezakean zure nortasuna,  
urrezko bertso oien aberastasuna.  
Doi-doi ibili arren iñoiz osasuna,  
Espiritu Santuak dizu maitasuna.
- 8 Gizon apalarentzat Jaunak badu begi,  
ez du nai arrotzerik munduan geiegi;  
al bada zabarkeriz ez biurtu nagi,  
Lasarteren moduan obe degu segi.
- 9 Bertsolari ederra, ain zera bikaiña,  
eskola aundi gabe ikastun apaiña;  
zu goraltzen al dana saiatzen naiz, baiña  
ni ez naiz iritxiko zuk merezi aiña.
- 10 Euskaldunen artean jarri dezun poza,  
zerutarra zerala zabaldu da boza.  
Gaur Euskadik badauka lore aproposa,  
ia danen gaiñera irten dan arrosa.
- 11 Kondaira bat ez al da zure meritua?  
Zuzentasunarekin nago arritua.  
Etzaizu damutuko Jauna serbitua,  
gero izango zera berak saritua.
- 12 Openditu bazaitut edo egin kalte,  
iñola al badezu barkatu, Lasarte.  
Zuk igaro dituzu amaika gizarte,  
Jaunak lagun deizula geiago pasa arte.

*El Diario Vasco, 1979-IV-11 eta 12 / Goiz-Argi, 1979-III-31*

# Donostiko menditxo bati

---

1 Ni Donostian jaio nintzan da  
bai bizi ere oraindik,  
eteten ez dan sentimentu bat  
joka ari zait barrendik;  
ta albiste au zabaldu nai det  
Euskalerrian emendik,  
baiña nai nuke jakin dezala  
lenbizi Oriamendik.

2 Lenengo arnasa artuko nuan  
mendi onen belaunetan,  
babes-itzala egin dit beti  
ta maitatzen det benetan.  
Aiton bezela ezagutua  
ditudan urte danetan,  
irurogei eta bederatzi  
ditut aurtengo onetan.

3 Irurogei ta bederatzi nik  
dauzkat aurtengo urtean,  
azaroaren ogei ta bosta  
ez da oso apartean.  
Ni amak ala egingo nindun  
baserri xar-xar batean,  
berriagoan sartuko al nau  
Jainkoak eramatean.

- 4 Nere sorrera or izango zan  
mendi baten bazterrean,  
amaika aldiz ibilia naiz  
pozik bere bizkarrean;  
ego aldetik Ernani muga  
egutera ederrean,  
ta iparrera begiratuta  
Donosti aurre-aurrean.
- 5 Donostiara begira dago  
ta Ernaniko mugari,  
berez aundia iñoiz ez baiña  
gertakizuna ugari.  
Ez diran gauzak iñoiz ipintzen  
ezin gintezke gu ari,  
orren albora urbilduko zan  
makiñatxo bat gudari.
- 6 Donostiako tontor polit bat  
dalako Oriamendi,  
Ernio aiña izan ez arren  
askok jotzen dute aundi;  
ainbat kondaira dauzka beregan  
gizalditikan gizaldi,  
entzuten danez erromatarrak  
iritxi ziran aspaldi.
- 7 Jesukristoren munduratzea  
ezagutu zan baiño len,  
esaten dute erromatarrak  
azaldu zirala emen;  
onuntz ekarri arrokeria  
ta nai zuten ainbat kemen,  
azkenerako aruntz etsita  
gelditu omen ziraden.

8 Euskalerriak txit antziñatik  
beldurgarrizko naspillak,  
etsai maltzurak lapurretara  
arturik gudari-pillak.  
Iñoiz izutzen etziralako  
euskal lurreko mutillak,  
emengo bosteun ezin mentzutu  
onuntza zetozen millak.

9 Azken aldera gu zanpatzera  
maltzur etorri ziranak,  
oraindik ere joateko asmoz  
apenas diraden danak.  
Askatasuna nai genduke guk  
lotuta bizi geranak,  
alkar laguntzen ezpaldin bada  
txit alperrikako lanak.

10 Millaka urte pasa dituzu,  
Oriamendi, artzantzan,  
galdetzen dizut: "Zu ez al zaude  
izkuntz onekin zalantzan?"  
Ni amiltzeko beldurrez nago  
urrengo aize-balantzan,  
Ama Euskera biziko al da  
larpean dagon baratzan?

Gaitz mingarria sortu zitzaion  
ur zikiñaren kutsutik,  
ustelduaren kiratsa dagon  
zingira edo putzutik;  
ezin altxa da, eldu zaiozu,  
Oriamendi, besotik,  
ez da samurra izango baiña  
ia jartzen degun zutik.

12 Oriamendi, zugana daukat  
ezin ordaindu ala zor,  
baiña ez pentsa zuk nere baitan  
oroitzen ez danik iñor,  
mundua sortu zanetik beti  
izandu zeralako nor,  
ta amaitutzen dan bitartean  
erne egon zaitea or.

*El Diario Vasco, 1979-XI-15 eta 16*

# Bertso-txapelketari

---

- 1 Txapelketa bat asi bear dala aurtan,  
ez da au berri txarra danentzako irten;  
entzun det ainbat diru nola jarri duten,  
tongorik ez da naiko, saia eramaten.
- 2 Urte ontan asita urrengoan buka,  
amabost eguneko iraupena dauka.  
Egin bearco dana saiatu ta zaunka,  
ain lan astuna dala iñork ezin uka.
- 3 “Danak aituak dituk” ni nengon pentsatzen,  
oparo ekin die dirua dantzatzen;  
irabazia jarri bertsoa kantatzen,  
neroni ere gutxi ez naute tentatzen.
- 4 Ez dezute moldatu dirutza motela,  
ezagun da bertsoa maite dezutela;  
ezin diteken gauza iñolaz bestela,  
noren burura joango ote da txapela?
- 5 Bi sari zoragarri, nabarmenak oso,  
lenengoa da eper, bigarrena uso;  
oiek merezi dute egitea kaso,  
bertso onak bota ta ezaugarri jaso.



6 Bertsolari artean jarri duten pesta,  
auntzaren gaberdiko eztul-otsa ezta;  
txapela zabala ta berreun milla pezta  
norbaitentzat badaude, onenek nai ezta.

*El Diario Vasco, 1979-XII-11*

# Bertsojartzaille gazteari

---

- 1 Joxe Mari izena eder dezu eta  
ondoren abizena legez Arrieta.  
Bertsoak moldatzeko artzen dezu beta,  
iñon utsegin gabe orrenbeste letra,  
dotoretasun ori ez da berriketa.
- 2 Txit denbora gutxian eldu zaizun pama,  
zerutik aingeruak botatako txalma;  
abiadura aundian indarra darama,  
ta ni ere maitasun poz orrek narama,  
presaka ez ibili, artu zazu kalma!
- 3 Poza ematen dio zarrari gazteak,  
ni beintzat alaitzen nau ondo ikusteak;  
zarata zabaldu du zu ola asteak,  
ta eskuak lanari legun eransteak,  
bertsoari illeak txukun orrazteak.
- 4 Asieratik oso irten zera piña,  
gustagarria baita zure artiriña.  
Arritzeko moduan zaude itzegiña,  
grazi ederrekoa eta atsegiña,  
ona danak bear du jarraitzeko griña.

5 Alderantzia bada katura erbitik,  
au askok aitortzen du biotzen erditik.  
Tanto ederrak datoz zure izerditik,  
eguzkiaren diz-diz berozko argitik,  
ura edanda zaude iturri garbitik.

6 Zarrak deseginduta gazteak mundura,  
antziñatik lege au noski izandu da;  
alperrik jartzea da ortan errenkura,  
nola ikusten degun itxasoan ura,  
Arrieta alaxe dator olatura.

7 Ona zazpi bertso nik zuretzako jarri,  
orain arte ez nekin ezer zure berri;  
nai baldin bazinduzke gogoz irakurri,  
ta or naizen batean perira etorri,  
il arte izateko alkar ezaugarri.

*El Diario Vasco, 1980-I-4*  
*Goiz-Argi, 1980-I-12*

# Gaixotegian

---

(Doiñua: Esne-saltzaillearena)

- 1 Esne-saltzaillearen doiñuan asita,  
adorez jantzita,  
gelditu nai nuke nik adierazita;  
gaixotegira nago egiña bixita,  
leku eder askoak dauzkat ikusita,  
ankaren ondoezak ekarri-azita.
- 2 Ni ekarri ninduten Poliklinikara,  
onuntz argitara;  
sendatzen danarentzat toki polita da;  
ankak ematen zidan animan ikara,  
beste gauza bat berriz premian ijara,  
makiña bat jenero sartzen det tripara.
- 3 Osatu nai genduke, nola gaixo gauden,  
al balitz lenbailen;  
sendagille jatorrak badabiltza emen;  
zenbakia berreun da oitamairugarren,  
gela batean gaude iru gizon erren,  
zalantzan zai jarrita zeïnek zer dakarren.
- 4 Nere anketan dago deabruzko arra,  
da inpernutarra,  
lo egiñarazteko oso prixti txarra;  
berak miña eman da berak egin parra,  
naigabeturik nago ni, aitona zarra,  
badaukat sendagille onaren bearra.

5 Ainbat neskato polit gaur etxe onetan  
prezko lanetan,  
gaixoari laguntzen diote benetan.  
Emen aurkitzen gera geure egunetan,  
naiz erdaldunetan da naiz euskaldunetan,  
geroago iltzen da esku legunetan.

6 Goibeltasunak datoz nere biotzera,  
ezbear antzera;  
entzule, gaur onekin arritzen al zera?  
Etorri bezelaxe jira ta atzera,  
pozik joango nintzake emendik etxera,  
atxurra artu eta tipul jorratzera.

*El Diario Vasco, 1980-II-24*

# Arrosari

---

1 Etxe-ormaren dotoregarri  
loretan zauden arrosa,  
alde batera ain ederra da  
ematen didazun poza;  
bestera berriz ezin nezake  
atsegin aundirik goza,  
ia lengoan joan ziñalako  
kastillanekin Burgosa.

2 Aizu, arrosa, zure loreak  
ez al dira tentagarri?  
Naiago nuan ezpazinduten  
etxe-aurre ortan jarri.  
Makiña batek botatzen die  
kiñua azkar alkarri,  
lengo batean ibili naute  
iru atsok larri-larri.

3 Arrosa onen albotik ez naiz  
asko irteten iñora,  
lengo batean azaldu zaizkit  
onuntza iru *señora*.  
Esan zidaten: "Ola ez dezu  
errez pasako denbora;  
nai al zenduke gu egunero  
inguratzea ondora?"

4 Nola arraio utziko nien  
nik egin gabe kasorik?  
Neri entzuten gelditu ziran  
burua gora jasorik:  
“Laguntza ona neukan nik baiña  
ez det nai arkakosorik,  
eta aien lagun bazabiltzate  
ez eman onuntz pausorik”.

5 Batek esan du: “Nere gizonak  
izena du Jose Jerman”.  
Bestea berriz arrosa eske  
gogor jarduten da teman.  
Ezagutu det irugarrenak  
zer korapillo daraman,  
apaltasunik etzutelako  
batere ez nien eman.

6 Zortzi bertso nik bota dizkiot (1)  
arrosari aurpegira,  
naiago nuke Euskalerrian  
mesedegarri balira.  
Nork bere gauza zuzen zaitzea  
oso komenigarri da,  
zu nai zaituzten ausartak emen  
iñoiz agertu oi dira.

*El Diario Vasco, 1980-VI-4*

(1) “Zortzi bertso” esaten du Segundok, baiña sei bakarrik agertu ziran egunkarian. Leku-faltaz beste biak kanpoan geldituko ziran.

# Bakoitzak bere gaitzak

---

1 Nola austarri izaten baitan  
beti asteazkenean,  
neri beatza kendu zidaten  
garizumaren lenean;  
ain zuzen-zuzen otsaillaren  
ogeigarren egunean,  
ni ez ote naiz jarriko, jaunak,  
noizpaitxo zorionean?

2 Nere ankaren opor aldeak  
baditu illabeteak,  
makiña bat gau igaro ditut  
miñez gaiñezka beteak.  
Gutxieneko sei edo zazpi  
desegin zaizkit urteak,  
askori pena emango dio  
mundu ontatik joateak.

3 Askotan jardun izan oi gera  
geure iritzi batean,  
pentsatu gabe izan leikenik  
animarentzat kaltean;  
beldurrez eta kezkatu nago  
*dan-dan* noiz entzun atean,  
Jaungoikoak zer esango didan  
emendik eramatean.



4 Askotxok pena izango degu  
mundu ontatik joateko,  
beldurra ez da askoz ohea  
aruntza eramateko.  
Sinismena ta garbitasuna  
guk ez ginduzke kalteko,  
edo bestela Jesusen Amak  
ez gaitu asko maiteko.

5 Pekataritzat nere burua  
nik epaitzen det benetan,  
nere akatsak badakizkitez  
sortu nintzan lur onetan;  
damutasuna eldu danean  
ementxe nago penetan,  
Jesusen aurka ez naiz asiko  
itz astun nabarmenetan.

6 Bein il ezkerro ez dala ezer  
emen askotxok diote,  
ori esaten ari diranak  
miña ematen didate.  
Jesus gabeko jakintsu oiek  
ez ote daude arlote?  
Illargi, eguzki, millaka izarrek  
Jabea nunbait badute.

7 Ni garizuman egondu nintzan  
miñak erabat jausita,  
ta inguruko danak esanez  
“laister ilko da” etsita.  
Maitasunezko agerpen batek  
ez du poztutzen gutxi-ta,  
il da gero ere etzait aztuko  
Arrietaren bixita.

8 Zutaz askotan oroitutzen naiz,  
Joxe Mari Arrieta,  
gazte orrek, zuk, artu zenduan  
ni bixitatzeke beta;  
bide askorik ezin igaro  
bi makulukin errenka,  
ezin nezake iñoiz pagatu  
merezi dezun errenta.

9 Etsipenaren mende nengola  
ezin iraunik miñetan,  
agerpentxo bat egin zenidan  
pozgarri, alajaiñetan!  
Gauza ori nola sortu zitzaizun  
zuri buruko zaiñetan?  
Txerrimunirik ez det izango  
zuretzako ordaiñetan.

10 Geiago ere izango dira  
ni bixitatutakoak,  
merezi baiño askoz geiago  
mesede egindakoak;  
oi azpiraiño irteten ziran  
nik botatako malkoak,  
txarren artean gauz onak ere  
oputzen ditu Jainkoak.

11 Ezjakin batek nola ditzake  
gauz astunak erabaki?  
Sinismenaren argitasuna  
bakarrik nezake jaulki;  
gurutzeturik gu salbatzeko  
il zanak guztia daki,  
azken arnasak ditugunean,  
Kristo, zuk izan erruki.

*El Diario Vasco, 1980-X-15 eta 16*

# Eskerrik asko, jaunak!

---

- 1 Eskerrak eman nai dizkiotet eskubiz edo ezkerrez, zenbait gizonen leialtasuna ordaintzen ez daukat errez. Opari sendoz osatu nairik ardo onez ta eperrez, idazle zuzen on baten gisa merezi banu, ezerrez.
- 2 Eskerrik asko, Lizaso eta Berasategi maitea, erabaki bat artu zenduten eizak iltzera joatea; ondorenean neri ekarri pardel polit bat betea, asko pentsatzen ez nualarik egin det eper jatea.
- 3 Ez bat eta ez bi, an edo emen gertatzen dira kasoak, ez dakianak jakin ditzala dijoaz nere bertsoak. Bost egunean irentsi ditut lau eper oso-osoa, pena ematen zidaten baiña jateko zeuden goxoak.

4 Nere denboran asko jan gabe  
ni bizitu naiz eperrik,  
aurten ekarri dizkidatenak  
etzaizkit galdu alperrik.  
Gauz on berriak egun batean  
ez du nazkatzen muturrik,  
zuen kulparik ez det egingo  
izaten badet okerrik.

5 Zierto dakit olako janik  
etzait komeni astero,  
erdi goseak igaroa naiz  
makiñatxo bat otz-bero;  
eper-okelez asetzerik nik  
ez nuan asko espero,  
esango dute: "Ori ez dek zail  
bestek ekarri ezkeru".

6 Neroni asko ibili gabe  
nekatuaz eperretan,  
oien txitxiak jan ditudala  
aitortuko det gaur bertan.  
Nere animak ikusten baitu  
garbi ixpillu orretan:  
Jaungoikoari asko ez dala,  
oieri ere zorretan.

*El Diario Vasco, 1980-XI-16*  
*Goiz-Argi, 1980-XI-29*

# Barkatu, jauna!

---

- 1 Milla bederatzireun larogei ta bata,  
ilbeltzaren iruan gaur da larunbata;  
gizon on alai bati nai nioke kanta,  
ez du orrek ipuirik iñoiz ere palta.
- 2 Errezilko semea Inazio Mari,  
Zegaman bizi dala jakindu det ori;  
olakoak gustatzen zaizkit erruz neri,  
dotore badakizki ipuiak ugari.
- 3 Errezilko seme da beraz Atxukarro,  
baditu iru gurdi ta beste bi karro;  
ipuiak ibiltzeko lumaz arro-arro  
txantxangorri ta txepetx, xoxo, birigarro.
- 4 Lagunartekoa da, gizon atsegiña,  
Santo Tomas egunez nago itzegiña;  
gure jakinduria ain da ezberdiña:  
nerea beltz-beltxa da, orrena urdiña.
- 5 Apal da gizalegez nai du errespeta,  
antziñako asaben euskaldun izketa;  
txit komeni dan gauza derizkiot eta,  
ez dakianarentzat zer erakusketa!

6 Berriro ere ori bearko det zaitu,  
oraindik ipui danak etzaizkio aitu.  
Aitona zarrak iñoiz aitaturzen ditu,  
malkarrik txarretenan ikusi nai gaitu.

7 Aitona zarrak anka trabatu lepotik,  
beeko txillardegira amildu da goitik;  
erbia or irten da laisterka kabitik  
txinparta dariola belarrietatik.

*El Diario Vasco, 1981-I-11*

\* \* \*

Kalonjeren esku-idazkietan Atxukarrori eskeñi-  
tako beste sei bertso auek arkitu ditugu:

8 Donostitik begira nago Zegamara,  
Atxukaroren ipui polit oietara.  
Aztu gabe larunbat illunabar gaba,  
zu bai iztun apaiña, iñor baldin bada.

9 Euskaldun zarren antzera gurdi eta karro,  
parra egiñerazten ipui edo lerro.  
Etzera nabarmentzen aizetsu ta arro,  
len bezelaxe apal jarrai, Atxukarro.

10 Mereziak dituzu askotan txaluak,  
eskeintzen dizkiguzu kontu potxoluak.  
Nik erne jartzen ditut belarri zuluak,  
gau erdirarte ez nau errenditzen luak.

11 Zer esan nezake nik orain Atxukarroz?  
Ardo onak eskeintzen asiko naiz txarroz,  
etxera ekarriak gurdiz eta karroz;  
ordainduko al dizkit ipuiz edo lerroz.

12 Kanta nai badituzu bertso auek ortik,  
askatasun osoan jartzen zaitut gaurtik.  
Ez baldin badezu nai deus ez dit inportik,  
ez nezake biali beste ipui sortik.

13 Orra bost bertso kaskar Kalonjerengandik,  
apur bat tentatzea gogoak eman dit.  
Euskaldunak gera gu orain baiño lendik,  
naiz alkar ez ikusi sekula oraindik.

# Beti zerbaiten palta

---

- 1 Bertsoak jarri nai ta gairik ezin arki,  
beti zerbaiten paltan ez nabil ederki.  
Gaitz onekin bistatik gordeko naiz aurki,  
zenbat sufritzen dedan zeñek erabaki?
- 2 Au erabakitzera iñor baletorke,  
borondate osoan laguntzera merke,  
ez nioke jarriko lertzeko lain neke;  
naiko babaz ta artoz mantenduko nuke.
- 3 Nere samintasunak ondo neurtzekotan,  
ez du egon bearko gau ta egun lotan.  
Batzuetan miñez ta disgustoz askotan,  
sufritzen ez duanik nor da mundu ontan?
- 4 Itzegitera noa nere sufrimentuz,  
gaiztoarekin beti ibiltzen naiz kontuz;  
ta onarekin berriz ez irixten puntuz,  
gauz oiek badakizkit lendik eskarmentuz.
- 5 Sinistu ez nagola eskarmentu gabe,  
munduan igarota ainbat atsekabe.  
Kontzientzia daukat apal edo bare,  
denbora gutxi barru ilko banintz ere.



- 6 Geienok baditugu nork bere akatsak,  
xamurtuko al gaitu piperra ta gatzak.  
Jesussek esandako egi zuzen latzak,  
sinisten ez badira gu ez aberatsak.
- 7 Beti urruti nabil aberatsengandik,  
arrote jaio eta beartsu oraindik.  
Jesus aitaturtzea gogoak eman dit,  
ea laguntzen didan nundik edo andik.
- 8 Betikotasun ori ez da egun biko,  
orregatik jartzen naiz inoiz belauniko.  
Jesus erokerian etzan ibiliko,  
artzaz sinistra zagun ta ez gera ilko.
- 9 Aspaldi illak ditut aita eta ama,  
aiek utzi zidaten beartsuen pama.  
Beti zerbaiten paltan pozgiroz ez dana,  
mundu ontan badago prakak bete lana.
- 10 Lanerako gogoa nuan nik dotia,  
orregatik izerdi asko det botia;  
ni zuk nai dezunian mundutik juatia,  
Jauna, neretzat izan zeruan lotia.

Segundo Kalonje adiskidea etxean bisitatu nuan batean,  
arek esan eta nik papereratutako bertso-sailla. Iñun argitaratua  
dan ez dakit. A. Z.

# Aita Agirretxeri jarraituz

---

- 1 Agirretxeren zenbait itzaldi Kristo-maitale antzera, degun leiorik zabalenetik sartutzen zaizkit etxera; berak esaten duan bezela "biotzetik biotzera", ta salbagarri txarrena ez du nere animak zartzera.
- 2 Agirretxeren itzaldi oiek neri datozkit gogozko, iruditurik ote diraden sinimentsu ta Jainkozko. Garai batean ibiltzen nintzan une batzutan arroxko, Jesus munduan zergatik il zan ausnartzen etzala asko.
- 3 Aolku goxo mardul oriek neri gogozko datozkit, len ere zerbait badakit baiña kalterik egiten ez dit; maixu oberik ezin mintzatu Jerusalem da Londrestik, Jesus da bere apostoluak il zituzten ezkeroztik.

4 Jaungoikoaren aginduetan  
gabiltza larrugorrian,  
deabruaren morroi askotxo  
galtzeko zori larrian.  
Nik berri txarrak entzuten ditut  
bizi naizen baserrian:  
Aita Santua il nai zutela  
Erroman udaberrian.

5 Geienok aintzat ez degu artzen  
iturri garbiko ura,  
askoz naiago degu murgildu  
zikindutako putzura;  
zingira zikin nazkagarrian  
nabarmentzen da berdura,  
ta bertan sartu nai genduke guk  
Jesusen soiñeko ura.

6 Ezkerrekoak biurriegi,  
eskubikoak zuzen ez,  
besterenaren artzaille beti  
"gu gera onak" esanez;  
mundu ontara narrats antzean  
noski azaldu giñanez,  
askok naiago degu ibili  
ur zikiñetik edanez.

*El Diario Vasco, 1981-V-27*

# Ondartzako erakusketak

---

- 1 Zartu ta ajeatu, ni nago motela,  
badakit askok ori pentsatzen dutela;  
baiña ez beuren kulpaz tentatzen nautela,  
Kontxa alde orretan badabil okela.
  
- 2 Lengoan izandu naiz Donosti maitean,  
an ikusiarekin mintzatu gaitean.  
Moda zarreko gauzak ondartzza betean,  
lengo markak autsiaz aurtengo urtean.
  
- 3 Ondartzaren gaiñean or erakusketa,  
orrenbesteraño nik ez nuan uste ta;  
nabarmenkeri gabe nola errespeta?  
Txukun-txukun ibiltzen zail daukat izketa.
  
- 4 Ondartzara egiña nazute bixita,  
batek au esan zidan izketan asita:  
“Deabruaren salan zu ere nasita?  
Zer aurreratzen dezu gu gaur ikusita?”
  
- 5 Galdezka asi nintzan zer zan prezioa,  
laister izandu nuan kontestazioa:  
“Pertsona zarrarentzat ori lezioa!  
Nun ikasia zera edukazioa?”

- 6 Erantzun gabe ezin nik aorik itxi:  
"Deabruaren esku orrenbeste pitxi!  
Danak erakusteko bai eskusa gutxi,  
zuen gidaria da infernuko Patxi".

*El Diario Vasco, 1981-VIII-21*

\* \* \*

Segundo Kalonjeren paperetan sail au ere azaldu da, makinaz idatzita eta beste bi bertso dituala:

- 7 Esaten badet ere xeibrekeririk,  
ez tristetzearren gazteen begirik,  
zenbaitek ez du naiko broma geiegirik,  
baiña ezin ukatu iñola egirik.

- 8 Azkeneko unean datorkit burura:  
beztu bear onekin daukagu ardura;  
eguzkiak berotu, preskatzeko ura,  
Brasilko ibaietan indio modura.

# Udaberria eldu da

---

Udaberria azaldu zaigu  
danen bixtara aurpegiz,  
egun bat ere utsegin gabe  
oso errespeto aundiz;  
denbora onak nai genituzke,  
saiatuko al da egiz,  
emen lekurik nai baldin badu  
urrengo urtean berriz.

2 Gogoan artu nai dituanak  
orain datozkidan itzak,  
neguak lanak aurreratuta  
berdetu dira aritzak.  
Bakarren batek agindutzen dik  
ta orren esku zabilzak,  
ta orain berriz udaberriak  
patrikadan dauzka giltzak.

3 Neguak ere azkenerako  
ipiñi digun jarrera,  
udaberriak lokatz artean  
egin du bere sarrera;  
jarraitzen badu gizatxar eta  
petralkerian aurrera,  
negua ondo igaro baiña  
orain penatuko gera.

4 Negua ona joan da geiena,  
eman du errematea,  
nik orrentzako poltsa txiki bat  
badet opariz betea.  
Nere esanik ez gaizki artu,  
o udaberri maitea,  
bein bear eta premian gera,  
prestua izan zaitea.

5 Bart arratsean aldatu gera  
negutik udaberrira,  
nere kabitik an egondu naiz  
entzuten edo begira;  
aizea eta euria biak  
nastuan jardunak dira,  
naiago nuke Andaluzira  
martxoan joango balira.

6 Eguzki ona, azal zaiguzu,  
komeni bada, aurpegi;  
gizonak emen ez du eskatzen  
oinbeste laino ta euri.  
Extremaduran falta dutela,  
Euskadin berriz geiegi,  
gu aspertuta egonagatik  
inoiz ala ere segi.

*El Diario Vasco, 1982-III-25*

# Inbiri madarikatua

---

- 1 Milla bederatzireun larogei ta bian,  
apenas bizi geran pake geiegian.  
Juan Pablo il naiean bere txarkerian,  
Kaifasen anairen bat portuges errian.
  
- 2 Aita Santua dabil pakearen eske,  
beraren aldekoak nabari gaituzte.  
Mesede litzakenik ez al dute uste?  
Gizatxarrak badaude prestuak ainbeste.
  
- 3 Bai nabarmen dagola inbiria gailen,  
mundu zear zein arro ta zital dabillan!  
Indarra artu zuan oraintxe baiño len,  
lanak emango ditu gero ere emen.
  
- 4 Gazteak izandu ta goaz erretiran,  
lengo zarrak berdintsu ezkutatu ziran,  
istilluak utzita munduaren jiran;  
ez dakigu gauzak noiz zuzenduko diran.
  
- 5 Deabruzko gorrotoz biotzak guritu,  
maitasuna bear da, noizko ugaritu?  
Arazo orrek lendik adar zarrak ditu,  
Jesusek bearko du gutaz errukitu.



6 Junagatik *sigloak* ta eunki osoak,  
gogortzen ari dira nunai arazoak.  
Etsai pozoitsuenak sarritan auzoak,  
Satanas maitatzen du inbiriosoak.

*El Diario Vasco*, 1982-V-19

# Bertso berriak

---

- 1 Irazustari egin bear diot kaso,  
aizkoran eta segan len ona zan oso;  
oraingoan ez dezu pama gutxi jaso,  
poz ematen didazu, Mikel Polipaso.
- 2 Polipasok badauzka iru bat armazoi:  
gorputza astuna ta indar eta sasoi;  
baiña alkarrentzako beti zerbait pozoi,  
apustuan ez al da al dana arrazoi?
- 3 Goi-maillakoa ziñan aizkoran da segan,  
usoa dan bezela indartsua egan.  
Balio ote dezun asi diran prueban,  
ikasiko dute, bai, nolakoa zeran.
- 4 Negua pasa dezu naiko baba jaten,  
oraindik etzizuten tankerik ematen.  
Zu asi zeranean autsi edo eten,  
txikiak zer egiñik ezpaitauka aurten.
- 5 Erakutsi dezute lenengo ekiña,  
bitatik batek beti izaten du miña.  
Txikia beti txiki izan arren piña,  
aundi onaren aurka arentzat pitiña.

6 Errez irabazi du lenengo jokia,  
edade ortarako ez al da naikoa?  
Urrengora ere txit korajez dijoa,  
oraindik ez daukagu Polipaso joa.

*El Diario Vasco, 1982-V-27*

# Ordaiñetan

---

- 1 Iruntxiberri, barka zaidazu  
naigabetu bazaitut nik,  
autan artuta ibili bainaiz  
balio duan gizonik.  
Ikusi gabe epaitutzeak  
iñoiz ezpaitu gauz onik,  
seitatik bostek etzuten uste  
zu olakoa zeundenik.
  
- 2 Gizon txikia izanagatik  
zerez zimela ta piña,  
amak seme au guda-denboran  
burrukarako egiña.  
Akulu txiki ezten-zorrotzak  
iñoiz ematen du miña,  
obe genduan lentxeagotik  
kontuz ibili bagiña.
  
- 3 Ez dakianak etorkizuna  
nola epaitutzen duan,  
gertatu dana gezurtzat jota  
guk itzegiten genduan.  
Mutikotxo bat ematen dezu  
Polipasoren onduan,  
arrigarritzko ikusmoldeak  
sortzen zaizkigu munduan.

- 4 Zure aurkako otsak zabaltzen  
nunai itzetik ortzera,  
pentsatzen ez dan traba askotan,  
ta zelebrea sortzen da.  
Gizon galanta menderatuta  
garaille irtena zera,  
berrogei milla duroko sari  
ederra sartu etxera.
- 5 Nik berdin-berdin maite zaituztet  
naiz bat eta naiz bestea,  
atsegin nuken gauza bat au da:  
biok ondo ikustea,  
tirri pixka bat baldin badago  
bera lenbailen uztea;  
nere laguntzik onen-onena  
pakea erakustea.
- 6 Nere barrengo atsekabeak  
nai dizkitzutet azaldu,  
oraingo ontan diru aldetik  
ni ez naiz asko ugaldtu.  
Polipasoren alde jokatu  
bost milla duro ta galdu,  
nik baiño ere pena geiago  
nere andreak ez al du?

*El Diario Vasco, 1982-V-30*

# **Iparragirre oroitzuz**

---

- 1 Iparragire, zure doiñuan  
sarritan ez naiz jardun da,  
lengoa nere laguntxo batek  
zerbait beartu nindun da;  
ta ni oso gustora,  
sartu nintzan zestora,  
sosegurik ez iñun da,  
gure Jainkoak danok iltzeko  
lurrera bota gindun da.
  
- 2 Iparragirrek berak sortuta  
moldatutako bozean,  
ni lo nagola amets egiñez  
esnatua naiz goizean;  
barrendik oso alai,  
azaletik ere bai,  
ausnartuz bide luzean,  
euskaldunaren lengo lege zar  
aiekin ezin asean.
  
- 3 Iparragirrek berea zuan  
gitar apal maite ura,  
mundu ontatik zerbait bear da  
eramana da zerura.  
Aingeru danak lagun,  
eztia bezin legun,  
santu on baten modura,  
gaur ere, arren!, eduki zazu  
euskaldunaren ardura.

4 Iparragirre esaten dute  
zala kantari artista,  
malizi gaiztoz zebiltzanentzat  
su piztutzaille tximixta.  
Mintzatzen zana egiz,  
ez ikusi nai begiz,  
gazterik sena ta bixta;  
ark ziona zan : "Euskotarra naiz  
ta ala izango naiz ta".

5 Iparragirre, orra zer dan gaur  
guk dabilkigun jantzia,  
gorrotoaren morrontzan dabil  
askoren kontzientzia.  
Ainbat aize sorturik,  
alkar ezin arturik,  
nunaitik alderantzia;  
alderdi danak pintatzen dute  
bakoitzak bere ontzia.

6 Iparragirre, ezagutzen det  
ain dala gauza tristea  
billaukerian uxatu eta  
ate guztiak ixtea.  
Baiña zure biotza,  
sendoa ta zorrotza,  
Jainkoak nai irixtea  
zeu jaio ziñan kabi maitea  
il baiño len ikustea.

*El Diario Vasco, 1982-X-15*

# Aita Santuaren agerpena

---

Aita Santua iritxia da  
donostiarren urrean,  
arrera apal bat egiña dio  
Azpeitik bere lurrean.  
Ainbat aolku jalkiak ditu  
preziz geundenon aurrean,  
Jesukristoren lege santuan  
ta dotriña ederrean.

2 Aita Santua izana degu  
Euskadin zorionean,  
jendeak ura poz atsegiña  
onuntz azaldu zanean!  
Millaka asko txaloak joaz  
beraren aldamenean,  
ta... beste zenbat biderik gabe  
galduta mundu danean?

3 Aita Santuak esandakoak  
artu ezkerro gogoan,  
mundu onetan bizi diteke  
atseden obeagoan.  
Ez al dakigu Jesusen naia  
len ere nola dagoan?  
Bere izena zikintzen degu  
askok sarritan aoan.



4 Jesusek danok maite gaitu gu  
nola zar eta gazteak,  
ezkontzaz lotu gabe daudenak  
eta senar-emazteak.  
Kezka larria ematen dio  
mundu ontako nasteak,  
zeru aldera bildu nai gaitu  
bera bezela besteak.

5 Aita Santua danentzat dabil  
txit arduratsu gau ta egun,  
euskeraz ere itzegiña da,  
ez esan ez danik lagun;  
urrutiraiño zerbait badala  
ez al daukagu ezagun?  
Pekatoriak izanagatik  
Jesus aitortu dezagun.

6 Aita Santuak espainioletan  
igaro du bere txanda,  
makiñatxo bat ondu baiño len  
denborarik ezta joan da.  
Zerua nola irabazten dan  
amaika bider esanda:  
Jauna badala sinistu eta  
urkoa maite izanda.

*El Diario Vasco, 1982-XI-17*

# Eiztariak

---

1 Eiztari oiek ez dute palta  
mixeri petral tristerik,  
apiziorik ez duan batek  
ezpaitauka sinisterik.  
Zaletasuna izandu nuan  
nik ere gazte-gazterik,  
ta orain berriz ez det ikusten  
ogei txolarre besterik.

2 Udarazkena ala joan zan da  
berdintsu goaz neguan,  
mota danetik orren eiz gutxi  
nik ez det beintzat goguan;  
eiztariaren bizimodua  
pentsatu nola daguan,  
maiatza arte nik naiago det  
aize epela albuan.

3 Elurrarekin izotza asten  
bada iparretik gogor,  
akaso eiza etorriko da,  
nai ez dutela, derrigor.  
Aate, klixka ta egaberak,  
iztingor edo oillagor,  
otzik ezpada an bertan goxo,  
alderantzia dago or.

4 Txantxangorriak emen inoizka  
doi-doi azaldutzen dira,  
ganbaran ezer bai ote dagon  
zugaitzetatik begira;  
ta oiek ere jotzen badute  
oraingo moda berrira,  
sekula berriz ez da elduko  
kukurik Euskalerrira.

5 Txantxangorria asten bazaio  
kuku-janari zapuzten,  
lengo moduan ez da jardungo  
besteren umea azten.  
Gauzak aldatu dira erabat,  
ez al degu ba ikusten?  
Beurak ondoen jakingo dute  
len zer oitura zituzten.

6 Kuku entzunak izango dira  
noski Pazkoetarako,  
zugaitzak ere berdez jantzi bat  
egun santuetarako.  
Besteren ume azitzaillea  
biotz xamurra dalako,  
txantxangorria bizi dan arte  
kukurik ez da paltako.

*El Diario Vasco, 1983-1-21*

# Otsaila

---

- 1 Ekarri digun ekaitzaldian  
zarrok ez daukagu giro,  
aize, kazkabar, elur da izotz,  
ez da ibili ez tiro;  
dotore asko apuntatuta  
sartu dizkigu bost tiro,  
lengo lepotik dauka burua  
ta pentsatzen du astiro.
  
- 2 Elurzaleak pozaren pozez  
egiten dute irrintzi,  
neri gauz asko atsegingarri  
ez dit lepotik erantsi.  
Lenago doi-doi dabillenari  
egiten dio imurtzi,  
plakian gauden baserritarrak  
gu batez ere igurtzi.
  
- 3 Mendi ta zoko eta uriak  
bazter guztiak zuritu,  
bere lurraren jabe da eta  
ez daukagu zer arritu.  
Lenago ere orrelakoak  
noiznai egin izan ditu,  
elurraren zai gose zeudenak  
ez ditu gaizki serbitu.

- 4 Esaten degu: "Ekaitza emen  
egin dezala neguan";  
guk ez dakigu ark berak berriz  
zer dabilkian goguan.  
Zerua nola urruti dagon  
ainbat milloira leguan,  
andik botatzen dutena dator  
mundu ontara eguan.
- 5 Larunbat-goiza, illak amabi,  
etxetik begiratuta,  
ikusten ditut Donostiako  
estalkiak zurituta.  
Lenago ere nai duan dana  
dago egiten oituta,  
iñor ez gera manipestatzen,  
mendean artzen gaitu ta.
- 6 Aste guztian dijoazkigu  
egun otz eta gordiñak,  
urrengorako ere entzuten  
ditut albiste berdiñak.  
Aurtengo ontan gerta litezke  
karnabal txuri-urdiñak,  
elbi aundirik ez du izango  
aize onekin sardiñak.(1)

*El Diario Vasco*, 1983-II-16

(1) *El Diario Vasco*-k *jardiñak* idazten du bertso auen azken itza. Baiña Segundok gordetako egunkari-muturra agertu da bere paperen artean, eta an itz ori zuzenduta dago, *sardiñak* ezarriz.

# Dirua ta deabrukeriak

---

- 1 Milla bederatzireun larogei ta iru,  
nun da nork ote dauka nai aiña diru?  
Aberatsenak ere pilla azi nai du,  
nundik arrapatuko ogeitik amairu;  
arrano ta miru,  
gogor datozkigu  
millaka kastigu,  
sarritan gaizki gu;  
ez ote da izango iñor testigu?
- 2 Munduan badaudela ainbat aurrerapen,  
gizonaren buruan etziranak len.  
Ondraduak balira zeñen on liraken!  
Artaraka legoke zedozer iraupen.  
Or zer dabilkiten  
ez degu jakiten,  
gaude irakiten  
odol txar egiten;  
deabruen mendetik gu noizko irten?
- 3 Lurralde askotxotan ezin konpondua,  
kontzientziak jota dauka ondua;  
biotza gogorra ta kopeta illundua,  
adiskidetutzeko pranko berandua;  
maitasun sendua  
oso urrundua,  
gizon lizundua,  
astoki, mandua;  
alkarri laguntzeko au da mundua!

4 Alkar ikusi nai ez inondik inora,  
zorigaiztokoa da gure denbora.  
Laguna azpiratu, geuk altxa nai gora,  
deabruaren naia beran izango da;  
gorrotoa lora,  
barrutik kanpora,  
txarrerako moda,  
sartu aretora,  
argiak itzalita goaz linbora.

5 Gaurko aurrerapenak dira bildurgarri,  
noraiño joango diran zeinek igerri?  
Tximixta bezelaxe sutsu ta biurri  
ikusten ditugunak ainbat adar gorri;  
maitasuna urri,  
gorrotoa sarri,  
tranpan erriz erri,  
bizioak jarri,  
gazteak ondatzeko prendak ekarri.

*El Diario Vasco, 1983-III-24*

# Emaztea ta senarra

---

- 1 Ondarrabian izandu nintzan  
ni lengo egun batean,  
ta *Bar Alde-zar* irakurrita  
barrura sartu atean.  
Etxekoandrea aurkitu nuan  
arreta argi tentean,  
oroituko naiz nere buruan  
zentzurik dagon artean.
- 2 Nere lenengo itza auxer zana:  
“Jainkoak arratsaldeon!”  
Jakin-goseak sartu nintzan da  
galdezka asi nintzaion.  
Nere izketa baldar samar au  
graziz erori zitzaion,  
ta esan zidan: “Euskaldunetan  
etzera galduko iñon”.
- 3 “Senarra nungotarra dezu zuk?”  
galde ausardi osoan;  
ark erantzuna: “Erri bat badu  
Oriok bere auzoan”.  
“Aia ote da?” “Bai, alaxe da;  
ain mendi-magal jasoan,  
andik neronek ekarri nuan  
Ernaniraiño besoan.



4 Ernanin urte-mordo bat eta  
gaur Ondarrabian bizi,  
ango berri len badakigu ta  
au ere zer dan ikasi".  
Nik esan nion: "Saiatzen danak  
zerbait ez al du merezi?  
Izan zaitezte osasuntsu ta  
zorionaren nagusi".

5 Nere lagun dan maite Benino  
Albeniz degu aiarra,  
onek ez dauka buru motela  
eta eskua baldarra.  
Eginda dauzkan lan dotoreak  
badute irugierra,  
egia zuzen epaitzekotan  
dago aitortu bearra.

6 Ezin nezake adierazi  
mingaiñez eta eztarriz,  
ni zoratuta gelditu nintzan  
dauzkan ainbeste uztarriz.  
Milloi bat bider esanda ere  
nola ez aitatu berriz?  
Ura etxeko edertasuna  
ain gauz apain oroigarritz!

7 Bertso auetxek eskeintzen dizkat  
maitasunarengatikan,  
nere biotzak ez daukalako  
oraindik ere paltikan.  
Eskasagoak ibiltzen dute  
dirua lasai patrikan,  
omenaje bat merezi luke  
il baiño lenagotikan.

Leenengo sei bertsoak: *El Diario Vasco*, 1983-IV-14. Azkena,  
Segundo Kalonjeren esku-idazkietatik.

# Au da primabera!

---

- 1 Nik nerez pentsatzen det gutxi gora-bera,  
aiton-amon geienok jakiñean gera.  
Ankak otz-otz eginda lotara oiera,  
aulak indartutzeko au da primabera.
- 2 Beti bada guretzat zerbait eragozpen,  
eguzkiak laguntzik ez du erakusten.  
Odolak neri beintzat ari zaizkit ozten,  
aurtengo primaberak ez nau asko pozten.
- 3 Bi illabetez gora baditu pasiak,  
beti otzetik dauka indarra aiziak.  
Maiatzak izan arren egunak luziak,  
asko berotu gabe oraindaiño ziak.
- 4 Maiatzak ogei ta sei gaur ain zuzen ditu,  
bertsoak moldatzea neri egokitu;  
motibo apurtxo bat berak jarri baitu,  
kontentu ez geranak aurkituko gaitu.
- 5 Uste nuan maiatza nik beroa zala,  
erre gabe utzi dit lepoko azala.  
Nere zalaparta au ulertu dezala,  
pekatu egin badet barkatu nazala.

6 San Luis bitartea degu udaberri,  
bera gerta liteke guztiz edergarri.  
Bestek egiñarekin keja gera sarri,  
urrena zure txanda, udara, etorri!

*El Diario Vasco, 1983-VI-1*

# Garagarrillak bederatzi

---

1 Nere barruan ez bainebillen  
Uztapideren izenik,  
arratsaldeko ordu bat arte  
ezpaineikian il zanik.  
Geiago ere izango dira,  
baiña alako gizonik!...  
Nere biotzak noiz utziko du  
artxek eman dion penik?

2 Uztapideren illetarako (1)  
erri jator bat bear zun,  
zein izango ta azkenerako  
egokitu da Oiartzun.  
Jendeak ere biotz-biotzez  
ta bai txit prestu erantzun,  
Jainkoak berak izango dio  
bear ainbeste maitasun.

3 Etzan motela garai batean  
Olaizolaren almena,  
gatz eta piper eransten zion  
ark bertsoari kemena.  
Ona danari egiten zaio  
benetako aitormena,  
orretarako naikoa baitu  
bakoitzak bere baimena.

4 Lendik pentsatzen nuan gauza bat  
aruntz joanik aurkitu,  
gauz orren ziur nola egon ni  
an ikusi ezpanitu?  
Oiertzuarren eliz aundian  
guztiak ezin kabitu,  
Jesukristoren antza zuan da  
jarraitzailleak baditu.

5 Euskalerrriak bertsolaritzan  
gaur daukan ainbat kurpilla,  
nere iritziz, goi-maillako bat  
berriro badegu illa.  
Alper samarrik joango zerate  
Manuel zanaren billa,  
mundu ontatik ezkutatu da,  
zeruan gerta dedilla.

6 Esan ere bai, ta entzun berdin,  
tabernan eta elizan,  
ark bazekian zer egoten dan  
konsagratzean kalizan.  
Jesus onaren esanetara  
sinismen sendoa izan,  
ta azkenean auzoan il zait  
gizon on-on baten gisan.

*El Diario Vasco*, 1983-VI-19

(1) *El Diario Vasco*-k: Uztapide'ko.

# Gaur aiña eskale...

---

- 1 Donosti ontan ere gaur aiña eskale,  
bestek emandakotik jan da edan zale.  
Abiatzen bazera iñoiz kalez kale,  
ikusiko dituzu makiña bat ale.
- 2 Ez dizute esango alperrak diranik,  
alaxe ote diran irudipena nik.  
Lotsagabe ausartak seitik bost izanik,  
oieri ematea ez det beste penik.
- 3 Eliz aurrean ere eska eta eska,  
agure eta atso, mutil edo neska.  
Jarriko dizkitzute besoak trabeska,  
nor errukituko dan or daude ameska.
- 4 Zenbat ijito-mota eskaka ari dan,  
sortzen ez dago errez danentzat segiran.  
Langilleak alperra asko dauka jiran,  
gaiñera nork daki noiz gutxituko diran?
- 5 Eskale gutxi-gutxi ez degu ikusten,  
ari dira oitura gaiztoak ikasten.  
Ezpadute bizio trakets ori uzten,  
ia laister labanaz larrutzen gaituzten.

- 6 Gaur entzuten deguna palta dala lana,  
ori ere urritu len gelegi zana.  
Nundik osatuko da guztientzat jana?  
Nabarmenena dabil lotsik ez daukana.
- 7 Emaleak badauzka makiña bat ezten,  
artzailleak pakean ez baidio uzten.  
Emen zer gertatzen dan ez al da ikusten?  
Emale piñik ez da iñoiz aberasten.
- 8 Ni ez nai gezurretan ariko iñori,  
egi galanta dala noski badirudi.  
Beti eska ta eska lagun urkoari,  
besterena artzeko maitasuna lodi.
- 9 Eskale gaixo oiek ezin zaizkit aztu.  
Jainkoarekin ere ibili nai justu.  
Guretzako badago makiña bat gastu,  
esku zabala dana ezin aberastu.
- 10 Mundua zuzentzeko dabillen ainbat itz,  
otar bat egiteko amar milla zumitz.  
Artzaille dagon dana emalea balitz,  
nik ere obe nuke eskalea banintz.
- 11 Gu gera emaleak daukagun pixkatik,  
aterako badegu anima kezkatik.  
Lau aixa tranposoak badaude bostetik,  
nik ez det bizitzerik izandu esketik.
- 12 Keja jendeak emen badauka naikoa,  
beartsuenak ere nai degu goikoa.  
Lana eskatu baiña neke gabekoa.  
Ortik nun izango da? Or dago kakoa.

13 Goiko mailla nai degu lan gutxi egiñez,  
nola artu liteke orrenbeste laiñez?  
Ontziak betetzean egiten du gaiñez,  
len nola bizitzen zan gaur askok jakiñ ez.

Leenengo sei bertsoak: *El Diario Vasco*, 1983-X-12, Gaiñon-  
tzekoak: S. Kalonjeren esku-idazkietatik



# Pake prestutik urruti

---

Berak emanik izanagatik  
osasuna ta bizia,  
askok ez degu aintzat artzen guk  
Jaungoikoaren grazia.  
Alkar iltzeko griña zital au  
ez da atzotik asia,  
gaur berriz armaz josita daude  
Yanki eta Errusia,  
esan diteke suaren mende  
dagola mundu guzia.

2 Su ta ke dagon labe gainetik  
nora bear degu irten?  
Utsa guztiok ezpagaituzte  
laister jartzen irakiten.  
Ez dago errez kulpik geiena  
nun dagon ziur jakiten,  
or ari dira gizon iltzeko  
tramankuluak egiten,  
pekatu dala Jaunak esan, bai,  
ori apenas dakiten.

3 Danok dakigu gizon azkarrak  
gaur badaudela munduan,  
ume txikiak giñan garaietan  
berdin entzuten genduan.  
Orain daukaten aurrerapenik  
etzan izango orduan,  
bildurgarrizko otsak badira  
gure belarri onduan,  
berekoiaeren inkurrioak  
orra zer ekartzen duan.

4 Diran laterri indartsuenak  
armak egin eta egin,  
arnas geiegi dagola eta  
pixka bat bakandu dedin.  
Beartsuaren negarrarekin  
artzen ez dutelako min,  
beren iritziz kontzientzia  
txori-luma bezin arin,  
bat eta bi il, edo milloi bat,  
oien errukia berdin.

5 Bakoitza bere aldetik beti  
iaiokeriak prestatzen,  
geiegi ona ezer ez da ta  
etzaizkit erruz gustatzen.  
Ainbat lekutan pake askorik  
ez dute manipestatzen,  
beste askotxok bezelaxe nik  
ez det gerrarik eskatzen,  
lenago ere ibilia naiz  
ta ez nau gutxi kezkatzen.

6 Aitaren egin bear danean  
azkenengo itza *amen*,  
oraindik ere Jaunari esker  
badaukat ainbeste kemen.  
Nere itzaldi mixerable au  
amaitu nai det lenbailen,  
alkar maitatzen biotzetik pin  
asiko diran baiño len,  
pake santurik ikusi gabe  
il bearko degu emen.

*El Diario Vasco*, 1983-XI-3

# Xenpelar zana

---

(Doiñua: Frantzesaren idea beti aldrebes...)

1 Milla bederatzireun larogei ta lau,  
bertsuak moldatzeko polita da au:  
batez ere Xenpelarri  
al duenak onak jarri,  
euskaldunak izan ditzan beti oroigarri.

2 Xenpelarrek ibili zuan doiñu bat  
ametsetan burura etorri zait bart.  
Nik ixilik nola utzi?  
Maitasuna erakutsi,  
bear badu soiñeko bat erosi ta jantzi.

3 Norteko trenbidea egin zanean,  
prantzesak mutil asko emen lanean.  
Xenpelarrek ikusita,  
kantak jarri merezita,  
aldrebesak ote ziran txit noski iritzita.

Trenbidea egiten prantzesak emen,  
orain eun da ogei urte edo lau-bost len.  
Aldrebesak inguratu,  
Xenpelarri gogoratu,  
merezia zutelako kantuz anparatu.

- 4 Xenpelarren iritziz ain aldrebesak,  
asko narrasten baitu bururik ezak.  
Gaur ere bai alakuak,  
xelebrezko modakuak,  
mesederik egin al du lujo gorakuak?
- 5 Betroiarenak ere onak badira,  
ainbat mota moldatzen etzan kupira.  
Jarri zuan ark ederrik  
ukatzea da alperrik,  
eskolarik deusik gabe jatorriz bakarrik.
- 6 Nik ere lengo batez irakurrita  
sariak badirala kantak jarrita,  
egin bear alegiñak  
igaroaz neke-miñak,  
Xenpelarrek entzun ditzan orain guk egiñak.
- 7 Ni ez naiz mintzatuko ergelkerian,  
Xenpelar maite dute Errenderian.  
Egia esan, guk ere bai;  
aitor zagun gerala gai,  
Xenpelar bat goraltzea zeñek ez degu nai?
- 8 Baztangak arrapatu, ark jo betiko,  
bestela etzan noski ain gazte ilko.  
Nik ez dakit zeñek naita,  
txit sasoiko illa baita,  
goiko maillan lenengoa Xenpelarren gaita.

- 9 Nabarmendu zan oso gazte-gazterik,  
ez pentsa etzegonik iñon besterik:  
    Bilintx eta Udarregi  
    etzeudenak bertsoz nagü,  
ta aiekin etzan nunbait beldurtzen geiegi.
- 10 Sarri oroitzen zaigu Xenpelar zana,  
gazterik bertsolari trebe izana.  
    Ogeitamalau urterekin  
    il zanean ark berekin,  
albiste au ematen det naiz len askok jakin.
- 11 Xenpelar aitatzen da zentzuz oraindik,  
neri ere gogoak ala eman dit.  
    Bertsolari aparta zan  
    paperean eta plazan,  
ain gazteak bakan dira euskaldun arrazan.
- 12 Xenpelar ain gazterik munduan illa,  
zeruan atsedentsu bizi dedilla;  
    opa diot biotzetik  
    bereiztea laratzetik;  
Jesus ona, errukia izan gurutzetik.

Bertsopaper-sariketa batera bialdutako bertsoak. Baiña 11 eta 12-garrena, Segundoren esku-idazkietatik artuak.

# Aita baten naigabea

---

**N**ERE lagun zintzo Segundo Kalonje jaunak urrea balio zun seme bat galtzeko zoritxarra izan du oraintsu, nik nere emazte ona galtzekoa izan nun bezelaxe. Samintasun arantzak zulatutako biotzak itzegiten du gaur. Irakurri arretaz Segundok moldatutako bertsoak. (*Basarrik erantsitako argibidea.*)

1 Zer esango dizutet nik aurtengo neguz?  
Une batean ere ez nago soseguz.  
Samintasuna eta naigabea erruz,  
atsedenik ez daukat inñolako moduz.

2 Au kemenik eza ta au argaltasuna!  
Bai mikatza dagola nere beazuna!  
Gaitza indartsu eta auldu osasuna,  
eskerrak badigula Jaunak maitasuna.

3 Aspaldi illak ditut aita eta ama,  
eta orain semea dute eramana.  
Jesusen Ama, entzun, ai, auxen da lana!  
Guk bezin ondo lendik badakizu dana.

- 4 Ezbearrak nabilki erabat nasturik,  
gertatu dan okerra ezin sinisturik.  
Izan zeikenik orrain une latz, esturik,  
bizi naizen arteko sukarra piztu dit.
- 5 Anima doi-doi eta gorputza debilla,  
lan asko egiteko ez nago abilla.  
Nora joan bear det nik laguntzaren billa?  
Zerutik zerbait doai iritxi dedilla.
- 6 Biotza malkoz urtu ta biurtu putzu, (1)  
zingira bat bezela nik daukat alatsu.  
Jesus, gure akatsak barka egizkigutzu,  
gizon argalarentzat izan errukitsu.

*El Diario Vasco, 1985-II-22*

(1) *El Diario Vasco*-k artu. Gure iritzian, *artu* bear du eta orrela idatzi degu



# Estropadak dirala ta

---

- 1 Estropadak baditugu sarri an da emen,  
jendeari erakusten dute ainbat kemen.(2)  
Zaletasuna ugari ta oso nabarmen,  
Donostia ere ona omen zan, baiña... len.
- 2 Pasaian ikusi ditut lengoan dotore,  
irteten ziran lekutik nengon parez pare.  
Amaitu zutenean, zalantzarik gabe,  
Zumaia zala zioten danen jaun da jabe.
- 3 Jendeak gogoan dauka Orioren pama,  
berez orkoa dan batek Zumaia darama.  
Astinduazten die itxasoko mama,  
ikurriñez osaturik jarri nai du zama.
- 4 Gabaz bezelatsu berdin goiz ta arratsalde,  
nere griña nabari det Zumaiaren alde.  
Zer asmorekin dabiltzan edozeiñi galde,  
noiznai "or konpon" esanda ingurutik alde.
- 5 Kirol-mota orrek ni arriturik nauka,  
atzeraka jutun dira aurrera arraunka.  
Klaudio Etxeberriak dabilkian mauka!  
Zumaiakoa baiña talde ona dauka.

6 Jesukristoren garaitik ia ogei mende,  
bekaizkeriak utzita obe, bai, bageunde.  
Etsia artzen ari da makiña bat jende,  
aurten bearko degula zumaiarren mende.

*El Diario Vasco, 1985-VIII-15*

# Oillagorraren etorrera

---

- 1 Amaitu zirala ta albiste berria:  
oillagorra ugari bada etorria.  
Jaunak, gogoan izan aurtengo urria,  
mota guztietara etzala urria.
- 2 Gozatuko ziñaten, eiztari iaiuak,  
zakurrak artu eta nolako saiuiak!  
Nik ere entzun ditut oillagor-oiuak,  
oiek ere, gaixoak, iltzeko jaiuak.
- 3 Eiztariak ez dira txantxetan ibiltzen,  
baiña nai aiña ez da tiroero biltzen.  
Egirik esan gabe zailla naiz ixiltzen:  
ni ere ona nintzan oso gutxi iltzen.
- 4 Lendik pamakoa da beti oillagorra,  
au aitortu bearra dago derrigorra.  
Gertutzen zaionean etsai jaun bat, orra,  
erru gabe iltzea bai dala gogorra!
- 5 Biotzez eiztariak duan kutizia:  
al badu il egin nai eiz bat ikusia.  
Alde batera gauza illun, itxusia:  
errurik gabeari kentzea bizia.

6 Nabarmendutzen dira eiztari trebeak,  
txarrenak baiño sarri onenak obeak.  
Or erakusten ditu bakoitzak bereak,  
kolkoan gorde gabe abilidadak.

*El Diario Vasco, 1985-XI-21*

**Esku-idazkietako  
bertsoak**

# Kukuari

---

- 1 Kukuia entzuna naiz garboso lenguan,  
ez nion antzik eman zer zeukan goguan.  
Aprikatik bidaia egin du eguan,  
ai zeñen apaiña ta bizkorra dagan!
- 2 Erakutsi izan du makiña bat trukatu,  
ta mendekuarekin portatzen da trapu.  
Asko engaiñatuaz kantatzen du *ku-ku*,  
iru illabeteau du bizi-leku.
- 3 Aprikan daramaki geiengo bizia,  
ori zer turista dan dago ikusia.  
Udaberria dauka berak berexia,  
ta orain moldatzen du Europa guzia.
- 4 Bera paketsu eta txiroari gerra,  
orra nola dabillen turista alperra:  
besteari ipiñi lan asko ta lerra,  
zitalak prestutzeko ejemplo ederra.
- 5 Txantxangorria eta geiago ere bai,  
kabia nun daukaten lenbailen jakin nai.  
Besteri lana jarri, berarentzako jai,  
mendekoa zigortu, ortarako da gai.
- 6 Ni iñoiz ez naiz irten kukuaren alde,  
arrazoi zeñek daukan nai diotet galde.  
Arraultza uzten die, beste gabe alde,  
txantxangorri gaixoak lanean debalde.

- 7 Ori kontzientzia nabar edo marroi,  
biotz gogorra danak nai ainbeste galoi.  
Kukua bizi zaigu arro ta panparroi,  
txantxangorriak dauzka neskame ta morroi.
- 8 Aurten ere European entzun degu kuku,  
udaberrian orrek au du bizi-leku.  
Badu malizia ta beste ainbat truku,  
kontzientzi maltzurra, zikin eta trapu.
- 9 Ostiral santu goiza, ez nezake uka,  
nola ari zan ori garboso kukuka.  
Txorien elkartean pama txarra dauka,  
ni ere lautatik bat nago bere aurka.
- 10 Ez da asko nekatzen umea azitzen,  
lenbizi mantendu ta lanean ezitzen.  
Txit aberats moduan badaki bizitzen,  
txantxangorria dabil guztiak nozitzen.
- 11 Txantxangorria eta geiago badira,  
iñoiz egon izan naiz arretaz begira:  
kukuaren arraultza onartu kabira,  
misterio au ere ain arrigarri da.
- 12 Emen pasatzen ditu iru illabete,  
ta beste bederatzi gugandik aparte.  
Txori gaixoen poza an bizi dan arte!  
Onuntz datorrenean diktadore dute.

# Xenpelarren etxean

---

- 1 Errenderian ospakizun bat  
ikusi nuan lengoan,  
ezaguerarik dedan artean  
edukiko det gogoan.  
Ezin ditezke asko aurkitu  
jarrera obeagoan,  
Xenpelar il zan txoko xar ura  
ai zeñen txukun dagoan!
  
- 2 Ez det esango ziran ainbeste:  
milla ta eun bertso berri,  
Xenpelar kultur orretarako  
jendeak oparo jarri.  
Leialtasuna esaten zaio  
sendi batean lan orri,  
ezaugarri da zaletasuna  
ez dagola beintzat urri.
  
- 3 An gertatua esan bear det  
dan bezelaxe aurrena,  
bestela lasai ez da egongo  
sekula nere barrena.  
Esan dutenez ni omen nintzan  
norbait bear da zarrena,  
arritzekoa ez danez noski  
baldarrena ta txarrena.



- 4 Nere moduko maillan dagon bat  
egon diteke kontentu,  
alaitasuna datorkit eta  
zerbait bear det kantatu.  
Eratzailleak, nai zaituztet nik  
biotz-biotzez aipatu,  
oso merezi dezutelako  
eskertu eta maitatu.
- 5 Lenengo iru saridun oiek  
ain ziran zoragarriak,  
nik bezelaxe epaitu zuan  
entzuten zegon erriak.  
Xenpelar il zan etxe orretan  
urrezko bertso berriak,  
arrobi jator piñetik eta  
eskola onez jarriak.
- 6 Errenderi da uri polit bat,  
ez noski oraingoxia,  
Xenpelar zanak azaldu zuan  
benetan pake-gosia.  
Antzeman zion bazetorrela  
pozoizko trumoi-aizia,  
geroztik emen gertatzen dana  
naiko kondaira luzia.
- 7 Ausardi aundiz mintzatzen banaiz,  
Aurrezki Kutxa, barkatu,  
ezjakin batek ezin lezake  
gauza aundirik markatu.  
Uste ez diran gauzak askotan  
nola oi diran gertatu,  
zuzen zoazte orain artean,  
aurrera ere portatu.

8 Eratzailleak, nai zaituztet nik  
al dedan asmoz goraldtu,  
euskeragatik saiatzen danak  
zerbait merezi ez al du?  
Euskotarrok bakoitzak bere  
alegin guzian eldu,  
guraso zarren batasun ura  
ez genduke bear galdu.

# Ogi egillea

---

- 1 Munduan igarota orrenbeste urte,  
oraindik ere zaude osasunez puerte;  
Jaunari erregutu bizi zeran arte,  
il da gero zerua ez genduke kalte.
  
- 2 Justo izena du ta ibiltzen da justu,  
parrandan diru asko kastatuko eztu.  
Gaztetan ikasia orri nola aztu?  
Lagun urkoarekin portatzen da prestu.
  
- 3 Opizioz izan da ori panadero:  
neguan leku ona: otzik gabe bero.  
*Okerra* ez da izan zenbait bezin ero,  
zuzen jarraituko du noski onuzkero.
  
- 4 Jaunak laguntzen dio txintxua danari,  
ta garaiz lagatzea ohea lanari;  
bai nik ere baneuka nai ainbat janari,  
mundu ontan badago amaika komeri.
  
- 5 Ipiñiko dizkizut bost edo sei egi,  
etzaituzte epaitzen alper edo nagi;  
gorputzarentzat lana egin bai geiegi,  
zuk eginda jan degu makiña bat ogi.

- 6 Langilleak morroi ta alperrak nagusi  
iñoiz an edo emen ez al da ikusi?  
Justo, zu beintzat orain kejatzen ez asi,  
badakit mixerian etzerala bizi.
- 7 Etzaituzte ikusten nagi eta baldar,  
iñork ez dizu joko neri aiña adar.  
Ez natzaizu asiko atzetikan marmar,  
Edozertan bazera ni alako amar.
- 8 Ederki bizi zera erretiratuta,  
nola ondo liteken zuk begiratuta;  
ni beste batzuekin nago arrituta,  
alkolak bere mende artutzen ditu ta.
- 9 Beti ikusten zaitut lasai pazientziz,  
beste askotxorekin oso alderantziz;  
lujorikan gabea janean ta jantziz,  
zeruan ere daude olakuen antsiz.

# Ez dakit zer esan

---

- 1 Nere zaletasunak gogoz eragiñik,  
euskeraz ikasteko etzait aitu griñik.  
Ai, ez balitz elduko belarrira miñik!  
Askotan gelditzen naiz ulertu eziñik.
- 2 Nik maite detana da izkuntza otxana,  
baztertu egin zuten lenago or zana;  
ta oraingo berriak batuaren pama,  
negarrez ikusten det euskeraren ama.
- 3 Euskerak badu ainbat arantz edo ezten,  
txit soiñeko polit bat ari dira jazten.  
Egitura obean ez badie josten,  
nor aleginduko da batua ikasten?
- 4 Ama Euskerarentzat ez al da tamala  
elkarrekin konpondu gu ezin gerala?  
Auxen da bizimodu aula ta argala,  
jakinda lengo zarrak osatzen zirala!

# Tolosara joanda

---

- 1 Abenduaren bian Tolosara joanda,  
egokitu zitzaidan kantatzeko txanda.  
Aiton bertsolari bat an azaldu zan da,  
saioa bukatu zan somalak esanda.
  
- 2 Garboso zegon eta asi zan kantatzen,  
ain xelebrea zanik ez nuen pentsatzen.  
Beti tontoarekin ni ez naiz juntatzen,  
zein zertarako dagon badaki tentatzen.
  
- 3 Illundu eta laister, seirak-zazpietan,  
Tolosan *Bar Astelen*, arku azpietan;  
gauza bat entzuten nik baztar guzietan:  
“Ez daukak zer egiñik Ikaztegieta”.
  
- 4 Lengo astelen batez *Bar Astelenean*,  
kantari jardun giñan umore onean.  
Alderantzi aundirik etzan azkenean,  
ai arrapatu banu biaramonean!
  
- 5 Ori da Axentxio, ni, berriz, Xegundo,  
elkartu ez giñanak sekula egundo.  
Gustora jardun giñan gaizki edo ondo,  
orregatik ez gera inpernura joango.

- 6 Baditu zazpi seme ta zazpi alaba,  
ez du desondratzerik merezi, al bada.  
Gaur askok egiten du parra ta algara,  
ume asko sortzea pekatu al da ba?
- 7 Kontzientziko karga erabat arindu,  
apaizen agindua txit zuzen egin du.  
Amalau ondorengo bakoitzak bagindu,  
talorik gabe tripa zerekin berdindu?
- 8 Gure lenengo gaitza bat beintzat zar-miña,  
ez jateko agintzen digute sardiña.  
Ordaintzen badizute lan asko egiña,  
sarritan jorratua zera zu jardiña.

# Urte berria iritxi zaigu

---

Urte berria iritxi zaigu  
baiño ez animosoa,  
bai al dakigu nun ipiñi guk  
ematen degun pausoa?  
Etxian ezin konpondu eta  
maitatzen degu auzoa,  
tamalgarria bai au degula,  
ez gaude sendi osoa,  
itxaropenak amaitu zaizkit,  
Ama Euskera gaixoa.

2 Ikasi ez ta ez jakin arren  
politikako berriak,  
geiegietan entzuten ditut  
naspilla tamalgarriak.  
Batek bat esan, besteak aurka,  
ezin arturik neurriak,  
bein bear eta premi galanta  
badauka Euskal Erriak,  
Europatikan badatozkigu  
opariz urre gorriak.



3 Orain artean ez gera bizi  
onetik sarritan janda,  
ta berriz ere kostako zaigu  
laterri oiek emanda.  
Ez al gaituzte preso sartuko  
egi aundi bat esanda!  
Guretzat ere komeniko zan  
zerbait ikasteko txanda,  
aurrerapena elduko zaigu,  
an sobre egongo zan da.

4 Guk ez dakigu zertarako dan  
onean edo kaltean,  
etzan guztien gogozko baiña  
lotu gaituzte katean.  
Askotxorentzat atsekabe da  
ortara ezi artean,  
naiago nuke biziko banintz  
beste amar bat urtean,  
zer gertatu dan an esateko  
...tro zarrera joatean.(1)

5 Nola sinistu ezin diteke  
Ama Euskerak diona?  
Zenbaitentzako ez da izango  
iñolaz ere gai ona.  
Euskaldunaren arraza emen  
luzaro aske egona,  
Españiak gu gaur bere mende,  
Prantziak berriz Baiona,  
batek bestea menperatzeko  
sortua baita gizona.

6 Urte berriak ekarri digu  
len ez genduan jazkera,  
ontzat artutzen ez badegu au  
ondo biziko ez gera.  
Entzuten danez, zer aldakuntzak  
egun batetik bestera!  
*Mercado Común* ezagututzen  
oraintxe goaz astera,  
zerbait ikasten igaroko det  
il bear dedan bezpera.

7 *Mercado Común* bear dala ta  
ez dira atzo asiak,  
au nai zuanak emango dizka  
Jaungoikoari graziak.  
Ala diote: badatozkigu  
gaiñera zerga berriak,  
lenago ere supritutzen du  
euskaldunaren biziak,  
deabru zarrak jango dizkigu  
emengo irabaziak.

(1) Leenengo itza erdizka idatzita dago Segundoren esku-  
-idazkian.

# Mendi tarteko txoko bat

---

- 1 San Pedro eta San Juan or daude bi Pasai,  
irugarrenak ere badu zerbait usai.  
Itxasotik sartu ta jartzen dira lasai  
barku galant askoak, nork zer nai duan zai.
- 2 Pasajes Antxo degu kaiaren izena,  
oraingoz aunditu da len txikia zena;  
ta bere inguruan nunai almazena,  
begiz ikustea da gauzik errezena.
- 3 Ontziak sartzen dira sarri itxasotik,  
makiña bat ikurrin bai mundu osotik.  
Oiek ematen duten etekin gozotik,  
zenbatek jaten du or lenengo pausotik?
- 4 Arrantzarako ere sortzen da mutilla,  
Trintxerpen kokatzen da galiziar pillla,  
asko bizi diranak eta zenbat illa,  
itxasora irtenda arrai oien billa.
- 5 Pasaitik ikusten da Aiako Arria,  
ezaugarri modura aspaldi jarria;  
eta ark asko maite du Pasaiko erria,  
pasaitar danarentzat bai oroigarria.

- 6 Pasaiko txoko orrek dauzkan garrantziak  
bearrezkoak ditu gure probintziak.  
Munduaren atzetik onuntz ur-ontziak,  
zama galant askoak iñoiz erantsiak.
- 7 Arrantzarako ere ainbat itxas-ontzi,  
zuengandik gera gu arrai onez jantzi.  
Aurrerakoan ere, al bada, ez etsi,  
gosez il ez gaitezen biar edo etzi.
- 8 Legor aldera ere begiratzen det nik,  
ez pentsa gezurretan asiko naizenik;  
egiten baldin badu eguraldi onik,  
egoaize apalaz laiño gabetanik.

# Gernikako zugaitza

---

- 1 Zutitu berria da Gernikan aritza,  
ez du izandu urte askoko bizitza;  
Euskal Erriarentzat au da zorigaitza,  
lege zarraren aurka zergatik dabilta?
- 2 Gaiztokeriak errez artzen ditu gainak,  
etzaizkigu iritxi albiste bikaiñak;  
satorraren atzapar, ortz eta ezpaiñak,  
orrek ondatuko ditu aritzaren zaiñak.
- 3 Bizkaian ere orain piñua ugari,  
emen ere besterik ez baita ageri;  
Sator deabru orrek jakingo du ori,  
aritza nola azi luze eta lodi?
- 4 Aritzaren ondoan dabiltzan satorrak,  
ez dira danak noski izango jatorrak;  
ordaintzen ari gera gezurrezko zorrak,  
nik bezin ondo daki Jaungoiko illezkorrak.
- 5 Besteren lur astintzen dabillen satorra,  
bera nabarmentzen da ez dala jatorra.  
Belarri motza baiña ez da txit ain gorra,  
Euskal Erriarentzat bai biotz gogorra.

- 6 Garbituko balira sator gaizto danak,  
lotsagabekerira etortzen diranak...  
Bestela alper samar dira gure lanak,  
asko ez al dituzte lendik eramamak?
- 7 Euskal Erri apur au nola baitan pixka,  
nunaitik eskaleak inguratzen zaizka;  
Praintziak ere lanak erantsitzen dizka,  
bere mendean dauzka ainbeste erriska.
- 8 Osatuko bagiña zazpi anai garbi,  
aurrean ipiñiaz ikurriña argi...  
Emen zer gertatzen dan badakigu sarri,  
tartean daudelako dozena bat txerri.
- 9 Aspalditxoan daude gauzak zikinduta,  
arrazoi aundi gabe goitik aginduta,  
nagusiaren mende morrontzan oituta,  
deabruak derrigor beartzen gaitu ta.
- 10 Batetik Espaiña, bestetik Praintzia,  
zeiñen zikin daukaten gaur kontzientzia!  
Ama Euskera dabil arlote jantzia,  
ta nork ez du entzuten beraren antsia?
- 11 Gernikako zugaitza, nik entzun dedanez,  
zu etzaudela oso gaixo osasunez.  
Sarri oroituko naiz gabaz ta egunez,  
bai otoitz egin ere biotz-maitasunez.
- 12 Guretzat pozgarri da zure ostajia  
indartu omen zera utzirik ajia;  
azitzen jarraitzeko badu korajia,  
txit maite duelako bere parajia.

- 13 Gernikako arbola ez al da ezagun?  
Emengo pekatua aitortu dezagun.  
Jendia or jardun da jo ta ke gau ta egun,  
ta orain zuretzako piñu beltza lagun.
- 14 Ez bazaizu gerrira sartzen beintzat arrik,  
zure ostaje ori ez degu alperrik.  
Zugandik elduko da ezkurtxo ederrik,  
piñu beltzak ez dezan *ja ja* egin parrik.
- 15 Piñu beltz ori degu berez kanpotarra,  
losintxeroa eta laguntzaille txarra.  
Aritzaren lurrean egin nai du parra,  
sortu zan tokian jo dezala adarra.
- 16 Gernikako arbola, zu zera aritza,  
euskaldunaren alde benetan zabilta.  
Mundu guztiak daki gure zorigaitza,  
guk nai gendukena da zure nagusitza.

# Penitentzia

---

- 1 Iñork entzun nai badu nik joko det kuxkux, eskubiz ezin badet ezkerreko eskuz: ez nuke nai jartzerik ainbat milla eskus, uraxen bai tristea litzakela, Jesus.
- 2 Goseak egoteko agintzen didate, ogei bat kilo beintzat ezkutatu arte. Ni oso argaldurik ikusi nai naute, eskean asiko naiz laister atez ate.
- 3 Goseak dagoena nola egon ixilik? Urdai-azpikoak bai Kastillan zintzilik. Aietako bat iñork eskeiñiko balit, igaroko nituzke amar aste polit.
- 4 Goseak ibiltzeak mintzatu azten nau, pentsatu ez dedala gauz atsegiña au. Gazura beste gabe bost egunetik lau, nik nola egingo det onenbeste barau?
- 5 Goseak egoteak ematen dit miña, len ere sarri naiz ni barauak egiña. Badakit ez dala au penitentzi piña, nere urdaillak dauka asetzeko griña.



- 6 Ez banaute ipintzen lotuta katean,  
okerrago ez banaiz aurtengo urtean,  
naikoa jan bear det alako batean,  
etxean ez bada ere norabait joatean.
- 7 Entzun arren belarriz aolku bikaiñik,  
ni etxera joan nintzan sinistu eziñik.  
Iñork ipintzen badit urdai gorri piñik,  
etzait gogoratuko ankan dagon miñik.
- 8 Sendagilleangana egiñik bixita,  
adierazi zidan ondo ikusita:  
“Zuk egin dezuna da rejimen gutxi ta,  
kardoak jan itzazu urdaia utzita”.
- 9 Sendagille jaunaren esanetara ni  
makurtu egin bear, ta zenbat armoni!  
Nere buru guztia biurturik burni,  
ezjakiñak baditu amar milla mani.
- 10 Nere lagun Zukunza, tentatzen nazu maiz,  
ta erantzungo dizut jartzen didazun gaiz.  
Zure emazte ori ezagutua naiz,  
zu ola ezin bizi joan baziña apaiz.
- 11 Ondo ez bada ere nik erakustea,  
ez da besterik lengo letrak ikustea.  
Oraindik sasoikoa ta naiko gaztea,  
ederra ta goapa da zure emaztea.
- 12 Goseak dagoanak zer daukan gogoan  
oroituko zerate geroxeagoan.  
Jango luken zertxobait nai luke aoan,  
errukitsuagana obeko det joan.

13 Ez da errez ipintzen emen kontu danak,  
ulertuko al ditu konturatzen danak,  
nik mundu triste ontan pasa ditudanak,  
egin nindutelako aitak eta amak.

14 Eskean ibiltzea ain da nabarmena,  
ala ez bear baiña lotsatzen nauena;  
goseak egotiak ematen dit pena,  
Jaunari egiten diot nere aitormena.

# Ezbearrak

---

Askok diote mundu au dala  
berezko naturaleza,  
ezbearrari iges egiten  
emen ez dago erreza,  
aserretzean itxasoa ta  
odeietako ur geza;  
beste sustrairik ez ote dagon  
erreparoa jar beza,  
oker daukate jakintsu otzak  
Jesus sinistu nai eza.

2 Zati galanta paltatu zaio  
Euskal Erriko uztari,  
nork etekiña kenduko dio  
ezereztu dan puskari?  
Kalte aundiak izango dira,  
berriro eldu ez bedi;  
Jaungoikoari egin zaiozun  
al degun ainbat eskari,  
pixka-pixka bat konpondu ditzan  
Kantabria ta Euskadi.

- 3 Zigor gogorak jipoitu gaitu  
Santander, Bizkai ta emen,  
ondo pentsatzen jarri ezker  
gu zeñen aulak geraden!  
Guk ez dakigu ezbear oiek  
zergatik sortzen diraden,  
len eziñean zebillen asko  
betiko utzirik erren,  
nik ondo nola adierazi  
zenbat naigabe dakarren?
- 4 Mundu onetan guretzat dira  
atsekabe eta penak,  
Euskal Errian geiegi noski  
oiek sufritzen daudenak.  
Gertatu diran kalte gogorak  
ezin kabitu barrenak,  
eta burura eldu ere bai  
litezken asmo txarrenak,  
nik bezin ondo esango luke  
berak proatu duenak.
- 5 Ugoldeak nik gogoan ditut  
emen izanak len ere,  
berrogeitamar urte joan dira  
au zanetikan dotore.  
Garagarrilla amabostetik  
amaseira zegon jabe,  
Korpus-gaba zan ta jardun zuan  
deus aterrunerik gabe,  
Ernanitikan Donosti arte  
asko oroitzen dirade.

6 Gero galanta gertatu zana  
andikan ogei urtera,  
Oria ibaia gainezka eta  
berdin Urola partera.  
Zestuan ere *Guipuzcoana*  
ezin putzutik atera,  
orduko markak txautu dizkigu,  
ausartzen naiz esatera,  
Bizkaiari beintzat jende geiago  
irentsia du urpera.

# Jose Maria Arrietari

---

(Doiñua: "Nagusi jauna, auxen da lana...")

Arrietaren lau bertso polit  
oiek irakurtzeak poz eman dit.  
Orrek goraldtu nai du Basarri.  
pentsatu izan det nik ere sarri:  
    maisu da bera  
ta gu beraren ikasle gera;  
sasoi daukanak jarrai aurrera.

2 Au zure lana azaldu dana,  
modu txit politean egiña dana.  
Nai duen guztiak bertan ikusi,  
nork esan daudela gauzak itxusi,  
    baizik apaindu,  
itz neurketa dotore zaindu,  
pentsamoldea erreza ain du.

3 Arrieta, zuk darabilkizun  
politika ori ez dago lizun.  
Bide txarrean etzera eldu,  
aurrera ere berari eldu,  
    ziñetan eutsi;  
alde egiten errez ez utzi,  
gauz onak ez du balio gutxi.

4 Nereak arrunt egin du eta  
sasoi bete-betean zu, Arrieta.  
Orain berrogei urte ni ere nitzan,  
aberasterik ez nuan izan,  
gaur nago pobre,  
mundu ontako ontasun gabe,  
animarentzat bera det obe.

# Zinkoeneko Iñaxiori

---

- 1 Zinkoeneko Iñaxiori  
nago itzegin biarra,  
bertako seme ez izan arren  
berez da ernaniarra.  
Sal-erosketan balio du ta  
atera dio giarra,  
mats gozuaren mama salduaz  
artua dauka indarra.
  
- 2 Aspalditxotik ezagutzen det  
nik Iñaxio Setien,  
lengo batian bere lagunei  
gauza bat entzuten nien:  
“Guk bere ondra jarri nai degu  
apalian txukun goien,  
gure sendiko bat izan ezik  
ori maite degu geien”.
  
- 3 Tratante ere ibili ziñan,  
ez dezu etxerik galdu,  
joan da Kastillan beiak erosi,  
ekarri ta emen saldu.  
Mesede onak iñori egin,  
bera aurrera azaldu,  
ondo portatzen dan gizon batek  
zerbait merezi ez al du?



4 Gerrarik gabe bizi biagu  
guk elkarrekin pakian,  
animarentzat ere gauz ori  
ez da izango kaltian.  
Pazientzia nik sendo daukat,  
zu diruz bete-betian,  
lagun urkoa anpara zagun  
munduan geran artian.

5 Gorrotorikan ez dauka iñork  
nigatik eta zugatik,  
ziurtantzia jarriko dizut,  
kenduko zaitut dudatik.  
Baserritarrak diotena da:  
“Zenbatean orregatik?  
Makiña bat bei ekarria dek  
ori Torrelavega-tik”.

6 Len bei ekartzen saiatu ziñan  
ta orain berriz ardua,  
zure etxian makiña bati  
ikusten diot garbua.  
Esaten dute: “Zinkoenean  
dagoen gizon mordua!”.  
Zu lasai-lasai bizi zaitia,  
oraintxe dezu ordua.

7 Al badet ez det neretzako nai  
komeni ez dan lanikan,  
nere iritziz ez derizkiot  
au gaizki dagoanikan.  
Berriz ara nik azaldu gabe  
ez det izango onikan,  
an edo emen billatzen badet  
ni eramango naunikan.

# Garizumako burutazioak

---

- 1 Adan da Eba aien lenengo sorrera  
ta, esaten dutenez, ez leku txarrera.  
Deabrua azaldu muturrez aurrera,  
orduan jetxia da gizona lurrera.
- 2 Gizonaren sorrera zan Paraisuan,  
an ondo bizitzea Jaunak naiko zuan.  
Baiña suge gaiztoa zeukaten auzuan,  
ark itzegin zioten gorroto osuan.
- 3 Deabruarengatik leku ona galdu,  
Jaungoikoak gizona lurrera bialdu.  
Zeru-usaia kendu, betiko argaldu,  
gaurko zientzi askok nere ustez au du.
- 4 Jaungoikoak sorturik Eba eta Adan,  
au zeïnek daki ondo zenbat denbora dan.  
Nik pentsatzen dedana auxe da neregán:  
emen iñork ez baiña jakingo dute an.
- 5 Urte batek aldegin, bestea etorri,  
milloiak badirala entzuten det sarri.  
Gutxienez erdia gezurra bai jarri,  
ziurtasunik iñoiz ez det irakurri.

- 6 Umerik umeenak, sasoiko eta zar,  
iñork ez du ukatzen geranik mundutar.  
Jainkoak lurrarekin egin gindun belar,  
lurrarekin sortu ta lur biurtu bear.
- 7 Testamentu Zarreko millaka urtiak,  
uralde bildurgarri eta legortiak;  
ondo itxita zeuden zeruko atiak,  
neurri gabeak ziran zetozen kaltiak.
- 8 Testamentu Berrira bear zan aldatu,  
askok etzekiten nun gauz ori galdetu.  
Jaungoikoa beartsu ortara moldatu,  
gizon aundizki asko ziran asaldatu.
- 9 Jesusen etorrera izan zan ixilla,  
ogei ta lau edo bost, abenduko illa.  
Erodes ibili zan aurtxo orren billa,  
bi urtetik berako asko zuan illa.
- 10 Askok ezin sinistu izan arren sarri  
Espiritu Santuak egin zion argi.  
Ama Mariagandik Mesias etorri,  
berriro utzi zuan len zan bezin garbi.
- 11 Ama Maria eta aitatzat San Jose,  
Jesusen gurasoak ziran orrelaxe.  
Jauna gure animaz gertatzen zan gose,  
Semea ill artean ezin baizan ase.
- 12 Dotriña apurtxo bat sinisten degunak  
maite ditugu Aste Santuko egunak;  
aurten ere ez dira izango legunak,  
arro samar dabilta Kaipas da lagunak.

- 13 Judasek saldu zuan Jaun altsua errez,  
alakoa zalako diruzale berez.  
Bi gizon gaizto ziran Kaipas ta Erodes,  
Jesusen alde oso Pilatos ere ez.
- 14 Gizona zer belar dan jakiñik munduan,  
ezin erabakirik ez daukat buruan.  
Judutarrak Mesias il zuten moduan,  
gaur ere etsai paltik ez dauka onduan.
- 15 Nork bete nai du ondo gaur eginkizunik?  
Gaitz erdi ez balego izketa lizunik.  
Mundutarren artean ez dago gauz onik,  
Jauna, zuk nai dezuna eskatzen dizut nik.
- 16 Guk dakigun apurra aipatzera guazen:  
geroztik zenbat urte triste dijoazen.  
Deabruen eskolan kontzientziz gizen,  
Jainkoari utzi ta beragana zuzen.

# Santio eguna

---

- 1 Lengoan gertatua nua esatera,  
askok pentsatuko du: "Egia ote da?".  
Lenbizi obeko det kontuak atera,  
gero irten ditezen zuzen bat-batera.
- 2 Lengoan dama batek eman zidan musu,  
berak ez du kulparik, bestek emanda su.  
Ezpain politak eta legunak dauzkazu,  
eskerrik asko ola maitatzen banazu.
- 3 Dama ori ez dago zarra ta baldana,  
baiña inguratu zan aitonarengana.  
Nik pentsatu nuana: "Ai, auxen da lana!".  
Ni mugitu baiño len ark musu emana.
- 4 Oraindik gaztia da, dago marrobia,  
oso-osorik dauka bere arrobia.  
Poza eman zidan, bai, gero errabia,  
aulkiaren gaiñetik jausi nintzan ia.
- 5 Urte geiegi dauzkat nere bizkarrian,  
ta asko ohea ez reuma iztarrian.  
Antxe gelditu nintzan guztien aurrian,  
damak musu eman da erdi negarrian.

6 Konpesatu nuan da ez dala pekatu,  
praileak erantzuna nai nuke kontatu:  
"Aitona zartu bati gauz ori gertatu?  
Errurik ez dezu ta nun da zer barkatu?"

# Bilintx

---

- 1 Ezin esan nezake nik askoz geiago,  
ortan nabarmendua nere ustez nago;  
oraindik gaztea ta gaiean banego,  
biurtuko nitzake maitasunerago.
  
- 2 Loreak botea zan amaika neskaxi,  
lan ortan etzuan ark egin oso gutxi;  
eskeiñi genezazke eskerrak Bilintxi,  
orra ura il zala eun urte iritxi.
  
- 3 Bilintx zoriontsua al zan mundu ontan,  
ezbear zital batek ala iltzekotan?  
Neskaxak erabiltzen zituñ aotan,  
itz goxo zoragarritz maitasun berotan.
  
- 4 Naiz bera egon arren barrendik egarri,  
Bilintx zan Donostian maitasun-iturri;  
joaten bagera ere danok erriz erri,  
nola emango degu gizon aren berri?
  
- 5 Besterena joan gabe maitatutzen det nik  
artu nuan ezkeru, ta ez daukat penik.  
Esaten banazute iñor joaten danik  
andrea nola maita alako gizonik?

- 6 Pentsatu izan det nik neronek askotan:  
 “Errurik bai ote det nik agindu ontan?”.  
 Etzait amiorik deskuidatzen lotan,  
 zertarako andrea ez maitatzekotan?
- 7 Ordu askotan beintzat nik ez daukat betik,  
 ezin jarri nezake ortan etiketik;  
 egun danak berdiñak ez izanagatik,  
 andreagana ez det amorio-paltik.
- 8 Aren maitasunari jarrita begira,  
 neri ere biotzak eman ziran jira;  
 ta loreak artu ta neskatxeiri tira,  
 amoriozko usaiz kutsatuak dira.
- 9 Asi nintzanerako neskatxen atzetik,  
 nik eramaten nuan poza bat etxetik;  
 ta esaten niona lenengo itzetik:  
 “Nai zinduzket neretzat biotz-biotzetik”.
- 10 Askok ez baininduten aintzakotzat artzen,  
 gauz ori ikusita nik biotza lertzen:  
 ez ditut pena oiek txantxetan agertzen  
 nere amiorik etzuten ulertzen.
- 11 Ni penak igarotzen nago ikasita,  
 benetako baimenik ezin iritxita;  
 itxaropenarekin galdezka asita,  
 utzi izan ninduten betiko etsita.



# Amodioa

---

- 1 Amorez zoraturik nago batengana,  
iñon ezin aurkitu nik daukadan lana;  
zoritxar petral ori sortu neregana,  
ai baneki galdezka asi zeinengana!
- 2 Amorez zoraturik nago batengana,  
neskatx dotorea da, izena du Ana;  
nik baneki nola joan . . . beragana,(1)  
bestek egin nai liket bitartekoz lana.
- 3 Egokituko al zait bitarteko onik,  
nik maite dedanaren lagun ezagunik;  
disimuluan gauza eramango naunik,  
atsekabe galantak igaro bear nik.
- 4 Nere biotzak dauzka naigabe gogorrak,  
utsa baldin baleuzka len eginda zorrak;  
supritu azten dio maitasun jatorrak,  
ori badaki ondo Jaungoiko illezkerroak.
- 5 Ai jarria banego beingoz ezkondata,  
bestela ezin bada Jaunak lagunduta!  
Neretzako lirake poza ta konduta,  
orain arte txandarik ez det izandu ta.

- 6 Gaur askok maitasuna dabilki danbolin,  
lepoko txintzarria joaz tilin tilin.  
Donostiarren pama lendik buru arin,  
oraindik kutsu danak ez dute aldegin.
- 7 Goibeldutzen ninduten oso etsipenak,  
baiña etziran joaten amorio danak;  
kanpora atera ta barrenen zeudenak  
berezten zizkidaten neskatx ederrenak.
- 8 Nai ta eziñak bere istilluak ditu,  
etzitzaidan nai bezin azkar egokitu;  
nunbait ala bear da norbait errukitu,  
azkenean mutil zar ez nitzan gelditu.

(1) Itz guziak ezin ulertu Segundoren idazkian.

# Il bearra

---

- 1 Egunaren minutu geienak oiean,  
miña bialdu edo sendatu naiean;  
astean triste eta pozik ez jaiean,  
ementxe bizi gera iltzeko gaiean.
- 2 Il bearco degula danok badakigu,  
bera daukagulako aurrean testigu;  
begiratu ederra egiten ez digu,  
orretzek jartzen gaitu miñez ta gaizki gu.
- 3 Il bearrak askori sortzen dio pena,  
nik garbi egingo det nere aitormena,  
ikusten dedalako gauza nabarmena,  
ez beste iñorena: Jaungoikoarena.
- 4 Il bear ori ez da izango alaiia,  
ia guztientzako aurkako etsaia;  
iñoiz uste ez dala eltzen da garaia,  
naiz berak ez eduki iltzearen naiia.
- 5 Pekaturik gabeko bat iltzen danean,  
uraxe bai zerura pozik zuzenean;  
baiña gu errudunak gera geienean,  
orreatatik bildurra dago azkenean.

# Banaka eta binaka

---

**B**ANA eta bina ere azaldu dira bertsoen batzuk Segundo Kalonjeren esku-idazkietan. Sailen bat jartzen asi eta berealaxe aria eten edo ez dakigu zer izango dan. Ale oiek atal ontan eskeintzen ditugu, illunpean gelditzerik merezi etzutelakoan.

On aundirikan egingo al du  
dabilen aize gaizkorrak?  
Gure basoan ikusten dira  
pozoi gaiztoko aizkorak;  
besterenetik jan nai dutenak  
malezioso pizkorrak,  
erle tartera sartu zaizkigu  
kaltegarritzko listorrak.

2 Jateko aiña irabaziaz  
an eta emen lanian,  
urtez aurrera banua eta  
iraungo al det lenian.  
Mundu ontatik joan bear ori  
laister etortzen danian,  
ostatu txiki-txiki bat nai det  
zeruan toki onian.

\* \* \*

3 Nere buruko korapilloak  
modu ontantxe dira ba;  
entzun, Manuel, etzera gizon  
zitara eta billaba.  
Auxe aztertzen igaro ditut  
iru egun da bi gaba,  
dan bezelaxe aitortu gabe  
nik ez nizuke nai laga,  
Euskal Erriak ezaugarri du  
Lasarte Arribillaga.

\* \* \*

4 Martzelino Gipuzkoan dabil boto billa,  
ez izan balitz jatorriz lotsati sotilla.  
Orrek indartu nai du lagun Martin Villa;  
konparazio batera nik banitu milla,  
bat ez nioke emango, or konpon dedilla!

\* \* \*

5 Bista bajatzen ari zait baiña  
oraindik irudipena,  
lengo almenak joan zaizkit eta  
orrek ematen dit pena.  
Ametsik ere ez egitea  
noski neretzat onena,  
pekatu danak utzi beaitut,  
jaunak, al dedan lenena.

\* \* \*

6 Xabier, gaur al dezu urte betetzia?  
Aita egokitu da zutzaz oroitzia;  
gaur ez dala ausartu zu esnaratzia,  
gauz au nai lukeala zuri kantatzia.

\* \* \*

7 Utsegiteko bildurrez beti,  
ez nabil egokieraz,  
ezjakintasun tamalgarria  
aitortu nezake beraz.  
Au da polita euskaldun soilla  
gaur urri dago izkeraz,  
ez dakitenak ikas dezaten  
mintzatuko naiz euskeraz.

\* \* \*

8 Ataundar bati emen deitzen die Ontza,  
amaren bularrian utzia du lotsa.  
Patar zalea dala entzun det nik otsa,  
neri sartu nairikan ziri bat zorrotza.

\* \* \*

9 Atsedean aundi gabe daukagu nekia,  
an edo emen bada sarri atakia.  
Deabruak jartzen du sua eta kia,  
ez al genduke obe Jaunaren pakia?

\* \* \*

10 Ez digute utzi nai iñola paketan,  
azken urtiak doi-doi sutan eta ketan;  
gure odola laister or da erreketan,  
orra nere iritziz zer pentsatzen detan.

\* \* \*

11 Amorioz zoratzen neskatx batengana,  
baiña aintzat ez artzen, au auxen da lana!  
Nere biotzak daukan ezin eramana,  
piatzen ez dalako ori neregana.

\* \* \*

12 Beste zertxobait ere bear diot tira,  
lotsarik eman gabe deusik arpegira;  
goizean jaiki eta gogotsu mendira,  
udaberrian beintzat pozik joaten dira.

\* \* \*

13 Agintzen duten oiek gordetik aza-aza,  
guretzako asmatzen ez da erraza.  
Gaurko gazte askoren bizitza eskasa,  
entzun, nere arreba maite Nikolasa:  
guk paseak pasa,  
au ez da jolasa,  
estutzen arnasa,  
noiz atera baza?  
Kontzientzia askok al dauka lasa?

\* \* \*

14 Zeiñen serio egiten duan  
berak nai duan guzia,  
ondo ausnartzen ez bada ere  
ori dago ikusia.  
Nork jarritako gauzak dauzkagu  
arnasa eta bizia?  
Aitormen asko ez dago baiño  
bada nunbait Nagusia.

# Itzaurrea

---

<b>Ataria</b> .....	7
Segundo Kalonje Ezeiza (1910-1986) .....	9
Oriamendiko Joxe Martiñen bertso batzuk ...	18
Oriamendiko Lino Kalonjeren bertso batzuk ...	23
Karlisten gerrateko oroipenak .....	26
Aitajauna eta abar .....	31
Gerra-denborako bertsoak .....	33
<b>Egunkari eta aldizkarietako bertsoak</b> .....	47
Bilintx zanari .....	49
Illargirako asmoan .....	53
Xenpelar zanari .....	56
Urtaintzat iritzi batzuk .....	60
Baserriko kontuak .....	62
Deabruaren beldurrez .....	65
Alkarrizketa .....	70
Udazkena .....	74
Donostiari .....	77
Idi-tratua .....	81
Aurtengo Xenpelar sariketari .....	83
Moda ta lujoak .....	85



Kukuaren otsa .....	88
Patronato San Miguel .....	92
Ondartzara joan nintzan .....	94
Goialdea laiño .....	97
Zar geienak pipiak jota .....	99
Kinto-billerak .....	103
Baserriko auldadea .....	105
Emazte gaixoari .....	109
Bertso berriak .....	112
Begira nola gabiltzan .....	115
Mendaro Txirrixtakari .....	120
Pedro Mariren omenez .....	123
Neguan uda .....	126
Manuel Olaizolari .....	128
Goierrirrak txalotuz .....	132
Indotxinako gerra .....	135
Pelotariak .....	138
Pelotaren izaera .....	143
Luziano Ormaetxeari .....	147
Nere lagun bati aipamenak .....	150
Mundutarrok biurri .....	153
Baserria ta baserritar zarrak .....	156
Gazte baten aginduz .....	158
Aingeru eder bat .....	160
Nik bai nai .....	162
Maiteko nukenari .....	165
Bilintxen arrazoiak .....	168
Xalbador il zan .....	171
Udara negu biurtu .....	173
Perurenari .....	176
Negua oraindik .....	178

Zartzaroaren soiñekoa .....	180
San Antonio egunez .....	183
Aralar .....	185
Gizona munduan .....	189
Aur-kontu .....	192
Manuel Lasarteri .....	195
Donostiko menditxo bati .....	197
Bertso-txapelketari .....	201
Bertsojartzaille gazteari .....	203
Gaixotegian .....	205
Arrosari .....	207
Bakoitzak bere gaitzak .....	209
Eskerrik asko, jaunak! .....	212
Barkatu, jauna! .....	214
Beti zerbaiten palra .....	217
Alta Agirretxeri jarraituz .....	219
Ondartzako erakusketak .....	221
Udaberria eldu da .....	223
Inbiri madarikatua .....	225
Bertso berriak .....	227
Ordaiñetan .....	229
Iparragirre oroituz .....	231
Alta Santuaren agerpena .....	233
Eiztariak .....	235
Otsailla .....	237
Dirua ta deabrukeriak .....	239
Emaztea ta senarra .....	241
Au da primabera! .....	243
Garagarrillak bederatzi .....	245
Gaur aiña eskale... ..	247

Pake prestutik urruti .....	250
Xenpelar zana .....	253
Aita baten naigabea .....	256
Estropadak dirala ta .....	258
Oillagorraren etorrera .....	260
<b>Esku-idazkietako bertsoak .....</b>	<b>263</b>
Kukuari .....	265
Xenpelarren etxean .....	267
Ogi egillea .....	270
Ez dakit zer esan .....	272
Tolosara joanda .....	273
Urte berria iritxi zaigu .....	275
Mendi tarteko txoko bat .....	278
Gernikako zugaitza .....	280
Penitentzia .....	283
Ezbearrak .....	286
Jose Maria Arrietari .....	289
Zinkoeneko Iñaxiori .....	291
Garizumako burutazioak .....	293
Santio eguna .....	296
Bilintx .....	298
Amodioa .....	300
Il bearra .....	302
Banaka eta binaka .....	303



## Segundo Kalonje

Liburu au Segundo Kalonje (1910-1986) zanaren bertso-bilduma da.

Orain ogeitabost bat urte, bertso-jartzailleak frutu berri mardulez bete zuten bertsolaritzaren zugaitz zaarra. Egunkari eta aldizkarietan arkitu zuten ortarako bide erosoak, garai batean bertso-paperetan bezelaxe. Sail ugariak urte aietan plazaratu ziranak; jartzaille egoki asko orduan agertu zana.

Oietakoa degu Kalonje: iturri garbi eta bizia arena; bertso ongi neurtua, puntu dotorea, etorri oparoa, euskera jatorra; bertsolari zaarren maitalea: Xenpelar, Otaño, Txirrita... Bai bere denborakoena ere: Xalbador, Uztapide, Basarri, Lasarte...

Baiña iñor danen buru jartzekotan, Bilintx bereziko zuana. Gaztetandik, "loreak udan intza bezela" edan zituan Segundok aren bertsoak; bai beraren jarraitzaille txintxoak geroztik izan ere. Ortik liburu onen izenburua, Donostiako bi bertsolari maitagarri auek betiko uztartu nai dituana.

A. Z.



Donostiako Euskararen  
Udal Patronatuaren  
laguntzarekin argitaratua



Euskaraz Bizi

ISBN 84-89080-64-X



9 788489 080645